

И. Р. БРАНДЕНБУРГ

ХРИСТОСНЭНЬ КИСЬ



ЧИЛИСЕМА
ЕНО ВАЛДО

И. Р. Бранденбург
„Путь ко Христу“ на мордовском (эрзя) языке
Перевод И. Калинкина
© 1994 «Свет на востоке»

И. Р. БРАНЦЕНБУРГ ХРИСТОСНЭНЬ КИСЬ 19.115

ЗЯРЫЯ ВАЛТ ТЕ КНИГАДОНТЬ ДЫ СОНЗЭ СЕРМАДЫЦЯДОНТЬ

Эрва книганть ули сермадыцязо. Те ломань, конань седеензэ ды мелензэ-арсеманзо пачк ютась эрва строчкась.

Мезе евтамс книгадонть, кона течи панжозь тынк икеле? Те, васняк, книга, конасонть евтави сехте инеденть ды эрявикстэнтъ, седе, мезень тееме машты ломанесь, мезе сонензэ эряви содамс Паздонть ды идемань-вансто-мань китнеде. Те книганть сермадызе ломань, конань Пазось казизе Святой Писаниянтъ домка содамочисэ. Те ломанесь ламо иень перть таштась домка превть.

Иван Рихардович Бранденбург – минек пингентъ кирдажозо. Лисни, печтясь покш, эрва кодамо енксонь эрямо. Сонзэ – рузонь, сеетьстэ вастневиця лемезэ, конань зярдояк эзизе кадно. Сонзэ – немецень, сеетьстэ вастневиця тетя лемезэ ды фамилиязо. Чачсь сон Рига ошсо, сукнань микшнициянь семиясо колмоце эйкакшокс.

1914 иестэ, од ломанькс, Иван Рихардовичень Берлинэв кинть лангсо куроध्ये войнась. Ниле иень перть эрясь сон Берлинсэ, чачома кудонзо эйстэ васоло. Тосо ошонь Миссиянтъ вельде весе седейсэнзэ ды превсэнзэ кармась кемеме Иисус Христоснэнь.

Богословокс тонавтнемантень бажазь, Бранденбург 1916 иестэ сась Билефельдэв. Ансяк войнанть кувалма школанть курук пекстызь. Иван Рихардович тонавтнеманть ялатеке поладызе сехте паро школасонть – Иисусонь пильге песэ.

Билефельдсэ сон ульнесь Од ломанень Христианской

кужонь секретарькс. Тосо теевсь малавиксэкс „А пелиця братт“ вейсэндявксонтъ марто. Мейле тензэ савсь тонавтнемс Тюбинген ошсо.

Теде мейле ютасть колмо иеть. Иван Рихардович тердезель Любек ошонь церьковав пасторонь таркас. Тезэнь кадновсь 8 иес. Мейле ютась Берлин ошонь Миссияв.

1943 иестэ Иван Рихардович тердезель армияв. А од иензэ кувалма важдось кельстэ кельс ютавтыцякс полонс понгозень лагерьсэ. Вастневсь рузонь ды лия нациянь ломантнень марто, конат войнань шкастонтъ теевсть пайстомокс. Седеяк парсте кармасть содамо сынст оймень-седеень вешемадост. Ансяк сеть шкатнестэ а кода ульнесь ветямс миссионерэнь тевентъ. Войнадонтъ мейле панжовсь сонзэ эйс кись. Панжовсь „Свет на Востоке“ Миссиянтъ вельде, конань инспекторокс Иван Рихардович ульнесь сизыгемень иес.

Иван Рихардовичнень Пазось макссь рузонь ломантнень башка вечкема. Сон содасынзе немецень народонтъ обуцянзояк, оймензэяк. Те вельть лездась тензэ рузтнэнь ды немецтнень ютксо раськень сюлмавома-нень теемстэ.

И. Р. Бранденбург совась братонь вейсэндявксонтень, кона Штутгарт вакссо Корнтальсэ. Ней сон оймси. Яла-теке, кода евангелист, вети духовной тевентъ. Сон – духовной тевтнес тердиця, эярыя книгань сермадыця, Яков Крекерэнь кавксо томсо апак прядо сермадовксонзо автор, ламо брошюрань сермадыця.

Монень те книганть савсь ловномс рукописьсэ. Сынть истямо мельс: сон аволь ансяк лезэв, сон чистэ вельть эряви ломанентень, кона бажи аволь ансяк эриця, идиця кемемадонтъ содамо, седейсэнзэ кантнемеяк.

Н. Водневский

Васенце главась

РЕЛИГИЯ? КЕМЕМА?

(Народтнэнь мелявксост)

Аволь умок ломанте виздсть религиозной эсь ойме-ежодост, кекшсть сынст. Течи минь вешнетяно эрямонь ды виень од лисьмапрат. Ды киньгак сельмезэ а сявады сень лангс, кие эрямонь нежеть муизе религиястонть. Бути мещантнэнь шкаст прядовомсто ульнесь тердема: „Религиозной кевкстематнеде вейсэнть таркасо кортнемс а ен“, ней теде кортнить весенень марямга. Панжозь сельмсэ ваньить минек эрямонь видечинть. Те видечинть сови религияськак, бути сон эри аволь невтнемань кисэ. Религиозной вешнематне седеяк виевгадыть сестэ, зярдю минь ливтяно лангс эсь киртязь содамочинек.

Содамочинь границятне – мезе учи эйсэнек? Мезе ули мейле? Минек смустень границятне – мезенть эйтэ ашти уцясканок? Минек виень границятне – кода монень изнямс эрямонь асатыкстнэнь ды стакачитнень? Минек эрямонь границятне – мезе ули куломадо мейле? Минек ваньксчинь границятне – кода кирдян вал ломантнень икеле?

Эсенек границятнеде свал содазь – натой тешкстазентень бажазь ды мекев сонзэ кадозь, – минь эсенек вельксстэ марятано певтеме вий. Косто саеви те виесь? Природань вий? Уцяскань вий? Сон азоркстни лангсонок. Лоткавты эйсэнек, лезды эрямосонть. Сон мезекскак а лови бажамонок. Сон теи юр, конасонть тенек сави эрямс; невти таркат, конатнес минь чачнотано. Мон

весть маринь, кода олячиде арсиця вейке важдиця мерсь ялганстэнь: „Нать, а марят: тонь ветнить лия вийть?“

Ломаненть уцясказо ашти лия, асодавикс ине вийт-нень эйстэ. Теде арсематне эрсить вельть стакакс. Темень асодавикс вий азоркстни лангсонок? Паро Паз? Сокор тувтал? Закон? Домка рискс? Валдо кеняркс? Весемесь те минек эйстэ кекшезь. Варштамс салавачинь шаршавонтэ экшс – каднови атопавтовикс покш бажамокс.

Истя, минь эрятано учомань ежомарямосо. Ков седе виевть неть ежомарямотне, тов седе кеместэ эйсэнек саи пелема ды кемема. Минь марятано: мартонок тееви мезе-бути а истя. Вешнетяно видечиденть вал ды уцяс-кань кеме юр.

Эрямосонок акемемань ежомарямось – прок тиринь енкстсo рискс-мелявкс, кадозень, урозонь ежомарямо. Те ежомарямось содавикс эрвантень.

Зярдo васенцеде кадынек тетянь-авань кудонтэ ды понгинек лия таркас, минек саимизь кодамо-бути тал-нома, лепштясь эйсэнек ачарькодевикс рискс.

Кортыть, келя, ломаненть мельга яки емавтозь раентэ кис мелявкс. Те видеяк истя. Минь явинек ды туинек свал эриця Пазонтэ эйстэ, Конань марто алтазель тенек эрямо. Те кекшезь мелявксось минек теи религиознойкс. Весе религиятне – те Пазонтэ марто кортнемантень ломанень мелявксoв бажамо. Ютазь шкатнень перть кодат ансяк религиозностень енкст эзь печтя ломанесь! Кадо-возь плематнень оймест майсематнестэ, идемевсте пелемантэ эйстэ саезь – сэрей, неоплатонской философиянтэ видьс пачкодезь. Шамантнэнь мунзоматнень – манзоматнень эйстэ саезь – Магатьяма Гандинь мода лангонь покорксонзо – рисксэнзэ видьс пачкодезь. Пазтнэнень

ломантнень жертвань максомастонтъ минек пингень
ломантнень социально – нравственной бажамост видьс
религианть эрямозо моли кумба енов, конань эйсэ а
евтавияк зяро вельть мазый тусонь викшнекст.

Нама, религиадонтъ ломантнень мелявксост-арсемаст
а вейкетъ. Сынъ аштить эрва народонтъ ежомарямонзо
эйтэ. Кода сэрястонтъ касы ансяк тумо, аволь тополь,
истя эрва народось ды расась эсест духовной сюпавчи-
стэст теить религиань эсест вешнемаст. Кода музыкасо
ды искусствасо невтеви эрва народонтъ потмоежозо,
истя религияськак невтеви сеть енкстнэсэ, конат ладить
те эли тона народонь койтненень. Паздонтъ эрва нар-
одонтъ мелявксонзо неявить эрямонь лувстонтъ, конань
пурнызе-теize природась. Чарькодеви: язычникесь-эски-
мосось лиякс терди эсензэ а неявикс пазонзо, а истя,
кода Тихой океанонь островтнесэ эрицятне. Индиянь
храмтне а молить Кельнэнь собортнэнь енов. Негратнень
морост гайгить аволь кода индеецтнэнь морост. Бути
эрва народонтъ религиазо ды религиозной мелявтоман-
зо эсензэ, седеяк а вейкетъ неть мелявкстнэнь формась.
Те смустесь лади народтнэнь кельтненень ды культу-
ратнененьгак. Тень кемексты религианть неень шкань
эрямозо.

Нама, минь а истя сюлмазтяно природанть марто,
кода сюлмазельть кадовозь народтнэ, конат явозельть
лия народтнэнь культураст эйтэ. Неень шкань цивили-
зациясь, кона „идизе“ ломанентъ „ине ведьга уиця
эенть лангсто“, нельгинзе сонзэ кедьстэ сеть вийтнень,
конатнень вельде сон ланга-прява невтиль религиань эсь
ежомарямонзо. Ялтеке лия народтнэнь марто сюлма-
воматне эзизь мацте эйсэнзэ религиозной ежомаря-
мотнень.

Неень шкань психологиястонть содатано: духовной вешнематнень-бажамотнень лепштямось вети, кода кортыть, оймеежонь лавшомгадомас. Истя эрси религиозной вешнематнесяк. Зярдэ религиозной вешнематне кода эряви а топавтовить, религиозной мелявксось вешни эстензэ „полавкс“. Те лиясто тееви мик наркотиктнень вельде. Зярыя иеде теде икеле лиссь книга, конань лемезэ: „Кекшезь религия“. Неень эрямонь содыцясь эйсэнзэ евтни, кодат чуросто вастневиця формат лиясто сайнить апак топавто религиозной бажамотне: вегетарианства, тусонь вечкема, спортсонть ды техниканть вельде мелень витема, одонть панжомантень ды искусствантень бажамо – весемесь те максы потмоежонь кеняркс ды религиань тус. Неень шкань малав эрва ломаненть улить кекшезь ды неявикс оймень канстонзо. Лиясто сынь допрок аволь стакат. Мерьсынек, чуросто вастневиця кактусонь вечкемась. Седе сеетьстэ неть бажамотне савкшныть аляксчинь тевтнес: сэрей пандо прянтэ изнямось, северной полюсонть тонавтнемась, спортсо изнявксонь саемась. Кода картасо эли лиясо мейсэ налксемэ вельть вечкицясь кувать апак арсе, секень вант, весеметь емавтсы, истя эрязь тетя-азортнэяк анокт почтовой маркань пурнавксонь эли кудонумолонь кастомань-раштамонь кис ютавтомс байтяк ярмакт.

„Ломанентень эрямонтъ пельде мезе-бути эряви саемс!“ – истят сеетьстэ марсевиця валтнэсэ неень ломанесь бажи эсь бажамонзо идеме. Маряви, оймесэнек ули чаво тарка, конань эряви пештямс. Кода нармунесь, потмо виень тердеманть коряс, ливти лембе масторов, истя ломанень седееськак течинь эрямостонть бажи емавтозь раентень ды Акулыця Пазонть марто вейсэндязь эрямос.

Бути оймесэнек чаво таркась а ули пештязь эрявикс

смустьсэ, ломанесь карми молеме икелев яла виевгадыця талнома марто. Лиясто сон те талноманть бажи оймавтомонзо тевсэ. Лиясто венсти кедензэ лавшо эли седе виев наркотиктнес.

Маряви, минь, ломантне, пельтяно сэтъмечинть эйстэ. Кодамо-бути а кирдевикс вий свал терди эйсэнек наянгалеме. Маряви, минь пельтяно видечинть марто вастовоманть эйстэ, кона кармавты эйсэнек самс кодамо-бути мельс. Истямо уш ломанесь: видечинть вешнезь, теке шкастонть оргоди эйстэнзэ. Минь эрямостонтъ вешнетяно видечинть ды бажатано оймеежонь касоманть витеме. Мейле сыть оймавтыця мельть: весе неть кевкстематне атопавтовикст. Лоткинек алкуксонь видечинть вешнемадо. Ды зярдю тенек маряви: минь ойминек, сеск апак учо сыргози Пазонтъ кисэ мелявксось.

Минь – ансяк ломанть! Ды се тувталонтъ кувалма, мекс минь Сонзэ нолдавкст, зярдюк ковгак а туевтяно Сонзэ эрямонь чалгавксонзо эйстэ. Ломанесь религиясо натой сестэяк, зярдю сон а бажи теде витъкстамо. Бути ломанесь моли эсензэ религиозной ежомарямонзо каршо, сон моли природанть каршо, тееви смусттемекс, сеетьстэ эсь прынзо пейдевитицякс. Пазонтъ эйстэ оргодемань мельтне, бажамотне лепштить оймень сехте эрявикс вийтнень. Пазонтъ енов молицянтъ таркас ломанесь тееви пейдемакс.

КОНА РЕЛИГИЯСЬ АЛКУКСОНЬ?

Зярдю мон ульнинь сисемеце классонь тонавтницякс, сестэ минек, тонавтницятнень, талновтсь кевкстема: кодамо религиясь алкуксонь? Свен Хеддин сермадсь седе,

кода Тибетсэ эриця буддистской монахтне эсь олясост кадыть мода лангонь парочитнень, алтыть эйсэст пазонтень. Нать эзинек ловно минь покш мельсэ Гомерэнь „Илиаданть“? Нать а кемексты эрва религиясь вана тень: ансяк сонзэ эйсэ видечись? Кие мери тензэ покордамс ды сялдомс лия религиятнень?

Сеть шкатнестэ ловнынек колмо сурксто Готхольд Ефраим Лессингень евксонзо. Тетянтэ ульнестэ колмо цераanzo, конатнень вечкилинзе вейкетьстэ. Тетянтэ ульнесь питней сурксозо, конанень се шкань койтнень коряс эрjavсь ютамс сехте вечкевикс церантень. Апаркстомтомс церантень эйстэ вейкентькак – мель арасель. Секс тетясь арсесь манямост. Сон салава мерсь мастернэнь теемс васенцентэ енов молица кавто суркст. Нама, седе берянтэ ды а питнейть. Куломанть самонзо марязь, тетясь эрва церантэ тердизе башка ды эрвантень кортась секень: „Церам, саик те сурксонтэ. Тон монь сехте вечкевиксэм“. Тетянтэ куломадо мейле братнэнь ютксо лиссть севномкат. Эрjavсь ливтемс лангс: конаст кедьсэ алкуксонь сурксось. Эрjavсь кемевтсь: сон алкуксонь сурксонтэ азорось. Ансяк вейкентенькак кияк эзь кемевтеве.

Евксонтэ смустезэ чарькодевикс: суркстнэ – народтнэнь религияст. Эрва народось кеми: ансяк сонзэ религиязо алкуксонь ды виде. Секс кецякшны тенень. Ансяк вана вейкеяк народнэнь эзь евтавт кемевтиця вал религиозной вановтонзо коряс.

Лессинг ульнесь ансяк ушодовиця либерализмань ломанькс, кона весе питнейчитнень тейсь а допрок видекс. Кода видекс авольть неявт Лессингень валонзо ды кода сеетьстэ сынст авольть евтне поэтэнтэ вечкицянзо, сонзэ мелезэ а виде, ильветьксэв. Ламоксть евтазь ильветьксэсь видечикс а тееви.

Кевкстемась: кона религиясь седе виде? – чаво кевксте-ма. Бути религиясь эйсэнек вети Иисус марто кортнеме, сестэ сон виде, алкуксонь. Мезекс эряви народтнэнь ды расатнень религиатненень вейкекс улемась, зярдэ сынь ансяк Пазонтъ кисэ мелявксонь евтамо, конанень эряви пачкодемс, бути минь бажатано эрямосонтъ сэтьмечинь ды ояксчинь муеме. Тесэ виде Инязоронтъ валозо: эрьвась эсензэ койсэ терди Пазонтъ. Африканецэсь лиякс, аволь кода азиатось. Немецтнень хораласт гайгить аволь кода англичантнэнь духовной морост. Рузтнэнь духовной моротнень гайтест а молить французонсетнень енов. Павел апостолось, философонь ды пазонь вешнициянь ошсонтъ Афинтнэсэ улемстэ „ацирьгадсь“, зярдэ неинзе тосо религиянь койтнень. Сон кармась содамо гректнень храмтнесэ топавтовикс религиянь койтнень лувдост. Ялтаке ареопагсо эсензэ вельть содавикс кортамонзо ушодызе аволь сяддомасто. Эзь пшкаде истямо валсо: „Тынь а превей ломанть, пазонтень озноманк – кенгелема, тынк религиянк а виде“. Мекевланк, сон тенст пшкадсь паронь арсець, истямо валсо: „Афинэнь эрицят! Весеместэнтъ неяви: тынь пазнэнь прок вельть кемицят“. Неень шкань кель-валсо те гайтевель вана кода: „Мон ванан, тынь ломантне пазнэнь седейшкава кемицят. Истя „А содавикс Пазнэнь“ сермадовкс марто алтареськак Павелнэнь эзь марявт сизезь а кемиця ломанень мелень мольстициякс.

Кода минь, ломантне, содасынек алкуксонь Пазонтъ, конань марто вастовоманть марятано оймеежосонок? Сон миненек а сави тонавтнемань-ванномань тевекс, а моли содамочинь кодамо-бути пелькс енов. А философиясь, а религиозной виев бажамотне а панжить ки те салавачинть.

Леопольд фон Ранке евтни эсензэ „Прусской история-

сонзо“ Фридрих Великойде: „Сон свал мольсь каршо, бути кияк кавтолдыль Пазнэнь сонзэ кемеманзо коряс...: „Мон Пазонть а содаса, ялатеке суюконякшнан Тензэ“. Фридрих Великоень каршо тень коряс кияк эзь моле. Те весе религиатнень юр: сынъ – кадык мик эрьвась эсензэ ладсо – Пазонть апак сода, ялатеке суюконить – озныть Сонензэ. Мезезяк лиязо религианть арась. Сонензэ мезеяк лия миненек а максови. Сон моли чаво вакан енов, конань ламодояк ламо вешиця ломанень кедть кепедить менелев, бажить: Пазось пештявлизе эсь виде-чисэнзэ. Весе религиатне – те церань вейсэндызь ламо вайгелень гайть, кона моли Тетянь кудосто. Цератне тер-дезь сеерить: „Стян ды туян Тетяненъ!“

Религиясь теевкшни идемевсенъкс ансяк сестэ, зярдо бажи неявомо седе покшокс сень коряс, кодамо сон алкукс, зярдо алтни тензэ теевицядонть седе ламо, зярдо эсь прянзо невти истя, мерят, сон улиак Тетянь кудо. Каштанксчинть ды прянь шнамонть кувалма пазнэнь озноматне, секень вант, теевить идолтнэненъ суюконя-мокс, Пазонъ законось – авидечикс, Пазонъ салавачи-дентъ лецтнематне – магиякс. Минь кармавлинек вейке-нек-вейкенеке седе парсте чарькодеме, бути муевлинек неть кевкстематнеде вейкине мелень лув. Сестэ минь лоткавлинек Пазнэнь алкуксонъ кемемантень вишка питнень макснемадо. Лия ендо, минь бу аволинек лово эсь прянок истямокс, кодамо ансяк Пазось.

Весе религиатне марить эсест вайгелест гайтенть. Теньсэ эсь прянок манчемась, эсенек эйс ваямость.

Кодат енксонзо кенгелеманть иляст ульть: перть пель-ксэнь вельть вечкемась, эсь прянтъ верьга кандомась, те – ялатеке ансяк авидечи. Ломанентень ансяк маряви: сон пачкодсь сэрей миртнэнь салавачис. Мистикась машты

ансяк перть пельксэнтъ невтеме, сонсь а максы тензэ смуть. Ашти чаво ваканось столь лансо. Сайсынек, кепедьсынек прынок вельксс. Сон кадови истямокс, кодамокс ульнесь – неть минек эряскалематнень эйтэ а пешкеди.

УЛИ-АРАСЬ МЕЗЕЯК РЕЛИГИЯДОНТЬ ПОКШ?

Миненек сехте покш кевкстемакс ашти вана мезесь: бажатано-арась религиясонть ойменек-меленек витеме, эли религиядонть мезеяк седе покш ули?

Тесэ китне явовать. Вельть эряви вана мезе: улест валдт чарькодеманок. Те лезды тенек сравтнемс-сэвтнемс сехте покш ачарькодемаатнень, конат мешить виде-стэ панжомс меленек-арсеманок. Тень коряс Ранке корты вана кода: „Мон а содан, изняви-арась акемемась, бути седейс а саемс Пазонь мельтнень. Вана тень эзь шна Фридрих Великий“. Неть арсемаатнесэ ине историкесь лезды тенек кортамосонок-мельсэнек теемс кеме эскелккс икелев. Религиясь сьолмавозь ломаненть тевензэ марто. Сон мари минек стака потмоежонок ды лавшочинек. Максы тарка мелявксонтень ды таргави вечноентень. Сон арси Ине Паздонть, бажи сельме икельдензэ неемс Анеявиксэнтъ.

Пазось, натъ, ансяк тень кадызе емавтозь раенть кисэ мелявтыця ломанентень, – ансяк емавтозdentъ лецтнеманть? Неень шкань религиозной философиясь корты: эрва ломаньсэнтъ ули кезэренъ енкс. Бути ломанентень теде башка мезеяк а саеви, сестэ тензэ мезеяк лия а каднови, кода ансяк религиозной инстинктэсь.

Эсь прынок истя ветямосонтъ минь а кемтяно Пазонтъ

тевезэнзэ ды покш каштанкчисэ нетяно ансяк эсь прянок, тевтнестэ – ломаненть. Те улиак пазнэнь акемема. Ули аволь ансяк Тетянь кудонтъ мельга мелявтыця ломань. Ули Се, Кие аноксты тензэ кудов велявтоманть. Аволь ансяк ломанесь эри-ашти эсензэ кевкстеманзо ды нужанзо марто. Ули Паз, кона панжи видечи минек кевкстеманок лангс ды саи нужачинек.

Религианть ули раужо виень енксозо, кона ушодовсь ланга-прявань язычестванть эйстэ, пачкодсь а видестэ чарькодевиця „христианстванть“ видсь, кона весе тевтнесэ эсь прянзо лови Пазонтъ марто вейкетъкс. Нама, мелявксоь ды вельть покш мельтне лиясто пачтякшныть ойментъ вана мезес. Сыргозтезь ойментень маряви: топавтовсь сонзэ бажамозо. Алкукс, те ансяк лембе арсема! Кие ламо иеть печтясь чачома енксонзо эйстэ васоло, сеетьстэ некшнесь тантей онт: сон эри кудосо, ялганзо ды раськензэ ютксо. Валске сыргозиль стака ежосо – те ансяк он. Кие видеяк велявтсь чачома пизээнзэ ды аштенъ чокшнестэ, вальмало аштезь, вансь аванзо сельмс, се соды, мезе те истямось – кудов велявтомась.

Кода неявикистэ аволь стя Тетянь кудось минек икелев мелявксонтъ вельде, ялатеке чачома пизэс алкуксонь самось весемедентъ теде седе покш. Эсензэ содавикс „Хипатия“ романсонзо Кинсилий сермады, кода важов седей ава-философось эсензэ оймевиензэ вейсэндямонтъ вельде бажи кепетемс Пазонтъ ваксс. Потмоежонь виевгадоманть пачк сон сыргози рангозь. Эсь прянзо неизе ильведевезекс. Бути истя топавтовольть бажамотне, сестэ, нама, Назаретстэ Иисус улевель ламотнестэ вейкекс, кона шनावоль Пазонтень пачкодеманъ кинть. Сестэ Пазнэнь христиантнэнь кемемаст аволь мезеяк лия, кода

ансяк минек бажамотнесэ ды вийтнесэ кепетемс Пазонть ваксс. Миллионт христиант тень истя чарькодить-как. Сынъ сайт кедезэст ознома книгат ды молитъ церьковав. Арситъ, те эряви Пазонтень. Секс арась мелест коламс Сонзэ ежонзо. Ломанесь церьковань койт-нень топавты вана мекс: оймесэнзэ кеми, Пазось карми вечкемензэ. Весемесь те топавтови законоть коряс паро мельсэ, истямо ванькс оймесэ, кода магометанинэсь чистэ топавты сонензэ сермацтозь озноматнень. Тень пингстэ сон ваны Мекканть енов. Ломанесь озны, панжи оймензэ. Ансяк весементъ тень топавты эсензэ вийсэ шнамонь-каземань учозь. Яла кевкстнян эсь прям: видестэ – аволь весементъ тень теинь мон? Паряк, монень эряви снартомс эрямо лия религиясо? Зярдю кажавить акемемась, седейрисксэсь, истямо ломанесь емавтсы, кода сонсь корты, „кемеманзо“. Витьстэ меремс, сонзэ кемемазо зярдюк арасель. Те кемемась ульнесь ансяк религиознойкс. Ды, бути икелензэ панжови лия ки, конань изнямс сатыть виензэ ды улемс религиознойкс, штобу лия койсэ яволявтомс религиозной эсензэ мелявксонзо, сон сти те кинть лангс.

ЭРЬВА РЕЛИГИЯНТЬ ПЕЗЭ

Эряви тешкстамс: религиознойкс улемс „христианской“ эрьва кодат бажамотнень экшсэ ашти покш иль-велькс. А эряви стувтнемс: Иисус Христос эзь ульне религиянь ушодыцякс. Сон сась аволь религиятнень ламолгавтомо. Мекевланк, Христосонь самонть смустесь вана мейсэ: путомс пе весе религиятненень. Пандо лангонь проповедьсэнтъ Сон евтась валт: „Илядо арсе:

Мон сынъ законтнэнь эли пророктнень коламо: аволь коламо МОН сынъ, – сынст топавтомо“ (Матф. 5, 17). Те евтазь, бути чарькодемс седе домкасто, весе религиатнеде, аволь ансяк Моисеень закондонть.

Павел апостолось эсь шкастонзо евтнесь благочестивойтненень: „Секс, мекс закононтъ пезэ – Христос, эрва кемицянтъ – видечинтень“ (Рим. 10, 4). Те течи сави пазнэнь весе кемицянтненень: Секс Иисусонь ули ине лемезэ – Христос. Сон аволь ломанень мелень-арсемань седе тов поладыця. Сон сась аволь седе благочестивойкс минек тееме эли минек религиозной кемеманок витеме. Сон – весе религиатнень пе. Сон келейстэ панжизе Пазонтень ветиця кинть. Сонськак теевсь Пазонтень ветиця кикс.

Эрва религиясь кеми: религиозной койтнень топавтомаст вельде панжови ки, конаванть пачкодят тов, косо Пазось. Теньс покш вийсэ бажась фарисей. Миньгак свал эрятано те зыянсонть. Благочестивой ломанень калмо лангонь лазсто сеетьстэ савкшны ловномс истямо сермадовкс: „Сон ульнесь религиозной ломанькс“. Иисус Христос – „пупордямонь кев“. Сонзэ эйс порксневить ломаненть эсь прянь идемань бажамотне ды вийтне.

Иисус Христос – аволь весе религиатнень вейсэндявкс, лиякс меремс, сон весе религиатнень лангсо аволь сехте покшось. Сон – мирсэнтъ весе религиатнеде Пазонтъ валозо. Иисуссо пазонь те валось кармасть улемерунгокс, исторической личностекс.

Зярыя кементь иеде теде икеле богословтне пелькстасть эсь уютковаст. Ульнесь-арась Иисус ансяк ломанькс? Паряк, Сон видеяк Пазонь Цераль?

Те кевкстеманть экишэ кекшезь ломанень эрва поклонениянь покш проблема: сая-арась Христос Эсензэ эйс весе ломантнень рисксэст-мелявксост? Ули-арась

Сон Пазонтень ломантнень пельде кучозекс? Сон эли а Сон ломантнень нужачидест Пазонтъ виде валозо? Те кевкстемантень покш материал максыть язычниктнень ютксо христианской миссиятнень эрва кодат тевест ды талантост.

Ламо сувов кемематнень лангс апак вано, неень шкань миссиятне народтнэнь религияст а неить кода эйкакшонь ильветькстнэнь. Миссионерэсь покш мель яви язычникомъ религиянтень. Сон те религиястонть мари Пазонтень народонтъ пельде энялдома. Те Пазось язычниктненень а содавикс. Евангелиядонтъ кортамсто миссионерэнтень эряви вешнемс сынст кельсэ евтавикс валсюлмавкст. Истя теемс мереви вана мекс: кой-кона народтнэнь кельтнесэ а евтавить „прощения“, „праведность“ валтнэ. Эряви тонадомс библейской лия чарькодематнень евтамскак. Ансяк миссионерэнтень зярдояк эзь савкшно вешнемс „Паз“ валонтъ. Узамбарыстэ шамбала племань негрась соды ды корты „Мулангудо“. Папуастнэ кезэрень шкасто саезь неень шкас содыть „Анутудо“. Борнео островонь даяктне содасызь „Девас“ валонтъ смустензэ ды седе тов.

Весе неть народтнэненень ды плематненень пачкоди Христоссо Паро Куля. Пачтяви Евангелиясь – кода сынст покш бажамост топавтома.

Китаецтнэ ламо тонавнтить. Сынъ вечкить Конфуциень. Тосонь религиозной классиктнень сермадовккост ловномсто миссионерэнтъ ульнесь тувталозо меремс: „Нать, а нетядо: тынк религиозной литературасонтъ весемь моли Сенень, Конань топавтоманзо мон пачтян тыненк. Сон эйсэнк вети тов, ков тынь бажатадо“. Миссионерэнтъ чарькодизь.

Языческой миссиянтъ эрямосо неть сюлмавоматнень

содыцясь а шнасынзе сяддыцятнень аволь домка кортамост: „Кадынк язычниктнень религияст, конасонть сынъ эсь пряст марить уцяскавкс. Илядо макст сынненст сень, мезесь тенст а лади!“

Христианской миссиятне васолот неть кортамотнень эйстэ.

Миссионерэнь тевсэнтъ (мезесь седеяк кемексты Иисус Христоснэнь минек кемеманок) – вельть вадрысь вана мейсэ: сонзэ вельде Иисус Христос сы народтнэненъ аволь кода лия масторонь ломань. Эрьва народось Иисусонь васты, кода малавиксэнтъ. Ды виентъ вельде, кона моли Сонзэ эйстэ, олячисэ виевгавты эрьва народось эсензэ коензэ.

Иисус Христос – весе народтнэнь ды расатнень кевкстемаст лангс Пазонть виде валозо.

Религиясь народонтъ эйстэ а явовикс. Сон лиси ломанентъ тевтнестэ. Секс кодамомяк народнэнь а эряви саемс эстензэ лия религия.

Иисус Христос сы седе верде. Сон аволь ансяк иудейтнень эли гректнень Паз. Сон – Ине Пазонь Вал. Сон менелень ды модань Теицянтъ, Ине Пазонть Валозо. Секс весе народтнэненъ Вал. Сон ашти весе национальностнеде сэрейстэ. Ды весе народтнэненъ эряви марямс Сондензэ. Сон... „содавикс народтнэнь ютксо, саезь кемемакс весе мирсэнтъ...“ (1 Тим. 3, 16). Религиознойкс кадовомс бажицятне кадык улить истямокс, ансяк сынненст а мереви полавтнемс религианть смустензэ, пельдензэ сень учозь, мезесь сонензэ а максови – ветямс Пазонтень. Пазось сонсь сась Иисуссо, конанень минь мертяно Христос. Сонензэ минек мелень явоманок а тешкстави, а сермацтови валсо, конань тенек эряви топавтомс. Тесэ арась тарка кортамотнэненъ-ванномат-

ненень. Пазонь валонть каршо улезэ эли Пазонь шнамо, эли сядома, „секс законотъ пезэ – Христос, Пазнэнь эряви кемицянтъ ветямс видечинтень“ (Рим. 10, 4).

Иисус Христоснэнь минек бажамонок эйтэ ашти Тетянь кудонтъ лангс праванок. Тесэ кортамось моли аволь покш эли вишкине сюпавчиде. Тесэ кортамось а моли ломанентъ ерокчидензэ ды аляксчинь тевдензэ, кода корты Мартин Лютер. Тесэ тевесь Иисус Христоснэнь кемемасонок.

Кесариясо эрясь римской сотник Корнилий, конадонтъ миненек евтни Лука докторось – Деян. (10, 2): „Благочестивой ды Паздонтъ пелиця, кудосонзо весе эрицянтень марто народонтень парочинь максыця ды свал Пазнэнь озныця“. Мезе эно эзь сатно тензэ? Течи сонензэ меревельть „практической христианин“. Ды сон ялатеке апак лотксе тошнакалесь Пазонтъ кувалма. Оймензэ потсо ульнесь апак пештя чаво тарка. Те бажамонтъ топавтоманзо кис озноськак Корнилий (Деян. 10, 31). Бажамонзо топавтомась сась тензэ Пазонь кучовтонть вельде. Кучозесь совась сонзэ кудос, яволявтсь Пазонь паро мельтнеде. Сон евтась тензэ кулозтнестэ Иисус Христосонь вельмамодо. Пачтясь вана тедеяк: „Сонензэ эрва кемицянтъ пежетензэ улить простязь Сонзэ лемсэ!“ (Рим. 10, 43). Те шкастонть саезь Корнилиень эрямосо ушодовсь мезе-бути од. Сон лоткась ансяк религиознойкс улемадо, кармасть Пазнэнь кемеме. Те – се кись, конаванть эряви модемс эрва религиозной ломанентень, бути сон бажи седе ламос, аволь ансяк религиантень.

Ансяк Пазнэнь кемицянтъ ули тувталозо меремс: мон христианин. „Видестэ, видестэ кортан тенк: Монень кемицянтъ эрямозо а прядови“ (Иоан. 6, 47), – корты

Иисус. Се, кие Христоссто муize Пазнэнь кемемань нильксэнтъ, кемезь яволявты: мон велявтынъ кудов. „Истя тынь аволь истяконъ ломантъ ды ве ендо сыцят, тынь святойтненъ кондят граждантъ ды Пазонтень малавикст“ (Еф. 2, 19). Емазесь тееви тиринь церакс. Истя лиссь вана мекс: сонзэ вастызе Иисус Христос, кармась улеме тензэ Инязорокс ды Тетянь кудов кикс.

Те – тамаша. Сонзэ печтясы ансяк се, кие кемезевсь Пазонтъ Валс.

Омбоце главась

„КЕЗЭРЕНЬ ШКАТНЕСТЭ САЕЗЬ КОРТЫЦЯ ПАЗ...“

Бути аволь уле мезеяк лия „кезэрень религиозной феномендэнтъ“ башка, а мезекс улелель сермадомс те главантъ. Ломанентъ религиознойкс улеманзо тонавтнемась кемевти: ломанентень эрямо макссь Пазось. Ломанентень а кекшеви Пазонтъ пельде эсь чачомась, кадык ломанесь васов тусь тензэ эрямонь Максыщянтъ эйстэ. Ялатеке религиясь, кода ульнесь евтазь, ансяк Пазонтень кевкстема, аволь виде вал те кевкстемантъ лангс. Бути Пазонтъ ды ломанентъ ютксо эрявить сюлмавома, сестэ Пазонтень а кода а панжовомс ломанентень. Кецямозон-ок, Сон истя теияк.

АТОНАВТНЕВИКС, АНЕЯВИКС

Пазось аволь кинь-бути теевкс. Теицясь азоркстни эсензэ теевксэнтъ лангсо, конань пельксэкс ультяно минь. Теевксэсь миненек тонавтневи-панжови, зярдэ эряви, кармавтови тенек лезэнь максомо. Те смустьсэнтъ Паздонть кортамскак а мезть. Сон минек арсемань ды тонавтнемань тевекс а сави. Бути сон улевель истямо тевекс, сестэ молевель минек енов, Пазокс аволь ульть. Тенсэ, кода мерить, религиозной философиянтъ ильветьксэзэ. Пазось – весеметь лангсо инязор. Сондензэ минь карматано содамо зняро, зярос Сон панжи прянзо, зяро мери содамс Эстедензэ. Минь ансяк сонзэ теевксэнзэ. Ломанентень Пазось свал каднови апак содазекс. Псалмань морыцясь сермады: „Икельде ды удалдо Тон неят эйсэнь ды путат лангозон Эсетъ кедеть. Тамашакс неяви монень Тонь прянь ветямот – сэрей, монень а чарькодеви!“ (Пс. 138, 5-6).

„Сон – покштнень Инязор..., Кона эри атонавтневикс эрямосо, Конань ве ломаньгак эзизе некшне ды а несы“ (1 Тим. 6, 15-16). Теке шкастонть Пазось миненек вельть малавикс. Павел апостолось эсь шкастонзо мерсь грекень философтенень ареопагсо: „...Сон эрванть эйстэ а васоло: минь Сонзэ вийсэ якатано, эрятано“ (Деян. 17, 27-28). Ялатеке Пазонть улемадо весень ежомарямотне – те аламо. Те а теи эйсэнек Сонзэ марто малавиксэкс, зярдэ васенце христиантнэнь марто вейсэ меревлинек: „Минек ули Паз марто мирэнек“ (Рим. 5, 1). Тесэяк панжови ломанень религиозностесь, кона вети, кода тензэ мерить, „тейнемас“, козонь совить эрва кодат озномань евтамотнеяк.

Иисус Христос Пандо лангонь проповедьсэнзэ корты: язычниктне кортыть вельть ламо, „сынъ арситъ, эсест

лавгамост вельде улить марязь“ (Матф. 6-7). Те се, мезен-
тень мерить „языческой суматоха“. Тенень кемевтить
сетькак, кить неизь Индиясо анимистнэнь религиозной
процессиятнень ды религиозной праздниктнень. „Тевт-
нень истямо видечинть“ шнакшнить религиозной седе
ламо ломантне. Истя лисни вана мекс: религиясо лома-
несь бажи сонсь седе ламо тееме. Те важдемадонть ике-
ле ломаньсэнтэ эрси потмоежонь талнома. Истя эрси се
шкас, зярс благочестивоесь – улезэ сон фарисейкс, фило-
софокс – эстетикекс, эли мыслителькс – карми содамо:
весе бажамонзо ды паро тевензэ мик вейкеяк санти-
метрас сонзэ эзизь малавгавто Пазонтень.

Ломанень арсематне теде, весе снартнематне – тонав-
тнемс, содамс Пазонтэ, пачкодемс салавачинтень – эш-
кевкшнить кеме стенас, кона ашти ломанентэ ды
Пазонтэ ютксо. „Тон алкукс салавачинь Паз“ (Ис. 45, 15).
Иаков апостолось сермады: „Пазось моли каштантнэнь
каршо, сэтметненень максы парочи“.

Ломанесь Пазнэнь кемемантень пачколи аволь рели-
гиянтэ вельде. Кода а кемевиксстэ те аволь гайге, ялатеке
тевесь ашти истя. Ламотне вельть религиознойть. Те меши
тенст максомс эсест эрямонь рулентэ Пазонь кедтнес.
Сынь кортыть Паздонть. Сынст ули Пазонтэ лангс эсест
вановтост, молить Сонзэ каршо, бажить мезес-бути
кемевтемензэ. Ялтатеке пилест Пазонь вайгелентень пек-
стазь. Те улиак Пазнэнь кемемантень васенце анокста-
мокс, кона миненек ванстови Христосо.

„Сеть, кинь пилест марицят, кадык марить“, – одов ды
одов корты тенек Христос. „Тон панжить монь пилем“, –
сермады псалмань моравтыцясь. Сон тень шны, кода
Пазонь паронтэ кис оймелембень сехте виев талномат-
нень (Пс. 39, 7).

Содатадо-арась тынь: Пазонть ули мелезэ кортнемс мартонк. Ансяк Сонзэ кунсолозь, минь мусынек кудов кинть. Истя, те кевстемась сти икеленек сехте покш кевкстемакс: косо ды кода мартонок корты Пазось?

ВАЖОДЕМАНЬ КЕЛЬ

Те кевкстемась ламонень маряви а стакакс. Бути бажан улеме Пазонть марто съкамон, кортыть сынъ, сестэ вешнян перть пельксэнтъ сэтьме аштема тарка. Тунда вирень сэтьмечисэ, зярдю нармунтне ушодыть валскень морост, ванан мазыйдеяк мазый тусонь чивалгоманть енов, кунсолан морянь ведьбрянь увтнэнь, весементь тень эйстэ марян Пазонть вайгелензэ, кона гайги монень пшкадемакс. Кие карми молеме вана тень каршо: вирень сэтьмечись, перть пельксэнтъ мазынзэ эйс ваномась а кармавты эйсэнек Пазонтень сюконямо?! Ков седе маласо минь аштетяно перть пельксэнтень, ков покш мельсэ ваннотано Ине Мастерэнтъ теевксэнзэ, тов седеяк покш бажамонок шнамс Сонзэ инечинзэ.

Ансяк а карматано эстенек кенгелеме. Минь чачома шкасто саезь эсенек эйсэ кантнетяно романтикень башка обуця ды мик лавшо оймеежосо виттяно меленек. Перть пельксэнтень истямо сюконямось ливтеви лангс кода минек религиозностенть пельксэзэ. Нама, перть пельксэсь тенек панжи Пазонь виенть, ансяк а кекши ли сон теке шкастонть Теицянтъ смустензэ?

Паро ученойтнень-естествоиспытательтнень ютксо улить ламо истяткак, конатнень превест чополгавтынзе перть пельксэнь тонавтнемась. Секс икелест Пазонтень ветиця кись кадовсь пирязекс.

Романтикесь, маень валске вирьга якамсто, а арсезеви вана теде: те виресь апак пештя зыянсо ды сэтьмечисэ. Сон а арси вана тедеяк: те вирьсэнтъ моли кежей тюрема „весемесь – весень каршо“. Ды те аволь ансяк ракшат-нень эрямосост. Истя ашти тевесь чувтнэнь, тишкетнень эрямососткак. Веенст кулыть омбонстнэнь эрямоост кис.

190 иеде теде икеле Франкфурт-на-Майне ошсо, Германиясо, эрясь эряза церыне. Паро обуцянь авазо сонзэ кастызе се шкань койтнень коряс. Весть сон мерсь церан-стэнь: „Вант, кода превейстэ ды парсте весемесь теезь перть пельксэнтъ. Тонавтник тень эйстэ Пазонь паронтъ!“ Кода те церыненень топодсть 6 иеть, весе Европанть келес ливтясь стакадожак стака куля: Португалиянь вельть мазый столицась, портонь ошось Лиссабон, зярыя минутас педе-пев калавтозель моданть сорномасо. Маштовсть тыщат церат, ават, эйкакшт, сыре ломанть.

Перть пелькстэнтъ церыненень содамочинзэ лондавтозельть, прок картань кудыне.

Сыречисэ уш Гете „Поэзиясо ды видечисэ“ произведениясонзо сермадсь седе, кодат талномат печтясь сон церынекс, зярдо кармась содамо Португалиясо землетрясениядонть.

Зярдо а зярдо минек эйстэ эрвась карми содамо: перть пельксэсь ломанентъ а ветясы Пазонтень истя малас, зярдо сон кармаволь Пазонтень кецямо ды кувалманзо мелень кастнеме. Кода перть пельксэсь аволь невте миненек Пазонь виентъ, кода аволинек дивсе вселенноентень, кода аволинек шна Пазонь превейчинть, ялатеке перть пельксэсь эйстэнек кекши Пазонь вечкемань сехте эржавикс валонтъ ды а евты тенек вал кевкстеманок лангс.

ИСТОРИЯ

Кой-кона ломантненень маряви: видечинтень седе маласот сеть, кить Пазонь вайгеленть вешнить аволь перть пельксстэнтъ. Сынь вешнить ломантненень эрямоост. Вейке поэт мерсь истя: „Мирэнтъ историязо – мирэнтъ лангсо суд“. Паряк, эсенек эрямонок, народонтъ историязо кармавтыть видекс неть валтнэнь ловомо?

Седан маласо тюрематнеде мейле Вильгельм кайзерэсь сермадсь эсь дневникезэнзэ: „Кода велявтсь тевесь Пазонтъ лесксэнзэ вельде!“ Текесь евтави Россиядонть-как, лия мастордоjak. Мартин Лютерэнь эрямосо сехте стака читнестэ муевсь курфюрст, кона эзь пельть: панезь монахонтъ кекшизе эсензэ кудос. Кодамо эрявикс тевекс те ульнесь!

Ансяк тешкстасынек: минек раськентъ эрямосо уцяскав тевень рисьментъ вакссо таргавсь лия, а седе нурькине рисьме: зыянов тевень. Кода средневековьянь шкастонть Германиянь райхесь Штауферэнь тевензэ вельде таштась покш вийть, „кежей тувтал“ сезизе сонзэ величестванть эрямонзо. Кодамо зыян кекшезь вана теньсэ: зярдэ Мартин Лютерэнь бажамонзо вельде Германиянтень максозель духовной олячи Риментъ пельде, немецень князтненень прявтсо ульнесь ломань, кона немецек кортыль ансяк кисканзо марто. Истят тамашат ульнестъ сехте меельце зыянонтъ самс. Ансяк вана ломантненень арась мелест кунсолломс историянь вайгелентъ.

Мезе, историясь ломанентъ туртов Пазонь вайгель? Бути истя, сестэ мертяно: те кельвалонтъ смустезэ а вельть чарькодевикс. Эрямосонтъ событиятненень эряви видестэ панжомс ломантненень. Ансяк вана историктне

секеть ютазь тевтнень панжить а вейкетьстэ, государствань политикантень савтозь.

Лия, вана истямо сехте покш кевкстемась: ветни-арась Пазонь вельть виев кедесь историянтъ? Минь содатоно: сон зярыя шкас макссь азорксчи моданть лангсолия вийнень. „Те мирэнь князесь“ – истямо видечи, кодамо сонсь ломанесь. Сон верень буквасо сермады ломантнень историянтъ. Паронтень бажамонть вакссо эри зыянс бажамо. Ломанень эрямось соды ломанень чумочинь кувака списка. Пазось зыянов виентень макссь историянтъ ветямонь тарка, натой мерсь кой-косо теемс сонзэ. Секс историясь а тееви Пазонь ойменть панжомань виекс.

СОВЕСТЬ

Кой-кить кортыть: Пазонь вайгеленть эряви вешнемлия таркасто. Кунсоллок эсь прят, кунсоллок Пазонь вайгеленть, кона седейсэть. Паряк, минек совестенек – те Пазонь вайгель, кона эри эйсэнек? Мертяно: сехте паро ломантне бажить топавтомс Кантонь категорической вешеманзо. Сынь кемить: истя важдить Пазонтень. Виде, совестесь – лангс паро ливтиця. Пазось максызе сонзэ весе эрямонок перть мартонок молицякс. Те корты вана мезде: эрямо нолдымизь Пазось. Минек совестесь – человечествань емавтозь эйкакшчинь ежодонтъ лецтнемань пелькске. Ознома кудонь Тертуллиан тетясь, бульчом, тень кирдсь превсэнзэ, зярдс сермадсь: „Оймесь чачозь христианка-авакс“. Пежетесь нельгизе те аваксчинть.

Ломаненть паро ежомарямозо – те Паз марто мир. Те

мирэсь емавтозель Пазонть эйстэ явоманть кувалма. Вана мекс лиясто эйсэнек сыргозекшны истямо арсема: рунгосонок ули мезе-бути аволь мода лангонь, ачарь-кодевикс. Лиясто минсь марсетяно: „Монь марто мезе-бути тейневи...“

Блаженной Августин эсь виткстамосонть кадсь вана истямо евтawk: „Вере Паз, минек Пазонок, Тон нолдым-изь Эстеть. Минек седейтне а муить оймамо се шкас, зярс сон а ойми Тонь эйсэ“. Седеенек, те талномась, конань сыргозти совестесь, нама, религиозностентень бажамонок пелькс. Совестесь минек эйсэ ансяк сестэ тееви Пазонь вайгелькс, зярдс сон апак кола, зярдс азорозо, ломанесь, видеяк, эри Пазонть марто вемельсэ. Се, кие арси: совестесь свал Пазонь вайгель, вельть ильведевкшни. Секс мон лецтян тенк вейке тамашань тев. Сон лиссь косо-бути Африкасо мирсэнтъ васенце войнадонтъ икеле, колониянь портовой ошсо. Портсонть аштесь военной корабля. Эрьва пелечистэ сон увныль. Вестъ ошканть мольсть фермер ды офицер. Офицерэсь корты фермерэнтень: „Мон ильтятан часонь витницянтъ видьс. Сонзэ вальмасо шкась. Сонзэ коряс аравтнян эсень часон. Те лезды, зярдс эряви увновтомс кораблянтъ“.

Аламо шкань ютазь фермерэнтень кодамо-бути те-вень коряс савсь улемс часонь витницянтъ кедьсэ. Сон дивсесь: те-вень содыцясь част нолдась астрономической шканть коряс.

– Ялгай, панжик потмот, кода тень теят? – кевкстизе мастерэнтъ фермерэсь. Часонь витницясь паро мельсэ мерсь: „Те тееви вельть шождасто: мон эсь частнэнь нолдтнян якамо кораблянь увноманть коряс. Кораблясь ашти минек портсонть. Вельть шождасто тееви те-весь...“

Фермерэнтъ ульнесь тувталозо кувать ванстомс те

салавачинть. Ансяк вана частнэнь видечинтень кемемазо пек лавшоль.

Те тевсэнтъ карми улеме башка смусть, бути сонзэ сайсынек притчакс совесттентъ кевкстеманть ванномсто.

А мезть кортамскак, совестесь эрси минек тевенек компасокс. Истя лисни, зярдо налнэсь невти магнитэнь паксянть енов. Кода эно содамс, виде-аволь совестенек? Мертяно: ули удыця совесть, ули пултазь совесть, ули ношкалгавтозь совесть, ули машневтиця-сэредиця совесть. Минек совестентъ лангс нежедить эрва кодат вийть. Сеетьстэ сон моли эсензэ каршо. Эрси натой истяк, зярдо совестесь чувтомкшны. Эсензэ тевензэ парсте топавтомга совестентень эряви эрямонтъ лангс келейстэ ваныцянь паро ветиця.

Неень шкань техникань кельсэ кортазь, минек совестесь – приемник, аволь радиостанция. Монь пельде улелельть нолдазь кольнемань тевть, бути рамавлинь приемник, путовлия эсень квартирасо эрявикс таркас, кармавлинь ручканть чаравтомо ды дивсеме, мекс а марян музыка. Приемникентень эряви максомс электровий. Натой сестэяк, зярдо те ули теезь, приемникентъ эряви ладямс эрявикс волнас. Минек совестенек – те приемник. Перть пельксэнь эрва кодат гайнематнень-увноматнень кувалма ламот зярдояк а марсить Пазонь вайгель. Эряви путомс вийть, сестэ муеви пазонь волнась, кона минек сюлми Пазонтъ марто.

„Ды вешнеде Монь ды мусамизь, бути вешнемень карматадо весе седейсэ. Ды Мон улян муезь, – корты Пазось...“ (Иер. 29, 13-14).

ПАЗОНЬ ВИТЬКСТАМОСЬ КИНЬГАК ВИТЬКСТАМО ВАКСС А ПУТОВИ

Пазось корты. Пазось эзизе кадо ломаненть уцяскань даволтнэс, эзизе макст религиозной инстинктнэненъ. Те – кецявтыця куля, конань миненек, христиантнэненъ, эряви пачтыамс мирэнтень. Пазось вешни емазтнень, ильветьксэнь теицятнень. Сень кувалма, мекс ломанентень зярдояк эстензэ а муеви Пазонтень ветиця кись, Пазось сонсь таргизе янонзо миненек. Пазось а моли чатьмониця, мелявксонь каштмолемасо аштиця идолтнэнь енов.

Мекс Пазось корты мартонок те вастовоманть вельдеяк, Сон эри ютксонок. А видеть вана истят мельтне: кие-бути марто кортамось ветяви ансяк вейкень-вейкень неезь, мартонзо вастовозь. Ломантнень ютксо кортамось ушодови валсто, кортамосто.

Минь а ушодтано кортамо сетнень марто, кинь бажатано юткстонок панемэнзэ. Истятнэненъ а евтатано вейкеяк вал. Тунь а марицясь ды а кортницясь сокордонть пайстоמו, ськамонзо шкань печтиця. Паряк, сокоронтень седе покш лескс эряви лиянь пельде. Ялатеке сонзэ ойме потмонь эрямозо эрси седе сьупавкс. Сон парсте пурны потмоендонь виензэ. Вадря марямонть вельде, апак нее, сон вечки мирэнтъ, кона перьканзо, корты мартонзо. Амарямось сеетьстэ теи ломаненть лияненъ а кемицякс, лия мельга салава ваннцыякс. Сетнень ютксо, конатнень неи, сон прянзо мари ськамонзо кадовозекс.

Миненек Эсь Валонзо максозь, Пазось теимизь свал марицякс ды малавгавтымизь Эстензэ. Сон кази тенек седе ламо сень коряс, мезенть марявлинек нееманть ды оймень панжоманть вельде.

А эряви арсемс: Пазось анеявикс. Те тувталось ашти а изнявикс пирявксокс Пазнэнь кемеманть кинть лангсо. А эряви бажамс Пазонтень евтнеме, кодамо киява молезь Сонензэ эряви невтемс Эсь прынзо.

Бути эзинец са Пазнэнь кемемас, истя лисни вана мекс: минь аволь анокт молеме се кияванть, конань тенек анокстызе Пазось. Мельсэ тень кирдезь, миненек эряви кунсолломс сетнень, кить састь кемеманть. Пазонь ламо „вешницятнень“ тевест истя ашти вана мекс: сынъ вануть а тов, ков эряви. Ниас островонь (Суматра маласо) эрицятнень ули валмеревксэст: „Пазось ашти эйстэнек весемезэ вейке эскельксэнь тарка“. Истя кортыть язычниктне. Ды ялатеке просвещеннойтнень ули тувталост Сонзэ икеле пекстнемс сельмест ды пилест.

Эряви бажамс вана мезес: седеезэнек саемс Пазонтъ витькстамонзо. Кадык Пазось а каднови тенек анеявикс Пазокс. Секс эряви улемс Сонзэ кунсолыцякс. Миненек эряви апак пельть, весе кавтолдоматнень ды сяддоматнень каршо молезь, панжомс пиленек. Пазось икелепелев тешкстызе мартонок вастовоманть. Ансяк те вастовомась ашти сень эйстэ, кода машттано кунсолома.

Сядот иетнень перть христиантнэнь церьковась тонавты: Писаниянь кунсоломанть вельде миненек казезь Пазонтъ марто кортамо.

Мирэсь свал стякшнось те видечинть каршо. Сон тень лемдясь ды лемди кенгелемакс. Кортыть: „Мекс ансяк вана те книганть – Библиянтень – максозь Пазонь питне?“ Сяддомань весе вийтне, христианской церькованть ушодовомсто те шкас, стявгозь-сыргавгозь Библиянтъ каршо.

Библиянтъ каршо ламодояк ламо кайсевематнеде кортамонть ушодомадо икеле ули меленек евтамс хри-

стиантнэнь кемевтемаст: „Минь весе, Библиянтень кеми-
цятне, кода Пазонь Валонтень, истя тейтяно аволь авто-
ритетэнтень сокор кемеманть кувалма, эли домкасто
арсеме мелень арасьчинть кувалма. Миньгак сынек а
кемицятнень ютксто. Изнимизь аволь ломантнень ке-
мевтиця валост. Изнимизь, кода Библиясь лиякстомты
эрямонть ды эсенек эрямонок“.

Ломантне, конатнень мелест Библиядонтъ кемекста-
всь содавиксэкс теевемадо икеле, а пачкодить Пазнэнь
кемемантень, зярс кода эряви а кармить книганть тона-
втнеме.

Колмоце главась

СВАЛ ЭРИЦЯ ВАЛ

Арась мирсэнтъ истямо книга, конадонтъ сермадозь
истя ламо, кода Библиядонтъ. А муеви истямо книга,
конанень мировой литературасонтъ критикась явоволь
истямо мель, кода Библиянтень. 19 пингестэнтъ Биб-
лиянтъ тонавтнестъ наукань весе пелькстнэ: историясь,
кельтнеде наукась, археологиясь, естествознаниясь. Ве-
семесь максозель Библиянтъ домкачинзэ тонавтнеман-
тень. Библиясь „сувтнезель“ буквань-буквань. Сон печк-
сезель пельксэнь-пелькс ды истя ваннозель эрва ендо.

Мезе эно ливтезь лангс неть ванноматнеде-тонавтне-
матнеде мейле? Муезель-арась мезеяк?

БИБЛИЯНТЬ ЧАЧОМАЗО

Библиясь чачсь истя, кода чачить лия книгатнеяк. Библиясь эзь пра икеленек менельстэ. Эзь теевть кода-мо-бути асодавикс вийсэ. Сонзэ сермадсть ломанть, конат молить минек енов. Библиянтъ ловномсто маряви сермадыцянзо эрямонь лувост, тевень топавтомань обуцяст. Сынъ ульнестъ эсест пингень эйкакшокс. Секс Библиястонть неяви мирэнтъ лангс кезэрень вановт, марявить се пингень арсемат.

Библиядонтъ естественно-научной мельтнесэ апак евта сверхестественной содамочи. Ансяк мирэнтъ теемадо пачтямотнесэ вастневить тамашань мельть-арсемат.

Неень шкань геологиянь тетясь, Квенштедт, вест мерсь истя: „Моисей ульнесь весе шкатнень инедеяк ине геологокс“.

Ансяк карматано Библиянтъ чачомадо кевкстнемань макстнеме, вастовить тувталт, конатнеде эряви арсезевемс. Бути Библиясь улевель мода лангсо чачозекс, сон сестэяк арсевтевель эйсэнек, кода содамоевкс.

Библиянтъ сермадыцязо а вейке, сынмест зярыя. Ялатеке миненек содавикст ансяк кой-конатнень лемест. Сынмест, кода автордо, а лецтневи исторической книгатнесэ. Ялатеке минь содатано: Псалмань ды икелепелень эрямодонтъ евтниця книгань сермадыцятнеде ульнестъ пек седе ламо сетнень коряс, конат лецтязь Библиясонть.

Библиянь сермадыцятне ульнестъ аволь вейке шкань ломанть. Вейсэ саезь сынъ эрясть тыща иень перть. Те – человечествань эрямонтъ омбоце пелезэ, конадонтъ минь содатано. Зняро шка эрявсь Библиянтъ сермадомонзо туртов.

Зярдо народтнень эрямост копачазель кезэрень

шкань чоподасо, натой сестэ уш севонень лазнэ лангс пеельсэ керсевсть Библиянь васенце букватне. Истямоль сонзэ ушотксозо. Минек эрань омбоце пингень рубеж-эанть папирус лангс сермадовсть Иоан Богословонь сехте меельце строчкатне: те ульнесь Библиянтъ пезэ.

Библиянтъ а вечкицянзо кемевтить: сон, келя, сермадозь ламо сядт иеде седе мейле. Видестэ арсиця эрва ломанентень те – ансяк евкс.

Аволь умок кой-кона ученойтне шнасть вана истямо мель: Иоаннонь пельде Евангелиясь сермадозель омбоце пингень прядовомсто. Ансяк папирусонь сехте меельце муевкстнэ кемевтить: уш васенце сядо иетнень ушодома шкастонть Иоаннонь пельде Евангелиянтъ парсте содылизь христианонь васенце вейсэндявкстнэсэ. Течи минь кемезь мертяно: Од Заветэсь сермадозель васенце христиантнэнь пингстэ.

Ялатеке Библиянтъ чачомазо саи вельть кувака шка. Сонзэ эйс эряви путомс тыщат иеть, конатнестэ вельть кезэрень евтамотне ютнестъ поколениясто поколенияс.

Библиянь весе сермадыцятне эзть совсе священникень кастас эли а кемицянь вейсэндявксс. Мекевланк, сынъ совильть эрва кодамо сословияс, топавтсть эрва кодат тевть. Давид ды Соломон инязортнэнь вакссо ашти Фекойской паксятнесэ стадань ваньцясь – Амос. Антиохиясто ламонь содыця грекень врачонтъ Лука вакссо аштить „а вельть грамотной галилейской пролетарийть“, Вифсаидстэ калонь кундыйтне, Петр ды Иоанн. Израилень народонь прявтонть Моисей вакссо ашти канцлерэсь (государственной советникесь) Даниил.

Библиянтъ сермадсть ламо асодавикст, конатнень озномаст миненек пачкодсть псалмасо. Вакссост Иеремия ды Иезекииль священниктне.

Библиясонть ломанень оймеежомарямотне полавтневить оймень домка ды сэрей ваньксчисэ. Казямо сермадовкстнэ полавтневить эрямосонть стакачитнеде евтнемасо. Закондо евтнемась полавтневи башка ломанень сермасо. Весемесь те вейсэндязь Книгатнень Книгасонть. Сонзэ эйсэ арась мезеяк ланга-прявань. Ули весемесь се, мезе ютась ломантнень седеест пачк, талновтсь сынст.

Весемеде пек минек дивавты вана мезе: Библиянь весе теицятне мик эзть арсеяк: сынъ сермадыть Библия. Бути арсемс, сат мельс: Библиясь чачсь сермадыцянзо бажамовтомо. Моисей ламонь а содыця кочевникень народонтень максы государствань ладямонь васенце юртнэнь. Павел тюрмасто кучи серма Малой Азиянь содавикс христианиннэнь Римев. Иеремиа пророкось эсензэ инязоронзо вансты а виде политиканть эйстэ. Кульцясь оймензэ лисемстэ пшкади Пазонтень, священникесь ладси Пазонтень озномань моро. Сынст эйстэ кияк мезескак лияс, икелест аштиця кевкстематнеде башка, эзь бажа.

Павел апостолонть вельть эрявикс, Коринф ошонь явовозь церьковантень сермазо сядот иень ютазь карми ловновомо модамасторонь весе церьковатнесэ. Павел теде мик онгак эзь некшне. Истя ульнесь лиятнень мартояк.

Тамаша: Библиянтъ сермадызь ламо ломанть, конат книгань сермадомадо эзть арсеяк!

Маряви, Сонзэ пелькстнэнь а вейкетъсчинть кувалма а ули юткост сюлмавома. Марявьсь, сонсь книгаськак а ули вейке смустень. Истя вельть стака эрси вейке книга-со зяряя авторонь научной трудонь нолдамсто. Стака ванстомс сонзэ вейкетъксчинть, кадык натой весе автортнэ ве наукань ды ве шкань. А истя мольсь тевесь Библиянтъ марто. Библиянтъ а вейкетъксчинзэ, сонзэ эйсэ

кой – зяро вейкеть таркатнень лангс апак вано, а кода а шнамс. Вильгельм Беше Геккелень тонавтницязо корты: „Библиянтъ, кода мирэнь весе ине книгатнень, эряви ванномс вейкинекс, вейсэндязек“.

ЛОМАНТНЕНЕНЬ БИБЛИЯНТЬ ПАЧТЯМОЗО

Ломантненень Библиянтъ пачкодемазо кемексты мелентъ сонзэ вейкетьксчидензэ. Кода сеетьстэ сонензэ алтнеть кулома! Ялатеке каршонзо кежей тюремасонтъ сон эзь таштомо. Сонензэ а эрявить витевкст одолгавтомозь лисеманзо кисэ. Каршонзо ламо молицятнень лангс апак вано, Библиясь нейгак – мирсэнтъ сехте содавикс книга. Весе эли башка пелькссэ сон ютавтозь 1 400 кельс ды кортавокс. Малав весенень чарькодевикс. Меельце сядо иетнень перть Библейской вейсэндявкстнэ весе народтнэненъ пачтясть Библиянтъ. Ялатеке Пазонь Валонтень ламо народтнэнь, седеяк – рузонь народонтъ бажамозо малавгак апак топавто. Сехте стака шкатнестэ ламо эрицят сайнестъ мель ловномс Библиянтъ. Тенень вельть бажасть од ломантне.

Зярдэ минек пингень комсеце иетнестэ Германиясо Библиясь лиссь одс ютавтозь (ютавтызе богословиянь профессорось ды филологось Менге), религиантъ каршо кайсевематнень ды эрямонтъ беряньгадоманзо лангс апак вано, миезельть 700 000 ламо экземплярт. Тень пингстэ а эряви стувтнемс вана мезде: эрва христианонтъ ульнесь эсензэ ташто Библиязо, конань ютавтызе Мартин Лютер сонензэ вельть эрявикс тешкс марто ды стих марто. Сынст эйстэ пазнэнь кемицятненень явомс а вельть шождыне.

А кода модемс вана истямо тевень каршо: Библиясь эсь вийсэнзэ полавтыль башка ломанть ды натой народт. Вейкеяк книгантень эзь савкшно печтямс истямо авечкема, кода Библиянтень. Библиянтъ каршо молицятнень авечкемаст – те аволь неень шкань пропагандань тувтал. Мик римской кесартнень пингстэ христиантнэнь пансемаст шкасто пекстань таркасо кирдевиця христантнэнь алтнестъ олячи, бути сынъ макссызь эсь Священной Писаниянтъ. Римень покш азортнэ чарькодильть: Библиясь ашти сень юрокс, мезентъ каршо сынъ молить. Сынъ кемсть: тень эряви теемс. Зярдэ средневековьянь ломантне, Библияс кемиця христиантнэ, кармасть вешнеме Пазонтъ марто сюлмавома римско-католической священствавтомо, сынст кармасть судямо кода еретиктнень. Ды Библиясь таго яволявтозель „пекстазь книга“.

Библиянтъ виезэ таго панжозель эрямонтъ одолгадама шкасто, зярдэ сон панжозель Европань весе нардтнэнь эсь кортамо кельсэст. Австриясо велень эрицятне нейгак невтить салавань таркатнень, конатнесэ сынст умонь расъкест кекшнестъ ды ванстасть вельть вечкевикс Библиянтъ.

Моравиясо ванстовсть Библиянь экземплярт, конатнестэ минек шкас эзть нартневе сынст азортнэнь верь петнявкстнэ. Натой тоначив ильтымстосткак бажасть а явовомс Библиянтъ эйстэ.

Меельце иетнестэ атеистэнь ламо мастортнэ лоткавтызь эстест Библиянь пачтямонтъ. Весемесь те корты Библиянтъ лезэс. Ливти лангс сонзэ каршо молицятнень а виде сялдомаст. Бути сынъ авольть пельть Библиянтъ покш вийдензэ, сестэ мезекс эрявсь каршонзо истямо виев молемась? Библиянтъ лоткавтомань бажамотнень

пингстэ ломанесь мари эсь прынзо вийтемекс. Библиянтэ смустензэ мезеккак а ловомась – лезэвтеме тев.

Вейкеяк книганть а вечксызь истя виевстэ, кода Библиянтэ. Католикень поэтэс Карл Шенгер „Кемема ды Родина“ эсензэ драмасонзо вельть видестэ евтни седе, кода Зальцбургонь эрицятне Библиянтэ кисэ каднылизь кудост, паксяст, ули-парост. Покш стакачинь печтиця вальденецтнэнь ды гугенотнэнь эрямососткак вастневить вельть ламо истят тевть. Россиясо Евангельской ине сыр-гоземась, кона ушодовсь ютазь пингень кодгеменце иет-нестэ, пансематнень лангс апак вано, моли течимень чис. Те, витьстэ меремс, ульнесь Библиянтень бажамонь сыр-гоземакс. Вачо шкатнестэ, мировой войнадонт мейле, Сибирень крестьянинэс вейке Библиянтэ кис аноколь максомс реве. Косо а кода ульнесь рамамс Библиянтэ, тосо сонзэ страницань – страница сермадылизь коневс. Истя пачтильть эйсэнзэ седе тов.

Сталинградонтэ кис тюреманы стакадож стака шкастонть вельть содавиксэкс кармасть улеме вана истямо тев: солдатнэненень явшезельть ламо Евангелият. Ялатеке весенень эзь сато. Книганть ловномо бажицятнеде ульнестэ байтяк. Сестэ явицясь кармасть эсь Библиястонзо листнэнь ноцковтнеме ды солдатнэненень явшеме. Ламот, кить ульнестэ пленсэ, содыть, кода тосояк эрявкшнось Библиясь. Полондо мейле ламо иень ютазь вейке ломань, кона икеле покш мель эзь явно Библиянтень, монень сермадс: „Библиясь тень кармасть улеме ине сюпавчикс“.

Тосо, козонь пачкодиль Библиясь, сон свал лездыль народонтэ культуранзо кастомантень. Ламо народтнэнь культураст виевгадомась ушодовсь сестэ, зярдо теевсть малавиксэкс Библиянтэ марто. Истя ашти тевесь Европань аволь ансяк „вишкине“ народтнэнь марто. Бути

немецень кельс аволь уле ютавтозь Библиясь, Германия-со лиякстоматне авольть ютавтово. Библиянтъ ютавтызе Мартин Лютер. Те тейсь покш путовкс Германиясо грамотностень кепедемань тевентень. Тень пингстэ теевсь германской плематненъ вейсэндямонь таркакс ды виекс.

Пазнэнь кемемась, конань миненек панжи Евангелиясь, кеместэ сьулмавозь истямо бажамонть марто: седе домкасто тонавтнемс Пазонь Валонть. Истя чачи вий, кона максы аволь ансяк эстенек кемема, сон теи седе ваньксэкс минек совестенек Пазонть икеле.

Германиясо ине сыргоземась кеместэ сьулмавозь истят лемтненъ марто, кода Филипп Иаков Шпенер, Август Герман Франке ды фон Цинцендорф графось. Историяс сынъ совастъ „Пиетизма“ лем марто. Те теезель Библиянь виентъ вельде.

Эрямось кемевти: ломанентъ обуцясо истят енкстнэ, кода аляксчись, ломантненень малавиксэкс улемась, видечись ды кунсоломась теевсть Пазнэнь кемеманть вельде, конадонть Павел апостолось мерсь истя: „Христосонь виензэ вельде монень топавтови весемесь“ (Фил. 4, 13).

Пиетизманть вельде сыргойсть ломантненъ эсест бажамост ды максозь валонть кирдемаст. Те вельть эряви вейсэнь зыянонть каршо тюремстэ. Ламо христиантнэ чарькодсть: лиятненень, седе лавшотненень, эряви лездамс. Тень вельде панжозельть урозонь ды тонавтнемань кудот. Мейле сынъ теевсть ламо тарадонь покш чувтокс – „Внутренней Миссиякс“. Байтяк ломанть максызь те покш тевентень ламо ули-парост. Истя лездасть оймавтомс колоньгемень иень войнань томбавкстнэнь.

А кода а тешкстамс вана теньгак: народонть духовной ды культурной касомазо кода а кода сьулмави Библиянтъ марто. Ине композиторонть Иоганн Себастьян Бахонь

домкасто чарькодъсы ансяк се, кие ловнызе Библиянтъ. Аламот содыть вана теде: Кенигсбергенъ философсь Иммануил Кант вельть вечкилизе Библиянтъ.

Те неяви лия народтнэнь эрямостонтъкак. Рузонь ломантнень духовной сыргоземаст ламодо аштесь Библиянтъ виензэ эйтэ. Россиянь духовной ды культурной эрямонтъ ушодыцяно эзьт моле Пазнэнь кемеманть каршо. Лецтясынек истят лемтнень, кода Гоголь, Достоевский, Соловьев, Мережковский, Л.Н. Толстой ды лият.

Миссиянтъ ютазь шказо корты народтнэнь юткова Библиянтъ келей эскельксэ молемадонзо. А кияк лия, кода Чарльз Дарвин, конань лангс вечкить невтнеме Библиянтъ каршо молицятне, кода сехте а кемиця лангс, вельть дивсесь сенень, кода Библиясь талновтынзе Огненная Землянь эрицятнень. Тосто Дарвин арсесь муемензэ обезыганонтъ ды ломанентъ ютксо сюлмавомань нильксэнтъ. Се шкастонтъ саезь сон эрва иестэ кучнось миссиянтень байтак ярмакт.

А покш остров лангс, кона Тихой океансо, виев ведьбрытнесэ ертозельть морякт английской кораблясто, кона янгазель. Капитанось идевсь. Сонзэ лембестэ вастызь тосонь эрицятнень покшпрявтонть кудосо. Столентъ лангсто неIZE Библиянтъ ды кармась згилямо Святой Книгантъ лангсо. Мерсь: „Монь масторсо тонавтозь вейкеяк ломань а кеми Библиянтень!“ Туземецэсь корты: „Капитан, иля згиля те книгантъ лангсо. Сон течи идизе тонь эрямот. Икеле, зярдэ минек арасель те книгась, вейкеяк ломань, кона ертозель те островонтъ лангс, живстэ эзь кадновт. Ансяк се шкастонтъ саезь, зярдэ кармась улеме те книганок, минь тонадынек вечкеме ломантнень ялакс ладсо“.

Истя минек ютксо як лиясь Библиянтъ виензэ вельде

топавты мелензэ. Теке шкастонть теде а соды эли чать-
мони тень коряс.

ЛИЯ КЕЛЬТНЕС БИБЛИЯНТЬ ЮТАВТОМАСЬ

Эрва теветь домкасто ванномсто вастовтано истямо тамаша марто. Минь содатано: эрва книгась лия народонь кельс ютавтомсто кой-мейсэ полавтови смустень коряс. Те тувталонть кувалма эрва ломанесь английской, французской, немецень литературанть ловномо бажи се кельсэнтъ, конасонть те литературась сермадозь. Нама, бути келесь сонензэ содавикс.

Сехте парсте ютавтозь книгастонть ялатеке емавтневи питнейчинзэ кодамо-бути пелькс. Те, секень вант, пирявлize народтнэс ветиця Библиянтъ кинзэ. Секень вант, лисевель вана истямо тев: Библиясь аволь теевть моданть лангсо весе ломантнень книгакс. А эряви стувтнемс: Ветхой Заветэськак, Од Заветэськак сермадозь, кода кортыть, „кулозь кельсэ“.

Сядот иетнень перть теезель ине тев эрва кодамо кельс Библиянтъ ютавтоманзо коряс. Те тевесь ушодовсь „сизьгементнень“ важодемастост, конат эсь шкастост Александриясо грекень кельс ютавтызь Ветхой Заветэнтъ, Иероним ютавтызе „Вульгата“ латинской Библиянтъ, Вульфила – готской Библиянтъ тетязо, Мартин Лютер немецтненень Библиянтъ максызе сынст кортамо кельсэст.

Те тевесь топавтовсь миссиятнесэ важодицятнеде икеле Индиясо, Китайсэ, Африкасо, Тихой океанонь островтнесэ. Библиясь ламо иень перть ютавтовсь сеть народтнэнь кельтнес, конатнень арасель эсест письменностест,

грамматикадонть кортнемскак а мезть. Тень пингстэ христиантэ ливтизь лангс: Библиянтэ смустезэ шождасто „кандови“ лия кельс.

Кода сеетьстэ вастневить тенек лия нациянь христиант, конат эсест кельс ютавтозь Библиянтэ ловить сехте вадрякс! Минь, немецтне, арсетяно: ули тувтал шнамс эсенек кельс ютавтозь Библиянтэ. Зярыя недлянь перть монень савсь ловномс Библиянтэ Египетсэ од арабонтэ-христианинэнтэ марто. Немецень Библиянтэ кунсолозь, сон ансяк мизолдсь. Сонсь яла шнась эсензэ, арабонь кельс ютавтозь, Библиянзо.

Дивань тевть! Библиясь, лия кельс сонзэ ютавтомадо мейле, тееви од книгакс. Таго тейневи Пятидесятницань тамаша, зярдо Римень империянь ломантне абунгалезь кортыльть: „Минь сынст марятано Пазонь тевтнеде минек кельтнесэ кортыцякс“ (Деян. 2, 11). Тесэ емавтсы эсь виензэ Вавилононь башнянь эрдекстэмась – кельтнень човорямось.

ПИРЯВКСТ

Б. Шлаттэр профессоронтэ валонзо коряс, „Библиясь а макссы шождасто прянзо“. Се, кие сонзэ сайсы кедезэнзэ васенцеде, моли эйкакш енов, кона ушоды ярсамо розень раужо кшиде. Калгодо кувонтэ поремс эрявить кеме пейть. Ансяк кшинть парсте поремстэ ломанесь марясы сонзэ лезэвчинзэ ды танстензэ.

Библиянтэ пельде содамочись сы а истя, кода лия книгатнень ловномсто. Мирсэнть литературань сехте питней книгатне сынст омбоцеде ловномсто емавтнить эсь мазычист.

Нама, кой-кона книгатнень домкачист ды сюпавчист тенек панжовить омбоцеде ловномадост мейлеяк. Неть Дантень „Божественной комедиясь“, Гетень „Фаустось“. Домкасто ловномадост ды тонавтнемадост мейле сынст смустест панжови педепев. Библиянтъ марто тевесь ашти лиякс. Васенцеде ловномадонзо мейле смустезэ маряви а чарькодевиксэкс, мелень мольстицякс. Секс а вейке ловныця Библиянтъ путнесь ве енов.

Кода свал, Библиясь эсь сюпавчинзэ панжи ансяк весе седейсэ ловныцянть. Те моли сень енов, бути тештев вестэ валдо кудосто лисемс ушов... Электротештень валдодонтъ мейле минь васня нетяно ансяк зярыя покш тештть. Вантано вень менельс, сельменек тонадовить чоподанть. Ды икеленек панжови „сырнень вельтямонтъ“ мазычизэ, конань сравтызе Моданть велькс Пазось.

Истя тевесь ашти Библиянтъ мартояк. Васня сельменек икелев каявить ансяк парсте печатазь стихть, конатнень марто, паряк, сьулмавозь лецтнеманок. Библиянтъ домкасто тонавтнеманть вельде икеленек эскелькс-эскелькс мельга карми панжовомо те книганть сюпавчизэ. Курок минь чарькодтяно: весе лия книгатне, ков седе ламоксть сынст ловнотано, тов сынъ марявить седе ланга-прявань. Лия ежомарямот эрить эйсэнек ансяк Библиянтъ ловномсто!

Ков седе ламоксть ловнотано Библиянтъ, тов седе сюпавкс ды питнейкс миненек тееви сон.

А вастадо истямо ломань, кона Библиянтъ ловномадо мейле меревель: „Ней монень весемесь чарькодеви!“

Улить-арасть пирякст башка ломантнень икеле, конат кецязь сайнить кедезэст Библиянтъ? Паряк, видестэ кортыть сеть, кить Библиянтъ ловить аволь минек, ловить еврееень книгакс?

Нетъ кевкстематнень лангс шожда муемс виде валт сетненень, кить вешнить видеци ды лескс. Кить допрок а маштыть кунсолмо, эсест мелест ловить „сехте меельце ине превекс“, сетненень кодамояк лезэв валсо а лездават.

Минь, Библиянь вечкицятне, те книганть ловнотано, кода тенек Пазонь Пачтямонтъ. Аволь кода иудейтнень потмоежост евтамо. Зярдонень сы авань сермазо, мон кецянь сонзэ кедьсермадовксонтень. Седеяк кецянь сенень, мезе пачтяви сермасонтъ. Сермань кандыцясь те шкане тунь а талновты эйсэнь.

Библиянь „кедьсермадовксось“ эсензэ эйсэ канды Святой Духонь тешкс. Библиясь пачти тенек Пазонь Валонтъ. Израилесь – те ансяк Пазонь „почтань кандтница“.

Ялатеке, паряк, эйсэнек сыремти кавтолдомат ды дивамот вана те: Пазось Библиясонть кочказь народокс лови ансяк вейке народ. Те народось – Израильсэ эрицясь.

Нама, бути мон вете иесэ церынем туртов кандан умарде пештызь кептерь, сон кочкасы сехте покш, сехте мазый умарентъ. Кие истят ежомарямот максы Пазонтеньгак, се арси а седе, мезесь Пазонь, мезесь ломанень. Тынъ, натъ, арседято: Пазось вешнесь ды кочкась Эстензэ модалангонь лия народтнэнь ютксто народ, кона, кода минь сеетьстэ кортатано, Сонензэ неяви мельс седе туицякс? Бути Пазось тенень явоволь мелензэ ансяк истя, сестэ весенень миненек улевель анокстазь кулома.

Израилентъ „кочкаmodo“ валсонть ули смуть, кона моли сень каршо, мезентъ бажить муемензэ Библиястонть те книганть каршо молицятне. Второзакониясонть – 7, 7-8 – минь ловнотано Моисеень истят валонзо, конатнесэ сон пшкадсь народонстэнь: „Пазось тынк коч-

кидизь ды сайдизь а секс, мекс тынь весе народтнэнь ютксо ульниде сехте покшокс. Арась, эйстэнк лия народтнэнь коряс седе аламо. Кочкидизь вана мекс: Пазось вечки тынк...“

Те пшкадемасонть Моисей айги ве енов истямо меленть: Пазось Израиленть кочкизе секс, мекс сонзэ народось лиятнеде седе паро. Пазось истя а тейни. Сенень, кие варчизе Пазонть баславамонзо, а мекс кепсемс эсь прянтъ. Каштанкчисэнтъ сон пирясы Пазонтень ветиця эсь кинзэ. Израилесь „кочказь сонзэ мазычинзэ кувалма“ валтнэ кортыть вана мезде: Израилень народось лиятнеде седе вадрякс эзь ульне. Пазонть вечкемазо – те весемезэ Пазонть седей лембень яволявкс.

Лисевель истяк: Пазось кочкавлинзе Египетэнь домка прев народонтъ, эли искусствань вечкиця гректнень, эли политикасонть ероков римлянтнэнь, эли талантливой кодамояк лия народ. Сестэ весе сеть, кить марявлизь Пазонь баславамонь паронтъ, савольть истямо мельс: природанть пельде сынэнст максозь содамочись ды превень домкачись аштить идемань юрокс ды тувталокс. Израильдентъ кортамсто весемесь те ематы. Египетстэ оргодиця урень племась сестэ народокс эзь ульне. Седе, кода сынъ мольсть пустынясо Пазонь баславамонть каршо, мейле – Ханаансо, апак сепе евтни Библиясь.

Ансяк а содыця ломантне кемевтить: Библиясь сермадозь Израиленть шнамга. Мекевланк, Библиясонть ламоксть мерезь Израильдентъ: „кежей“ народ, кона эсензэ пежетев тевсэнзэ стакалгавты Пазонть эрямонзо. Истя сонсь емавты баславамонть.

Каршо Израиленть молеманзо лангс апак вано, идемань коряс Пазонть тешксэнзэ, бажамонзо ялатеке топавтовить. „Пазось кочкизе мирсэнтъ-масторсонть пре-

вейчинть сядломга аволь превеенть, виевенть сядломга Пазось кочкизе аволь виевенть; мирсэнтэ асодавиксэнтэ ды покордазенть, конань эйстэ мезеяк а ашти, Пазось кочкизе вельть неявиксэнтэ панемга. Весемесь те теезь вана мекс: кадык кияк а покшкавтни Пазонтэ икеле. Сонзэ бажамонзо вельде тыньгак эрятадо Иисус Христосонь эйсэ, кона тенек превейдеяк превейкс теевсь Пазонтэ вельде. Сон теевсь видечикс ды прянь идемакс. Улезэ истя, кода сермадозь: шныцясь шनावозо Пазонтэ (1 Кор. 1, 27-31).

Неть валтнэсэ Павел апостолось парсте невти тенек: Библиясонть кортамось моли аволь ломанень шнаmodo, аволь Израилентэ шнаmodo. Кортамось – ансяк Пазонтэ шнаmodo. Миненек, ломантненень, те а вечкеви. Ломантне Библиянтэ каршо молицякс тейневить аволь антисемитизманть вельде. Ломанесь бажи сонсь Пазокс уleme, кадык натой пазнэкс. Ломанесь свал моли Пазонтэ инечинзэ каршо. Истямокс сон чачсь.

15-це пингстэ Флоренциясо эрясь од художник ды скульптор. Од художникесь тонавтнесь ине мастерэнь кедьсэ. Весть, афатявозь, мастерэсь колась мраморонь теевкс. Кода аэрявиксэнтэ, путызе ве енов. Тонавтницясь вешизе те колазь теевксэнтэ, кона максозель тензэ. Евтамось пачти тенек: се мраморонь вейсэндявксстонть теезель Давидэнь вельть паро скульптурась. Сон нейгак мазылгавты Флоренциясо академиянтэ. Се тонавтницясь ульнесь Микеланджело Буонарроти. Сон теевсь весе Италиянтэ келес содавиксэкс. Теевсь аволь ансяк секс, мекс Давидэнь статуязо – ломанень рунгонь вельть мазый невтевкс. Истя лиссь вана те тувталонтэ кувалма: скульпторось статуянтэ теизе амаштовикс мраморсто.

Ломантненень стакасто чарькодевицякс Библиянтэ

теи истямо тувталоськак. Сынъ кортыть: „Паряк, алкине сетнень оймень ваньксчись, кинь Ветхой Заветсэ тердизе Пазось?“ Иаковонь кенгелемазо, нинстэнь Авраамонь авидечизэ, вечкемань пежетень теемстэ Давидэнь маштомазо... Неть а мазый тувталтнэде байтяк. „Мон неть ломантнень вадрякс а евтасынь эсень эйкакшон туртов“, – весть мерсь монень интеллигентной ломань.

Тевесь вана мейсэ: ветхозаветной неть ломантне миненек максозь аволь кода вельть вадрят. Седеяк – аволь кода покш ваньксчинь ломанть. Сынъ невтить ломаненть алкуксонь чачонзо, сонзэ зэмензэ. Библиясь – те аволь истямо смустень евтнемань вейсэндявкс, конат вечкевсть покштянок-бабанок туртов ды конатнесэ евтневиль эряза Матренатнеде ды ероков Ивантнэде. Видечивтеме сеть евтнематнесэ ломантне ловозельть ангелэкс ды идемевсекс. Минь кемятно: эйкакштне, конат видестэ ванить эрямонтень, ракить ломаненть истямо мелензэ лангсо. Апак кольстя эйкакшось умонь тонавтыцядонть парсте соды: ломантнень ютксо арасть а ангелт, а идемевсть. Библиясь евтни алкуксонь ломанде – моданть лангсо эриця ломанде – сонзэ апак арто, апак мазылгавто.

Натой сестэяк, зярдю маряви, эрявсь шнамс геройтнень истя, кода Давид инязоронть, ялатеке сонзэ пежетензэ а кекшевить, а вишкалгавтовить. Тензэ сы Пазонтъ пельде пророк ды яволявты: „Тон те ломанесь!“ Давиднэнь эряволь витькстамс, озномс: „Ансяк Тонь икеле теинь пежеть... макст монень ванькс седей, Вере Паз...“ (Пс. 50).

Вельть покш видечись теи миненек Библиянтъ а весемесэ савтыця книгакс. Истя лисни вана мекс: ломанень кодамояк инечись а меши тензэ каземс тенек видечинь зеркаланть. Библиясь истя видестэ невти эрямонтъ, эйс-

энзэ улить истят пелькст, конатнень ловномо вишка
эйкакшнень а карматано. Бути покш ломанесь оргоди
видечинь те зеркаланть эйстэ, кона невти минек эря-
монтъ, лисни, сон оргоди эсензэ чачонзо эйстэ, конань
кадомс тензэ а кода. Нама, ломанентъ пежетензэ отьмась
вельть тандавтни. Ялатеке Библиясь корты: „...Зярд
покшолгадсь пежетесь, седеяк ламолгадсь парочись“
(Рим. 5, 20).

Нама, Пазонь Пачтямонтъ домкасто содамонзо туртов
эрявить тувталт. Арсиця ломанентъ те кармавты арсеме.

Библиянтъ эряви содамс ловномо маштыця эрва
ломанентень. Ялатеке Пазонь Валонтъ вийдензэ сода-
мочись сы тенек лия киява.

БИБЛИЯНТЬ ЧАРЬКОДЕМАНЬ УШОТКСОСЬ

Эрва книганть смустезэ панжови ансяк сенень, кие
сонзэ тонавтни эрявикс тувталонь коряс. Васолонь ки
лангов сыргицясь кедезэнзэ а саи пидемань-панемань
книга. Сон саи поезднень ардтнемань расписания. Нед-
лячистэ а мезень тейнемадо а ловнан телефонной книга.
Весть ормалгадсь церынем, ормалгадсь пек. Монень
эрявсь тердемс доктор. Те шкастонть ульнинь анок теле-
фононь книга лангс полавтомс весе библиотекам. Теле-
фононь книгавтомо докторось тень аволь тердевть.

Кие Библиястонть вешни авидечинть каршо тюре-
мань вий, – мусы те виентъ. Кие Библиястонть вешни эсь
седеензэ сехте салавань кевкстематнень лангс вал, муи
эйстэнзэ покш питнейчи, кона а муеви кодамояк лия
книгасто.

Библиянтъ ловнотано а секс, мекс паронтень бажиця

обуцянок, седеяк а исторической ды литературной бажамонок кувалма. Нама, весемесь те эрявикс, ялатеке Библиянтъ марто истя тейнемс а эряви. Сон максозь тенек а тень кисэ. Сон максозь вана мекс: кадык ломанесь эйтэнзэ вешни эсь прянзо. Библиянтъ вельде Пазось пшкали тенек, корты мартонок.

Паряк, кие-бути, музыкантъ вечкезь, ловносы Матфеень пельде Евангелиянтъ. Те ловномась лезды тонавтнемс Иоганн Себастьян Бахонь „Страсти Христовы“ ораториянтъ историйнзо. Лиясь, кезэренъ гректнень келест тонавтнемстэ, Библиянтъ ловномо ушоды гректнень кельсэ. Истя панжи эсь седеензэ, превензэ Пазонь Валонтень, ды эрси, пшкади Пазонтень. Гимназиянь ютазь пшкань директорось, Менге докторось етни, мезе кармавтызе Библиянтъ ютавтомо. Валонзо коряс, тенень ветизе ломантненень вечкемась. Ансяк книгантъ седе домкасто тонавтнемстэ седеензэ изнизе Пазонь Валонтъ виезэ. Сон теевсь вельмезь Иисус Христосонь тевтнес вельть кемицякс ды сынст шныцякс. Библиянтъ ютавтомадо эсензэ евтнеманзо Менге пряды истямо валсо: „Вешнек Иисус Христосонь ды Сонзэ валдонть. Мирсэнтъ масторсонть весемесь лиясь теть а лезды.“

Те – кенярксов панжомо. Те – Паздонть кевкстематнень коряс видечинтъ кис валонь пшкадеме анокчи. Улить истят, кить неть кевкстематнень а марить. Лепштить оймеежонь бажамост. Истятнэнь ютксто седе ламотненень Библиясь каднови апак панжо.

Религиозной литературасо минь тонадовинек шожда ярсамопельс. Истя колынек шумбрачинь максыця ярсамопелентень – Пазонь Валонтень – бажамонок. Библиясь – те аволь оймавтыця кортавоксонь вейсэндявкс. Библиясь а моли седеень оймавтыця валонь рисьме енов.

Библиясь – эрямосонок Пазонь тевтнеде виде сермадовкс. Пазось сэтьмелгавты ломаненть каштанксчинзэ ды эсензэ паро бажамосонзо, Валонзо вельде, лиякстомты ломаненть.

Библиясь – аволь миненек алтазь тонавтнема книга, аволь догматической валонь сюлмавксонь пурнавкс. Те, нама, кой-кинень вечкеви. Библиясь моли покш соборенов. Сонзэ башка пельксэнзэ пештязь дивавтыця вийсэ. Лия пелькстнэ пештязь покш мазычисэ. Кой-кона пелькстнэсэ арасть мезеньгак тееме кармавтыця мельть-арсемат, конат тенек марявить вельть эрявиксэкс.

Ды вана ломанесь, васов апак нее, арси: сонзэ улить тувталонзо кочкамс те сукоростонтъ башка пелькскеть. Теке шкастонтъ кеми: весе кадовозесь тензэ а эряви. Витьстэ меремс, сеетьстэ минь весе истя арсетяно. Ансяк башка бажамотне поркстневить Пазонь Валонь кеме пандонтъ эйс.

Вийсэ Библиянь тонавтнемась лезэ а максы. Пазось а мери Библиянтъ эйс сермадомс кодамояк вал, кона тонавтоволь ломаненть. Ды ломанесь ливтевель лангс: мезесь тензэ эрявикс, мезесь а эрявикс.

Минь пейдезевлинек, бути кодамояк ломань стяволь Кельнсэ соборонтъ каршо ды кармаволь ливтеме лангс: конат кевтне эйсэнзэ эрявикст, конат а эрявикст. Стен-астонтъ саевть башка кевесь тенек неяви а мазыекс, а ваньксэкс. Кияк а арсезеви вана теде: зярдо-бути сон ульнесь покш соборонь пельксэкс ды эсензэ таркасо вельть эрявсь.

БИБЛИЯНТЬ ЧАРЬКОДЕМАНТЕНЬ КЕНКШЕСЬ

Кода тенек муемс те книгантень кенкшенть?

Библиянь сюпав смустентень совамо бажазь, минь а тейтяно варят стенантень. Ялатеке вешнетяно замоконь ласкс. Снартнетяно кенкшенть панжомо. Тень чарькодемс лезды вана истямо евтамо. Церыне пандо юткс вансь сеят. Ванома тарканть эйтэ а васоло ульнесь охотникень покш кудо. Чинь валдосонтъ церынесь явсь мелензэ сонзэ цитниця латонтень. Свал, зярдю пракшнось шка, церынесь кузнесь сэрей куз пряс, кона кассь допрок кудонтъ маласо. Ваннось вальмава ды несъ кудонтъ потсо уликс сюпавчитнень: штатолонь кирдемкат, сырнень кирьксэ картинат, сиянь кедьгеть ды кумбат. Стадань ваныцянтень весемесь те неявсь онокс. Сеетьстэ сон аштесь сэрей кузонтъ пряс, эли вешниль тарка пандо чамасто, косто яла ваннось кудонтъ. Вестъ лиссь апак учонь тев. Велентень ардсь ласте ломань ды стадань ваныцянтень макссь серма. Мезе эно лиссь? Покш кудонтъ азорозо кулось лия масторсо. Сюпавчинзэ кадомс ульнесь а кинень. Судсо лиссь лангс: стадань ваныця церынесь – кудо азоронтъ васолонь раськезэ.

Кодамо ине полавтома теевсь церынтень – стада ваныцянтъ эрямосо! Кой-кона якавтоматнеде мейле сонензэ кенярксов лувсо-койсэ максозель кудонтъ эйтэ покш панжомо. Кецямондонтъ сорныця кедьсэнзэ сон панжинзе кудонтъ кенкшензэ ды совась эйзэнзэ, кода азор. Се, мезентъ сон икеле ванниль васолдо, ней неявсь седеяк мазыекс ды питнейкс. Весемесь те ней ульнесь сонзэ сюпавчикс! Сон ютнесь залсто залс, этажсто этажс. Ды мукшнось яла седе ламо ды ламо сюпавчить, конатнеде икеле эзь арсеяк.

Мезде корты те евтамось? Покш кудось – те Библиясь – сонзэ эрва кодат сюпавчинзэ марто. Стадань ваньця церынесь – те минь эсь нищейкчисэнек Пазонть эйстэ ве ено эрямстонок. Паро вана мезесь: шкань-шкань Пазось тердсь эйсэнек эстензэ. Валдозо пачкодиль минек потмосельмезэнек ды совестезэнек. Пазонь валось, кона оймавтсь эрямонь стака шкасто, паряк, мельсэнек ванстозь проповедень валтнэ ульнесь истямо валдокс. Паряк, те ульнесь ансяк вейке стих, кона кадовсь мелезэнек эрямонь кодамо-бути пельксстэ. Ялатеке весе Библиясь миненек кадновсь аволь малавикс книгакс. Истя, кода музейсэ эрва предметэсь токшеви кедьсэ, ансяк ялатеке сон эйстэнек явозь суликасо. Вейке шкасто Библиясь минек уски эстензэ ды шашты эсензэ эйстэ. Кода улемс истямо шкасто?

Витьстэ мертяно: вельть вадря вейке чистэ тенек пачкоди Пазонть Паро Кулязо. Кудось максови тонеть! Саик сонзэ кода эсеть сюпавчинть ды эряк эйсэнзэ!

Кода сы миненек те содамочись? Те стака содамс. Те тевесь Святой Духонь. Те Духонть важдеманзо минь а нетяно истя, кода неяви химиянь лабораториясо экспериментэсь. Мерьсынек, сермадсынек теде икелень тевтнень ды сень, мезе тееви сынdest мейле. Ялатеке се нурькине шканть, зярдо кивчкади сяткось, ломанень сельмесь а несы.

Эрси истяк: Пазонь валось пандонь калавтыця молоткакс вачкоди ломанень седеентень. Ансяк ломанесь эрявикс мелень аявомань, эли нузяксчинь кувалма „азорокс а ули кудонтень“.

Ломантне сеетьстэ лотксить „сентиментальной христианствас“. Истя кадновить Пазонь Валонть домкасто а содыцякс. Те христианствась нурька шкас емси, кода

тонавтозь христианства, кона кеми философиянтень. Кудонтэ эйстэ панжомась – те Пазнэнь кемемадо ознома. Кие Библиянтэ сайсы кедезэнзэ ознозь, сенень сон панжи эсь кенкшензэ. Эськанзо, потмовийсэ озныцясь учи Пазонь валонтэ. Сон анок Библиянь вешематнень топавтомо.

1846 иень декабрысто од Бисмарк кучсь серма фон Путкамер господинэнтень. Эйсэнзэ энялдсь: Путкамер максовлизе никс эсь тейтерензэ Иоганнань. Теке марто Бисмарк лецтизе Христоснэнь эсь пшкадеманзо: „Лиятнень шнамоств коряс ды эсень бажамом коряс карминь чистэ, домкасто Священной Писаниянтэ ловномо. Шкань ютазь сон мелезэнь вельть тусь“.

Покш, домка превесь лиясто вейсэндявкшны пелиця обуця марто. Кунсоломо ды нееме анокчись – вана сеть сехте эрявикс енкстнэ, конатнень минек пельде учи Библиясь.

Эрва христианинэсь ансяк сонсь соды, кода сонензэ панжовсь Библиясь. Ульнесь ли те ськамонзо ловномсто, Пазонтень ознома шкасто, эли те лиссь, кода ламот кортыть, „апак учо“, ялатеке Пазонь Валось токась седеезэнек. Ды те – сехте эрявиксэсь. Те валось ульнесь тенек прок „панжомань варя“. Те ансяк ушоткс.

Библиясь саезэ эйсэнек полонс.

ЭРЯМОСТОНТЬ КАВТО НЕВТЕВКСТ

Христианонь семияс кудуютконь вожодицякс сась од тейтерь. Пазнэнь озномань тесэнь лувось сонензэ ульнесь содавикс. Ялатеке сон курок фатясь: тензэ а сатни се, мезесь ули азортнэнь. Те – Пазонтень кеняркось,

вакссот Сонзэ улемадо содамось, Тензэ кемемась. Тейтерентень а сатни простямс анокчись, а сатны эрямосонзо сэтьмечись ды оймеежонь лувось=ладось.

Од оймесэнтъ сыргойсь мелявкс: „Вай, бути мон маштовлинь истя, эйкакшокс, Пазонтень кемеме!“ Вейке недлячистэ сон оймесь кудоютконь тевтнень эйстэ. Кудосто ялатеке эзь туге. Совась сэтьме таркас. Саизе кедезэнзэ Библиянтъ. Кармась энялдомо Пазонтъ икеле максомс тензэ сень, мезест ули сонзэ азортнэнь. Мейле ушодсь Римлянтнэненъ Кучомантъ ловномо. Пачкодсь 4-це главань 5-це стихентень, конасонть кортави вана мезде: „А теицянтень, ялатеке кемицянтень, сенень, кие иди а видестэ эсь прынь ветицянтъ, сонзэ кемемазо тееви видечикс“.

Те стихесь кармась улеме од тейтерентень „панжомань варякс“, конавантъ сон варшась од эрямонтень. Диакониссэнъ кудосо важдеме саемадонзо эсь энялдомасонть тейтересь мейле сермадсь: Библиястонть вейке валось эрямосонзо тейсь покш лиякстома. Зярыя кементъ иень ютазь сон кулось. Калмонзо вакссо ламот кемевтсть: весе сонзэ эрямозо ульнесь Пазнэнь кемемакс. Тюрьмасо, библейской вейке промкссо, мон евтнинъ пекстазетненень стаданъ ваныця церыненъ эрямодо. Мейле вейкесь сетнестэ, конат судязь пингезэст, евтнесь, кода сон кармась Библиянтъ вечкеме ды Пазстонть мусь ойме лув. Тюрьмас понгомадонзо икеле сон теевсь содавиксэкс истямо ялга марто, кона ловнось Библиянтъ. Зярдэ кевкстизе, кода теевем сонзэ кондямокс, тона мерсь: „Тонеть эряви витькстамс!“

– Витькстамс? Те мезе истямось?

– Ознок, витькстак эсь пезетнеде ды ловнок Библиянтъ, – марясь валт.

Вана пекстазесь ушодсь Библиянтъ ловномо. Сон эйтэнзэ мезеяк эзь муе се шкас, зярс эзинзе ловно истят валтнэнь: „Бути а тонь законот улевель оймавтыщям, емавлинь эсень пайстомочисэнтъ“ (Пс. 118:92). Се шкас-тонть саезь шождалгадсь пекстазентъ седеезэ. Се шкас-тонть саезь ломанесь озны ды кеми Пазнэнь. Те валось кармась улеме тензэ од эрямонтень „панжомань варякс“.

Косо Пазонь Валось токи минек седейс ды вастови Пазонтень евтазь лембе вал марто, тосо тенек панжови Библиянтъ смустезэ. Библиянтъ эряви ловномс истя, кода ловныть Пазнэнь ламо кемицятне: домкасто арсезь, ознозь.

Минь, нама, мукшнотано шка газетань ды мельстуиця лия эрьва кодамо пачтямонь ловномс. Савкшны дивсемс, кодамо панжозь седейсэ ломантне кунсолыть эрьва чинь од кулятнень. Тень пингстэ талновтыть эсь пряст. Паряк, седе покш мель эряви явномс Библиянтень кода сонзэ ловномсто, истя сеть таркатнесэ улемстэяк, косо евтневи Пазонь Валось?

Библиянтъ вельде минек марто ды миненек корты живой Пазось. Те а нежди вана истямо тонавтоманть лангс: Библиясь кепеди ежонок. А эряви лепштыамс ломанень превенть, а эряви коламс арсиця совестенть. Миненек а кода а явомс мель христиантнэнь яволявтомаст туртов, конатнень сынъ тейнить сядот иень перть неень шкатнень видьс. Сынст а кода ловомс ансяк лиань коряс теицякс. Эрьва чинь эрямосонок минь тонадынек вастневеме истят вийтнень марто, конатнень педе=пев эзинзе панжо наукась. Ды, витьстэ меремс, мезесь миненек панжови, евтневи?

Библиянтъ ловномсто чарькодезентъ сайтъ пряпотмозот ды нолдак тевс эрямосонтъ. Ачарькодевиксэнтъ зярс

кадт ве енов. Сы шка, весе седейстэ ловныцянтень Пазось панжсы теньгак. Библиясь вети ломаненть живой Пазонтъ марто кортнеме. Ды Сонзэ виензэ вельде ломанесь тееви Иисус Христосо од чачицякс.

БИБЛИЯНТЬ СЕХТЕ ПОКШ СМУСТЕЗЭ

Иисус Христос – Пазонь Церась – мирэнь-масторонь Ванстыцясь, миненек панжови кода сехте эрявиксэсь, кода Библиянтъ седеезэ – кода Од Заветсэнтъ, истя Таштосонтъкак. Малав весе Библиясь евтни Христосто. „Пазось, кона кезэрень шкасто саезь ламоксть ды эрва кода кортась пророктнень вельде, меельце читнестэ теде кортась тенек Церасонзо, Конань путызе весементь Поладыцякс, Конань вельде теизе весементь“ (Евр. 1,1-2).

Неть валтнэстэ ушодови Еврейтненень Кучомась. Лия апостолтнэяк кемевтить: весе Ташто Заветэсь корты Сондензэ

Библиясь-те аволь тонавтнема книга, кона виде лувс совавты арсеманок. Библиясь, бути арсемс седе домкасто, – эрямонь книга. Сонзэ пельде минь тонавтнетяно эрямонь лисьмапрантень – Иисус Христоснэнь – кемеме. Лисни, а сонсь книгась святой, Святоесь Пазось. Тесэ кортамось моли Сондензэ, аволь коневдонть, аволь букватнеде.

Пазонтъ ульнесь мелезэ нолдамс тевс ломанень валтнэнь, путомс сынст эйс Святой Духонь виенть. Библиястонть миненек панжови Пазось. Библиястонть марятано Сонзэ вайгелензэ. Сон веши пельденек Сонзэ кунсолома. Тензэ кемема. Сон нолды пежетенек, саи ойместэнек чумочинть. Сон сыремти эйсэнек кемема. Истямо лезэ максы тенек Библиясь.

Нилеце главась

ИИСУС – КИЕ СОН?

Икеленек вельть покш кевкстема: козонь сави Иисус – религиантень эли оймень панжомантень? Сень эйстэ, мезе евты тень каршо ломанесь, карми аштеме: кадови-арась сон ансяк религиознойкс эли карми улеме Иисус Христоснэнь алкуксонь кемицякс. Ютасть сеть шкатне, зярдэ ломанесь бажась улеме эрва ендэ вадрякс, ансяк Иисус Христостомо, Христоснэнь мик мелень апак яво. Минь тонадынек явомо: мезе истямось Иисус Христоснэнь кемемась, мезе истямось ансяк Пазонтень кемемась. Те ламонь кармавты эсь пряст кевкстнеме: мон христианан? Содаса-арась Иисус Христосонь, кода эряви содамс христианонтень? Мезем монь Сонзэ эйсэ? Мезе Тензэ эряви монь пельде? Мезе Сон учи монь пельде?

Кода ламо Христостомо религиозникть, конат ансяк лемдить эсь пряст христианинэкс! Сынэ эрить эсест парочисэст, эсест мелест-арсемаст мельга молезь. Сынэ а содасызь Иисус Христосонь, кода Сонзэ эряви содамс Пазнэнь кемицянтень.

Тагояк: мезенек ули Эйсэнзэ? Сави янксемс, тонадынек шнамо сеть книгатнень, конатнестэ мукшнотано эсенеке арсематненень кемевтема. Бути книгастонтэ вастано валсюлмавкс, конасонтэ евтавить минек арсеманок, книгань страницантень тейтяно тешкс, эли путтано сергедемань тешкс. Бути истят валсюлмавкст вастневить сеетьстэ, те книганть ловтано вадрякс ды шнатано сонзэ лияненьгак. Истя невтяно эсь прянок, мелезэнекек паро:

лиятнеяк арсить истя, кода мон. Лиякс арсеме а маштыцясь, нама, а карми Иисус Христосонь содамо весе мазычисэнзэ ды весе инечисэнзэ. Истямо ломанесь а карми марямо эсензэ лангсо Иисусонь инечинзэ!

СЕДЕ ИКЕЛЕНЬ ВЕЛЬТЬ ЭРЯВИКС КЕВКСТЕМА

Минь явтано индуктивной логиканть дедуктивноенть эйтэ. Дедуктивной логиканть пингстэ ломанесь топавты теვენза эсь содамочинзэ лангс нежедезь. Истя сон сакшны эрявикс мельс. Тень эйтэ саи эстензэ эрявикс покшолмань теv. Истямо ломаненть лемдямс идеалистэкс. Сень, мезесь а саеви арсеманзо эйс, сон айги ве енов.

Ванномань ды эрямонь од енкстнэнь вешнемань дедуктивной логиканть пингстэ максовить вельть седе ламо прават. Истя лисни вана мекс: арсицясь топавты теvенть аволь лиятнень пельде саезь лувсо. Эскелькс-эскелькс мельга бажи сонсь муемс, мезе еvтамс эсензэ кевкстеманзо лангс. Тень туртов теvс нолды весементь, мезесь тензэ неяви.

Нама, дедуктивной лувсо арсицянтень, кона вешни ансяк эсензэ арсеманзо кемекстамонь юр, седе шожда муемс валт вана истямо кевкстеманть лангс: кие ульнесь Иисус? Индуктивна арсицянтень тень теemс седе стака. Васенцесь васня ари: Иисус ульнесь минек енов молиця ломанекс. Кода ломантнень эйтэ вейкесь ды сынст эрямосо нилькс, Сон чарькодевикс.

Индуктивной лувсо ариця ломанесь а шнасы кевкстемань истямо ладсо куроkсто толковамонть. Сон сти теvенть тонаvтнемань седе стака ды састо молиця кинть лангс. Ве енов кады ильведьксэв каштан ежомарямот-

нень. Паряк, сон а сы вейкине виде мельс. Ялатеке аночизэ – вастомс асодавиксэнтъ – ветясы сонзэ видечинть седе малас сень коряс, кинь валозо кевкстеманть лангс умок анок.

Иисус Христосонь салавачизэ панжови ансяк сенень, кие зярс машты дивсеме, кие мешанинэнь а домка эрямостонтъ неи мезе-бути вадря. Перьканок эриця ломантне кевкстеманок лангс виде вал а максыть. Те валонтъ евтасы ансяк Сонсь Христос. Тенек эряви тонадомс домкасто ванномсо Сонзэ эйс, кунсолломс Сонзэ. Эли, кода Писаниясь корты: „Ваномс Сонзэ лангс“.

ИИСУС ДЫ СОНЗЭ ПЕРЬКА ЛОМАНТНЕ

Ламот бажить ютамо Иисус Христос вакска. Сынъ кортыть: „Сон – еврей ды лия народтнэнь а лади“. Ансяк бути Иисус улевель иудейтнень ломанекс, сестэ иудейтне аволизь чавт Сонзэ крестс эксэ.

Сон, кода Мариянь эйкакшозо, кассь иудейтнень ютксо Палестинасо. Лангс ваномс, Сон ютызе сестэнь иудействань кастомань-тонавтомань весе кинть. Ялатеке а Эсензэ валсо, а Эсензэ прянь ветямосо иудеень обуця эзь невтне.

Весе Евангелиянтъ пачк юты иудействанть ды Иисус Христосонь эрямост. Сон невти, кода иудейтне а вельть бажасть ловомс Сонзэ эсест ломанькс.

Натой Иисус Христосонь сехте малавикс оянзо, тонавтнициянзо, яволявтсть: Сонзэ прянь ветямозо свал мольсь сынст мелест, арсемаст каршо. Иисус Христоснэнь савсь меремс Петранень: „Тон арсят а седе, мезесь Пазонь, тон арсят седе, мезесь ломанень“ (Мар. 8:33).

Иисусонь тонавтницятненень сеетьстэ савкшнось витькстамс: Иисус кадновь сынест ачарькодевиксэкс (Мар. 9:32; Лук. 9,45,18,34). Вельть ламонь вечкемазо, каршонзо молицятнень цидярдомазо, крестной кизэ тонавтницянзо туртов ульнест ачарькодевикст. Еммаусто тонавтницятне колазь ежосо кадызь зыянонь теевема тарканть: „Минь кеминек: Сон уляк Се, Кона оляк-стомтсы Израиленть“ (Лук. 24,21).

Тонавтницятнень ульнесь тувталост Евангелиясонтъ невтемс вана мезенть: Иисус Христос весемесэ ульнесь лия, а сынст кокнямо.

Христос ськамонзоль семисояк. Братонзо а кемить Тензэ (Иоанн. 7,5). Ульнесь шка, зярдю семиясь Сонзэ ловсь превстэ лисезекс (Мар. 3,21). Ды натой маряви, авазояк, братонзояк снартнест вийсэ лоткавтомс Сонзэ тевензэ (Мар. 3,31). Ськамонзо эрямось Иисус Христосонь пачтизе крест лангс. Эсензэ народось панизе Сонзэ, яволявтызе закононтень а ладицякс. Те макссь римлянт-нэнень тувтал маштомс Сонзэ. Эрямонь видечинть апак полавтне, видечинтень бажазь, кияк а мери: Иисус Христос лиссь иудейтнень эйстэ.

ИИСУС ХРИСТОС ДЫ НАРОДТНЭ

Церьковань эрямось мейле кемекстызе сень, кода а мельсэ сайсть народтнэ эсь чарькодемазост Иисус Христосонь чачнзо – кода эсь арсемаст ды обуцяст. Гректнень Иисус Христосонь крестозо ульнесь превтеме тевекс. Истя тевесь ашти вана мекс: сынь вешнест превейчи. Сынь кемсть: философиясь евты вал сынст эрямонь кевкстемаст лангс. Шкань ютазь, эсест богосло-

виясонть, сынъ христианской кемеманть теизь эрьвачинь философиякс. Тень пингстэ эстест саизь христианонь башка енкстнэнь. Неть ланга=прявань енкстнэ мейле православиянть марто састь Россияв. Седе, кодамо зыян кандсть сынъ Иисус Христосто кемеманть, соды эрьвась. Сындет содыть сетне, кинень содавикс догматонь греческой историясь ды церьковань собортнэнь эрямось.

Гректнень ойме виесь валдосто невтизе: Иисус Христос а толковави эллинизманть вельде.

Седеяк пек Евангелиянть смустезэ панжови историясонть римской ойменть вельде. Иисус Христос мерсь: „Князтне азоркстнить народтнэнь лангсо, вельможатне покшкавтнить лангсост. Ялатеке илязо ульть истя: се, кие ютксонк бажи улеме сехте покшокс, кадык ули тенк важокс; се, кие ютксонк бажи улеме васенцекс, кадык улить тенк урекс. Ломанень Церась сась аволь Лангозонзо важдевтеме. Сон сась служамо ды ламонь идеманть кисэ Эсь оймензэ максомо“. (Матф. 20,25-28). Ансяк сеть народтнэстэ, конатнень лангсо сон азоркстни, римень эрицятне тейсть весе мирэнь церькова. Те церькаванть лангсо сехте покшокс ашти римской епископось, кона эстензэ макссь лем Христосонь „Викарус“, лиякс меремс, Христосонь „Полавтыця“.

Тесэяк маряви авейкетьксчись сень ютксо, мезе ломанесь учи азоркчинь вечкезь ды сень ютксо, мезе Иисус Христос анок максомс сонензэ. Истя лиссь христианокс германской плематнень теемстэ. Малавгак а виде вана те мелесь: германецэсь Иисус Христосто муIZE эсь обуцяно зо ды кенярдозь вастызе Христосто Паро Кулянтъ. Содавикс „Хелиандань“, 9-це пингень евангельской поэмань ине поэтэсь невтизе христианинэнтъ, кона бажась евтнеме Иисус Христосто эсь саксонецтнэненъ. Ансяк тень

тейсь а видестэ. Библиянь сермадовксонтэ лиякстомтозь, сон невти Иисус Христосонь оляксчинзэ, ломантненень урень кемеманзо. Обуцянь неть енкстнэнь сон теи сехте неявиксэкс. Поэмасонтэ покш таркат явозь сень невтемантень, кода Петра печксы Малх уренть пилензэ. Евангелиятнесэ теде лецтневи ланга=прява. Ламо лия сермадовкстнестэ неяви: германецтнэ Иисус Христоссто эзизь муе эсест венецест. Иисус Христос эзь кельгстятв ломанень кодамояк арсемас.

Ломанесь эсь каштанкчисэнзэ свал бажась Иисус Христосонь чачостонзо ертомс сень, мезенть марто вастневсь сонсь. Истя вишкалгавтови, алкинъгавтови эрямосонтэ эрва покш тевесь, лисезесь. Пазонь максовт Иисусонь чачозо тееви простой галилейской ютыцякс, кона зярыя мельть евтась эрвачинь кевкстнематнеде.

Истямо шкасто минек, паряк, саи визделгадома? Минь аштетяно кортыця Пазонтэ икеле, эли паряк, рисовинек пазнэ? Истямо пазонтэ эйстэ пелемс а мезть. Яла теке вечкемскак сонзэ а кода. Сон – ансяк эсенек чачонок невтема.

Бути ломанесь нельги Вечноентэ кедьстэ венецэнтэ, – Иисус Христоснэнь кады ансяк истят енкст, кодат кирди эсензэ превсэ. Сестэ ломанесь моли коцтсо метрань онкстница енов.

Истя эрси свал, зярдо ломанесь эсь каштанкчисэнзэ лиякстомты Иисус Христосонь чачонзо. Миненек эряви содамс: Иисус Христос сась вана мекс: Сонзэ вельде ломанесь витевлизе, вадрылгавтовлизе эсь эрямонзо, одолгавтовлизе сонзэ. Аволь мекевланк. Минь зярдояк а чарькодъсынек Иисус Христосонь, бути Эйстэнзэ карма тано вешнеме ломанень енкст. Сонзэ айсэ арась ломанень обуця. Эйсэнзэ ули Пазонь обуця, Эйсэнзэ виде-

чись. Сон – видеяк Пазонть Валозо. Иисус Христоссо, Назаретстэ Ломаньсэнтэ, сонзэ весе паро енкссонзо панжовсь Пазось. Иисус Христоссо топавтовсть пророконтэ валонзо: „Монь арсеман – аволь тынк арсеманк, аволь тынк китне – китне Монь, – корты Пазось. – Ансяк кода менелесь моданть велькссэ, истя Монь китнеяк тынк китнеде вереть. Монь арсемангак тынк арсемадонк седе сэрейть“ (Ис.55:8-9).

Те видечинть чарькодемс а стака. Эряви тенек аламдо киртямс каштанксчинить. Сестэ карматано Пазонь вайгеленть марямо. Сестэ саеви тенек алкуксонь одось.

Кие ловнось Библиянтэ, се соды: натой Ветхой Заветсэнтэ седе покш мель явови Пазонь тевтненень. Ломанентэ тевензэ молить мейле. Пазось вешни эйсэнэк. Пазось теи тевензэ минек эйсэ, минек марто. Пазось кази тенек Иисусонь кода Христосонь. Истямо казненить эряви саемс ансяк вельть кемезь. Иисус Христосонь вечкевикс тонавтницязо, Иоанн, сермады эсензэ кучома-сонзо: „Вечкемась вана мейсэ: а минь вечкинек Пазонть. Сон вечкимизь минек ды пежетенек нолдамо кучизе тенек Церанзо“ (1 Иоан. 4,10). Ков седе лезэвть тенек Пазонть тевензэ, тов седе чарькодтяно, кодат лавшт, вишкинетэ эсенек тевенек Пазонть икеле. Седеяк панжовить сельменек ды пиленек Иисус Христосто Паро кулянтэ марямо.

ИСКУССТВАСО ИИСУС ХРИСТОСОНЬ НЕВТЕМАЗО

Кие а ловны Евангелиянтэ, сенень Христосонь чачозо панжови христианской живописентэ вельде. Ютазь пингень васенце пельксстэнтэ живописьсэ теезель Назаря-

нонь школась. Немецень художниктне кепедевсть таркастост. Сынь сыргасть Италияв. Тосо, васняк, Римсэ, тонавтнеме. Оффербек, Шнор фон Карольсфельд, Корнелиус, Оливерс братнэ, Людвиг Рихтер немецень народонтэ ютксо теевсть Иисус Христосонь чачонзо содавикс невтицякс. Весе сын Иисусонь идеалонзо вешнесть Италиянь католической живописьсэнтэ. Весе сын, ютксо Рафаэльгак, Иисус Христосонь невтсть кода „Мариянь Церанзо“. Невтсть витьстэ: Мариянь содавикс чамазонзо рисовакшнось церань сакалт. Сайсынек „Преображение Христа“ Рафаэлень сехте меельце ды, нама, сехте вадря картинанзо. Пекстынк Идицянтэ чаманзо алсе пельксэнтэ конев листсэ. Несынк: лангозонок ваны аволь Иисус Христос. Ваны Мария. Теке мазысь сонзэ лия картинанзо мартояк. Истя, сатано мельс: живописесь минек максь аляксчивтеме Христосонь образ. Христосонь те итальянской образось, кона невтеви Библиянь иллюстрациятнесэ, вельть вечкевсь немецтнень кудосост.

Мекевланк: Св. Писаниянь домкасто тонавтницясь Дюрер, саевельгак мель, ванстовлизе те ильветьксэнтэ эйстэ немецень христианстванть. Ансяк ламонь мельс тукшнось Мариянь – Иисусонь образось. Аволь Дюрерэнь ды сонзэ тонавтницянзо рисовавт Христосонь аляксчинь-виень невтиця чачозо.

„КЮРИОС“, ЛИЯКС МЕРЕМС, ИНЯЗОР

Искусствань историянтэ те варштамось эрявсь вана мезекс: невтемс, кода минь явдано Иисус Христосонь тонадовозь чачонзо эйстэ. Те тееви Евангелиянь тонавтнеманть вельде. Ниле Евангелиянь страницатнестэ а

мутано Иисус Христосонь сентиментальной образ. Важо-диця, идиця Христосонь мельга молицятне Сонензэ мерить „Кюриос“, лиякс Господь, Инязор. Сонзэ эйсэ арасть чевте обуцянь енкст. Сон шны Пазонь Царстванть ды невти идемань кинть – верде чачомась. Истя, Сон аволь ансяк евтни Пазонь Царствадонть. Сон моданть лангсо Пазонть вельть кунсолыця Церазо, Кона топавты ансяк Тетянь бажамонзо. „Эдь вана, Пазонь инязорк-счись тынк эйсэ (Лук. 17:21).

Менель Тетясь Иисусонь лемдямсто кемевти: „Те – Монь Вечкевикс Церам, Конасонть Монь азоркским“ (Матф. 3:17). Тесэ васенцеде ломаньсэнтъ топавтови Пазонь бажамо.

Пежетъс совамодо евтнемаськак миненек невти Иисус Христосонь, конань бажамозо лади Пазонь бажамон-тень. Се шкастонть, зярдо ломантне понгонить эсь прянь вечкемань, азоркчинь вечкемань, сюпавчинь вечкемань полонс, Иисус Христос весементъ тень каршо корты истя: „Аволь ансяк кши вийсэ карми эрямо ломанесь“... Ды седе тов: „Эсетъ Пазонтень сюконяк ды Сонензэ ськамазонзо важодть“ (Матф. 4,4-10).

Церась мезеяк а теи, бути а несы тевень топавтыця Тетянзо: „Эдь, мезе теи Сон, сень теи Церазояк“ (Иоан. 5:19). „Мон валгинь менельстэ Эсь бажамом топавтомо. Мон сынъ Тетянь бажамонзо топавтомо, Кона Монь кучимим“ (Иоан. 6:38). „...Мон мезеяк а теян Эсень пельде. Ялатеке, кода тонавтымим Тетям, Мон истя кор-тангак... лиякс меремс, Мон свал теян сень, мезесь эряви Сонензэ“ (Иоан. 8,28-29)

Тетянь мелензэ топавтомадо Иисус Христос сехте парсте кемевти вана истят валтнэсэ: „Мон сынъ Кучицям мелензэ топавтомо ды тевензэ тееме“ (Иоан.4,34). Хри-

стоснэнь эрямонь вельть эрявикс юрокс ульнесь Тетянь марто Сонзэ вейсэндявомась. Вельть эрявиксэкс ульнесь витькстамозо вана мезде: весемесь ашти Сонзэ Тетянзо эйстэ. Эсь олясо тевень топавтомадо корты Гефсимания-со озномась. Тень айстэ минь чарькодтяно, мезе кирдсь мельсэнзэ Еврейтненень Кучомань сермадыцясь, зярдс сон сермадсь: „...Сонензэ савиця кецямонть таркас, срамамонь пачк, кирдсь крест“ (Евр. 12,2).

Иисус Христос эзь вешне Эсензэнтъ, вешнесь ансяк Пазонь олячинть. Секс Сонзэ проповедезэ, Сонзэ валонзо ульнестъ истят виевть ды содавикст, кодат арасельть ломанень лия кортамот. „Сон тонавтсь эйсэст, кода азорксчинь покш кирдиця“ (Матф. 7,29). Ды се тувталонть коряс, мекс Сонзэ ульнесь виезэ меремс: „...ды мезе маринь Сонзэ пельде, сень тонетькак евтнеса“ (Иоан. 8,26). Сонзэ валонзояк ульнестъ Пазонь валокс, Сонзэ тевезяк ульнесь Пазонь тевекс.

Тосо, косо Христос кортась ломанентень: „Эйдем! нолдавить пежететь“ (Матф. 9,2), сестэ неть валтнэ эзть ульне ансяк оймавтомань валокс. Сестэ топавтовь тев: пежетень теицянтъ совестезэ олякстомтовиль пежетень сталмонть эйстэ. Кода одонь панжицянтъ ды Тетянь вийсэ казезентъ, Сонзэ мереманзо топавтыть аволь ансяк духтне (Матф. 1,27), натой морянь даволтнэ кунсолить Сонзэ вайгелензэ (Мар. 4,41). Сонзэ кедьвиензэ вельде ламолгадыть шумбра кшитне (Мар. 6,41).

ТОНАВТЫЦЯ

Вельть аламо Пазонть пельде максозь енкст нетяно Иисус Христосонь эйстэ, Инязоронть эйстэ, зярдс Сонзэ

ловтано ансяк Тонавтыцякс! Ламот марявиксстэ яволяв-
тыть: „Мон питнейкс лован Иисус Христосонь тонав-
томанть, бажан сонзэ топавтомо!“ Ансяк тонавтсь-эзъ
зрядояк Иисус Христос? Хоть тонавтницянзо евтне-
матнесэ мельга-мельцек вастневить „тонавтсь наро-
донть...“ валсюлмавкст. Ансяк превс путомань те лувось
явови се лувонть эйстэ, кона моли неень школатнесэ.
Минек эйкакшонок тонавтыть вана кода: сынъ тонавтни-
сызь материалонть ды, паро валонь евтазь, явить тонав-
тыцяст эйстэ. Тонавтыцясь макссы тенст содамочинь
седе покш пельксэнзэ. Ды теньсэ тевезэ прядови. Ков
седе кувать тонавтни тонавтницясь, тов седеяк явови
тонавтыцянзо эйстэ. А истя ашти тевесь Менельстэ
Тонавтыцянтъ марто. Сонгак, нама, превс путы. Ансяк те
тевентъ смустезэ вана мейсэ: тонавтницясь а явови
тонавтыцястонть. Мекевланк, яла седе пек сюлмави.
Сонзэ тонавтомазо – те тердема модемс Мельганзо. Секс
смустень коряс эряволь чарькодемс истя: Сон минек теи
тонавтницякс. Сон Эсь тонавтницянзо теи кунсолыцякс.
Се, мезе миненек пачти Иисус – аволь объективной сода-
мочи. Тень лангс апак вано, Сон ютксонок теи вейсэн-
дявома, вейке-вейке марто башка сюлмавома, Мартонзо
вейкетъксчи.

Сонзэ тонавтомазо тов седе лезэв, ков седе ламодо
аштетяно Сонзэ эйстэ. Иисус Христосонь тонавтомазо а
явовиксстэ сюлмавозь Сонзэ чачонзо марто. Иисус Хри-
стосонь валонзо а явовить вана истя: неть монень чарь-
кодевить, неть а чарькодевить. Минь допрок а чарькодтя-
но Иисус Христосонь, бути Сонзэ ловтано ансяк мораль-
де кортыцякс. Христос пшкади ломантненень истямо
тердема марто: парсте чарькодезь молест Сонзэ мельга.
Паряк, тонадовинек валозонзо. Секс а марятано мазый

ды чарькодевикс Сонзэ тердеманзо: „Садо Монень весе...
Ды Мон оймавтадызь тынк“.

Кодамо вешема кекшезь вана теньсэ: од ломанентень, кона бажи зярдоак а куломс, Сон витьстэ корты: „Азе ды миик эсеть ули=парот ды мольть Монь мельга“. Эли: „Монень кемицянтъ эрямозо пингеде пингень“.

Сень эйстэ, кода арсетяно Иисус Христосто, ашти свалшкань эрямонок. Иисус Христосонь тонавтомасонзо ламо истят кемевтемат. А секс, натъ, кой-кона кунсолы-цянзо кортасть: „Кодат тамашань валтнэ! Кие машты сынст кунсолото?“ (Иоан. 6,60). „...Мон вана мекс чачинь, вана мекс сынъ мирэнтень: кортамс видечидентъ“, – мерсь Христос Пилатнэнь эрямонь меельце шкастонзо (Иоан.18,37). Те видечись а соды каршо молема.

ИДИЦЯ

Эстедензэ Иисус Христосонь те кемевтемась невти Сонзэ чачонзо ансяк пелькс. Кода крест ланга трокс-трокс ютыть кавто кикст, истя Иисус Христосонь чачо-сонзояк: вейке киксэсь моли верде алов, кода тор ломанень раськентень. Омбоце киксэсь прок тиринь авань кедь венстевсь сэредиця эйденъ коняс. Те киксэсь юты лия киксэнтъ трокс. Теке шкастонть токась ломанень-племань томбавкстнэнь эйс. Те идиця ды ормань менстиця вечкема, кона моли Иисус Христосонь пельде. Истя ловнотанояк: „...Парочись ды видечись састъ Христосонь вельде“ (Иоан.1,17). Парочись ды видечись аволь ансяк састъ Иисус Христосонь пельде, неть вадря енкстнэ Сонзэ эйсэ келейстэ панжовсть моданть лангсо. Видечись ды парочись Сонзэ эйс вейсэндявсть вейке шкасто.

Те тевесь уш сонсь чуда, кона а эрванень саеви превс. Тосо, косо вечктяно, тосо эрсетяно сокоркс. Ды меке-вланк, тосо, косо сынек мельс ёвтамс „видечинть витьстэ сельмс“, минь теньсэ чарькодевяно вана мезде: вечкеманть эшктяно виздеманть удалов.

Иисус Христос панжи тенок Эсензэ певтеме вечкеманзо. Тень пингстэ Сон а колы видечинть. Сонзэ виде-чисэнтъ седеяк валдосто цитни вечкеманзо сюпавчись. Розбойникесь, лытыцясь, ростовщикесь – колмонест сял-довикст. Ансяк Иисус Христоссто сынъ муить важов седей ды идиця кедь. Вейкесткак эйстэст эзь мере: „Монь пежетем аволь истямо тандавков“... Емазь-аразь аванть Христос нолдызе истямо чевте валсо: „Ды Мон а сялдан тонь; азе ды икелепелев пежетъс иля совсе“ (Иоан. 8,11).

Иисус Христос менсти ломанентъ пежетензэ эйстэ истя: олякстомты сонзэ чумочистэнтъ ды максы тензэ пежетентъ изнямс вийть. Минь нетяно тень каявксонь пурныцянтъ Закхеень эрямосто. Ялгакчись, конань те ломанентень яволявтызе Иисус Христос, ульнесь вельть лезэв: Закхей кадызе икелень амазый эрямонзо (Лук. 19,1-10).

Иисус Христосонь вечкемазо – идиця вечкема.

Майсиця ломантненень Иисус Христосонь бажамозо допрок а истямо, кодамо буддистэнтъ майсемазо. Буддистэсь майсеманть мари, ансяк сонзэ арась кемемазо идемс майсицянтъ, изнямс майсеманть.

Иисус Христосонь вийсэ лиятненъ вельмемаст лездыть миненек неемс Идицянтъ алкуксонь чачонзо. Вана сон сэредиця аванть саизе кедте ды тонанъ сеск кадызе маштыксэсь. Авась стясь ды кармась Сонензэ важдеме (Мар. 1,31). Тесэ нейтяно аволь ансяк рунгонъ идема. Нетяно лия тевгак, кона идезентъ эрямонть макссь од

смусть. Лавшомозьстэнтъ Иисус редизе: сонзэ талновтсь аволь рунгонь ормась. Иисус Христос леци ломанентъ потмоендо: „Эйдем! нолдавить тонь пежететь“ (Мар. 2,5).

Иисус Христосто мертяно: Сон бажиль пиштевтицятненень. Ансяк те бажамось эзь ульне мельс туемакс. Пиштевтицятненень Сонзэ бажамонтъ лисьмапрыхс ульнесь ломантненень Пазонь вечкемась. Кульщятненень Сон велявтыль эрямос, сэредицятненень менстиль орматнестэ, лавшотненень максыль вийть.

Минек бажамонк – Иисус Христосто а роман сермадомс. Бажатано Сонзэ невтеме истямокс, кодамокс эйсэнзэ панжить евангелистнэ. Те – Иисус Христосонь эрямодо ды тевдензэ вейкине алкуксонь юр. Вана Сонзэ валонзо: „Мон сынъ вана мекс: улезэ эрямось, улезэ эйтэнзэ вельть ламо“ (Иоан. 10,10). Христос сась идемевсентъ тевензэ калавтомомо (1 Иоан. 3,8) ды куломанть изнямо (2 Тим. 1,10).

Иисус Христосонь пингстэ ломантне свал аштить мельспаросо (Лук. 10,20). Эрямо бажицятненень Христос кази эрямо. Нама, седе ламо ломантненень те чарькодеви а педе=пев. Мекс? Вана мекс: Иисус Христосто эрвась арси эсензэ койсэ. Истят ломантнеде Павел апостолось сермады: „...те пингень пазось чополгавтынзе превтнень, кадык сынест а ули се валдось, конасонтъ несызь Христосонь, Кона улияк а неявикс Пазонтъ чачозо“ (2 Кор. 4,4).

Иисус Христосонь вечкемазо – пежетень теищянь вешница вечкема, кемевтиця вечкема. Сон апак пеняця канды мииця тонавтнициянзо раужо тевентъ. Сон икелепелев содась: Петр Эйстэнзэ яви. Ялатеке Сон корты мартонзо, озны кисэнзэ (Лук. 22,31).

ПЕЖЕТТЕМЕ

Миненек эряви арсезевемс вана мезде: натой Христосонь ялганзояк эзьт нее Эйстэнзэ асатыкст. Эйсэнзэ судясть кенгелицятнень вельде. Ялатеке сынст чумондомасткак юртомольть.

„Кие чумондсамам авидечинть кисэ?“ – кевкстнесь Сон каршонзо молицятнень. Тонат эзьт муе каршо вал. Пазонь Церакс эсь прянтъ яволявтоманзо пингстэ Сон эзь ефта натой вишка авидечи. Кеме обуцясо ветясь прянзо. Истяк те максоволь тувтал а кемемс Сонзэ видечинтень. Христосонь майсеманзо парсте невтить, кода аволь ансяк ялганзо, конатне улевельть сокоргавтозь Сонзэ вечкемасо, ве ендонь ломатнеяк эзьт саекшне превс: Иисусонь эрямосо ульнесь мезе-бути берянь.

Натой Пилатнэнь савсь витъкстамс: Сонзэ эйстэ а мукшны кодамояк чумочи (Матф. 27,24). Пилатонь низэ фатясь: тесэ тееви покш зыян – маштыть чумовтомо. (Матф. 27,19). Иисус Христос кулы крест лангс. Сонензэ те шкастонть кемезевсь розбойникесь, кона чавозель ваксозонзо (Лук, 23,42). Нарьгамотнень ветиця офицерэсь, кона некшнесь крест лангсо аволь аламо кульцят, Христосто яволявтсь: „Сон, видеяк, ульнесь Пазонь Церакс!“ (Матф. 27,54). Хоть апокшке рудазов петняксонь тарка Иисус Христоссто сехте пек вешнесь Иуда. Сон миизе Иисусонь. Эсь а мазый тевензэ идеме бажась истямо валсо: Сон весень минек манизь! Ансяк Иуда сонсь Иисус Христосонь майсематнеде талномасо мольсь эсензэ рамицянстэнь ды витъкстась: „Мон совинь пежетьс, миинь чумовтомо Верь“ (Матф. 27,4).

Важодемань шканзо ушодовомсто уш Иисус Христос кортась оймень панжомадонть. Сон содась: пежетнеде

апак витькста кияк а пачкоди Пазонть малас. Пазонь те вешеманть каршо ламот мольсть сестэ, молить нейгак. Каршо молить сеть, кинь совестезэ матедевсь эли ношккалдась. Истятнэ эзть маря витькстамонтень тердеманть. Иисус Христос лови: ансяк витькстазы ойме ломанентень улема Пазонь эйкакшокс. Ансяк вана Сонсь зярдояк эзь витькстакшно Мик Гефсиманиясо, куломадонзо икеле, косо эрявсь вешемс чумонь нолдавтома. Сонзэ совестезэ кадовсь ванькстэяк ваньксэкс.

Иисус Христос кадовсь апак панжо содамоевксокс эрвантень, кие бажи ломанень онкссо Сонзэ онкстнеме. Те – видечинть эйстэ оргодема, бути а кемдяно Сонзэ истямокс улемантень, кодамошь алкукс, ансяк секс, мекс Сон а панжови, а евтневи. Те – видечинть эйстэ оргодема, зярдэ ломанесь яволявты: „А кемеве: Иисус алкукс истямокс ульнесь!“

Се, кие чумонды Христосто Евангелиянь евтнеманть, сенень эряви невтемс Евангелиянтень акемемань ды эйсэнзэ ильветькстнэнь тувталост. Сонзэ каршо молицятнень эйстэ те шкас киненьгак те эзь теевть. Философт, писательть – рационалишт, либералт ды ламо лият снартнест эсест васоньбеельсэст керямс Иисус Христосонь образонть. Христосонь исторической чачонзо эйс бажасть путомс эсест идеалост мирэнь-масторонь полавтыцятне, закононь теицятне – социалистнэ. Ансяк сынст снартнематненень кияк эзь кеме.

ЭРЬВА КОВ КЕНЕРИЦЯ

Те кармась улеме весенень содавиксэкс: Иисус Христосонь вельмемань чистэнтъ саезь, малав кавто тыщат

иень перть, весе народтнэнь ды расатнень, весе професиятнень, церанек, аванек, сыренек, однэк ломантне витькстамосо пшкалесть Иисус Христоснэнь, кода Пазонь Церантень. Сынэ эсест эрямосост варчизь Вельмезенть лесксэнзэ. Сон полавтнесь ды полавтни эрямоост ды обуцяст. Сынэ ловныть Сонзэ Валонзо, мерят, те Валось сермадозь Сонзэ кедьсэ. Сынэ кортыть Мартонзо, мерят, аштить Вакссонзо ды неить Сонзэ. Сынэ содыть: Сон корты мартост, путы превс, тонавты. Теньстэ сынэ марить ине кецямо. Весемеденть теде эряви арсезевемс эрва кавтолдыңянтень ды акемицянтень.

Служамонь виесь ды Пазнэнь кемеманть кисэ майсемань виесь зярдоак эзь сакшно сетнестэ, кить Иисусонь эйстэ несть ды неить ансяк ине идеал, ансяк „исторической“ Иисусонь. Те виесь свал неяви сетнень эйсэ, кить кармасть улеме Сонзэ „вишка стадак“. Кить озномасо пшкалить Иисус Христоснэнь кода Пазонь Церантень, кода Идицянень ды Инязортнэнь лангсо Инязорнэнь. Кодат лавшт иляст уле неть ломантне, Иисусонь вельмеманзо сынэ марить эрва эскельксэнь теезь, свал.

Иисус Христосонь крестозо, конастонть весе шкань христиантнэ неить Иисус Христосонь весементь изниця вечкемань венеценть, макссь народтнэнь искусстваст туртов апрядновиця тема. Искусствань весе пелькстнэсэ невтезь крестс Чавозесь. Ялатеке Иисусонь домка салавачизэ а кундави искусствантень. Истя лисни вана кодамо тувталонь кувалма: а ломанень вийтне, Иисус Христоснэнь эсь прянь максомась ды Сонзэ кунсоломась панжить ломантненень Менельстэ Тонавтыцянтэ ды Идицянтэ эрявиксчинзэ, инечинзэ. Корнелиусонь роштовань содавикс гимнасонть кортави:

„Вай, ломань! Эрязасто капшак икелев. Инязортнэ

капшить Сонензэ, мартост мольть тонгак! Вечкемань Теште, парочинь Теште валдомтсы тонь бажамот, бути тон кармат вешнеме Пазонть. Ды бути тонь арась сыр-неть, ладанот, смирнат, сестэ казик эсь седееть вельть паро Вишкинентень“.

Ламо кортамкат кирвазить вана теде: кодамо смусть „Казик эсь седееть вельть паро Вишкинентень“ валтнэсэ. Ансяк вана сонсь фактось а полавтови. Сон евтазь Христосонь валтнэсэ: „Видестэ кортан тенк: кие а неи Пазонь Инязорксчинть, кода эйденть, се а сови эйзэнзэ“ (Мар. 10,15)

Ветеце главась

ИИСУС ХРИСТОС МАРТО

Минь аштетяно истямо вельть покш кевкстема икеле: мекс лисни истя: 20-це пингень ломанесь понгони Иисус Христосонь виензэ алов. Сон натой ушоды кемеме Сенень, Кинь эзизе некшне. Теке марто сон кеми Тензэ аволь ансяк кода паро оянстэнь, кеми, кода эриця Пазонть. Ломанесь Сонзэ свал мари эсензэ маласо.

Те кевкстеманть лангс валонь евтамодо икеле эряви содамс, кода Иисус Христосонь виезэ пачкоди башка ломанентень.

Эрьва поколениянь христианствась – живой христианствась – кемевти: Иисус Христоссо миненек казезь Сонсензэ Пазонть улемазо. Бути ули кортыця Пазонок, ми-

нек ули Сонзэ Валозояк. Иисус Христос Сонсь теевсь тенек Паро Кулякс. Сонзэ эйстэ минь мукшнотано виде евтавкст весе кевкстеманок лангс.

Сенень, кинь талновты кевкстема: кода эрямс Пазонть марто оякчисэ, сенень мертяно: кунсолок Иисус Христосонь! Кие кевкстни: кода стян Пазонь видечинть икелев, сенень кортатано: тонеть эстеть саема Иисус Христосонь. Кие сизесь религиозной эрва кодат койтнень эйстэ ды кевкстни: кода монень эрямс Пазонть мелензэ коряс, сенень мертяно: кемть Иисус Христоснэнь ды Сонзэ Валонтень.

Се шкастонть саезь, зярдо оймень васькавтомась теевсь вельть чуро тевекс, неень шкань ломанесь эсь оймензэ мари чавокс. Умок кайсететсть вайгельть: ломанентень эряви „кемемань тарка“, косо сон панжовлизе оймензэ, паневлинзе сонзэ эйстэ мелявкстнэнь.

Тиринь аватнеде башка, вельть чуросто вастневить истят ломанть. Ялатеке сетненень, кить лововить истямокс, эряви тонавтнемс Иисус Христосонь пельде. Ломанень сонзэ енксонзо Павел апостолось евтынзе истямо валсо: „...Кона, кода миньгак, кирди эрямонь сталмонть, пежетте башка“ (Евр. 4,И5). Секс Евангелиянтъ ловномсто мель явома аволь ансяк сенень, кода Иисус Христос кортнесь ломантнень марто. Сонсь Евангелиянь ловномась – те Иисус Христос марто вастовомо ветиця ки.

Евангелиясонь невтезь ломань марто Иисус Христосонь ламо вастовомат. Бути сайтяно ансяк зярыя истят вастовомат, сынь лездыть тенек видестэ неемс, кода Иисус Христос вети эсь прынзо ломань марто.

МЕЛЕЗЭ МОЛЬСЬ

Иоаннонь пельде Евангелиянь 4-це пелькссэнтъ евтневи, кода Иаковонь лисьманзо вакссо Иисус Христос вастовсь самарянка марто. Пелечистэ Сон кадовсь лисьманть ваксс. Тонавтнициянзо тустъ ошов ярсамопелень рамамо. Те шкастонть сась кедьге марто ава – ведь мельга. Иисус энялдозевсь тензэ: „Макст Монень симемс!“ . Авась каршонзо корты каштангалезь. Прянь ветямосонзо арась религиозной ломанень кодамояк енкс. Иисус Христос полавтызе кортамонтъ ды мери тензэ: бути тон содавлить, киян Мон, аволинь аште икелеть, кода вешиця, сестэ полавтовлинек тарканок. Тон энялдовлить Монень, ды Мон максовлинь теть „живой ведь“ .

Кода Иисус Христос эзь визде вешемс лескс ломанентъ пельде, истя Сон верьга канды эсь прынзояк. Авась яла а чарькоди Сонзэ. Ежомарямонзо колазъ. Колынзе масторсто сыця. „Тон, нать, минек тетядонок Иаковдо покшат, кона максызе тенек те лисьманть, сонсь эйстэнзэ симсь, эйкакшонзояк, ракшанзояк?“ (Иоан.4,12).

Иисус Христос, ойме лембесэ ванозь, аванть каштанчинть экшстэ несъ лакиця эрямонь вий. Ды Эсензэ евтазь валсонзо седеяк сыргостизе те виентъ. „Те ведтентъ эрьва симицянтъ таго симемазо сы; кие карми симеме ведтентъ, конань тензэ максса Мон, сень симемазо пингде пингес а сы; ведесь, конань тензэ максса Мон, тееви эйсэнзэ лисьмапрыхс, конастонть ведесь чуди пингде пингень эрямос“ (Иоан. 4,13-14).

Те ульнесъ истя, кода аванть весе эрямозо стяволь сельмензэ икелев. „Те ведтентъ симицянтъ таго сы симемазо“. Чинть псинзэ алга чистэ зярыяксть ведь мельга якамо. Паряк, те минек а оймиця, талновтыця эрямонь

образ? Ульнесь шка, зярдо сон, од тейтерь, пандо прясо аштемстэ арсезевезь вансь васолкстнэс. Сон арсесь: „Зярдо касан покшокс, сестэ сы ине уцяскам, конань истя пек учан“. Ды мезе лиссь? Сон вешнесь симемс эрямонь ламо лисьмапрясто. Ды веденть эйстэ курго потмозонзо кадовиль сэпе. Се, мезенть сон ловсь умок лепамозекс, эйсэнзэ сыргойсь одов, зярдо тошначисэ кедензэ венстинзе лия масторсто сыщянтень: „Осподи! макст монень те ведтенть. Кадык а сакшны симемам ды а сакшномс тезэнь амолямо“ (Иоан. 4,15).

Тесэ лиссь апак учонь тев. Аванть мелезэ кадовсь апак топавто. Пешксе, виев эрямонтень бажамось зярс а тувтал, конань кувалма Иисус Христос максы эсь казнэнзэ. Ды нетяно аламодо ве енов туема, зярдо Иисус Христос полавтызе кортамонтъ ды мерсь авантень: „Азе тердик мирдетъ ды сак тей“ (Иоан. 4,16). Те валось аванть талакавтызе, прок кияк локшосо тензэ каясь. Сон автордызе кедьгентъ ды снартыксэль туеме: „Монь арась мирдем“, – кежейстэ ертсь. Тесэ кемемань човине суресь сезевета лангсоль.

Чевте, теке шкастонть кеме кедьсэ, кода доктор, Иисус Христос токши аванть оймесэ сэредиця тарканть ды ливти лангс, мезе эряви аванть яжазь эрямосонзо. Авась талнозевсь: „Вай, Вере Паз! ванан, Тон пророкат“ (Иоан. 4,19). Те шкастонть сон арсезевсь: витъкстави-арась чумочим? Ды кода седе парсте те тееви? Эряви-арась тень модемс озномо Иерусалимев эли Гаризим пандонтъ пряс? Меккав эли Ганг леентъ чирес? Римев эли Киево-Печерской Лаврав? Паряк, кодамояк святой лия таркав?

Иисус Христос сеск а шны весе неть китнень. Сынь а маштовить. Сонзэ валонзо ветить сехте эрявиксэнтень:

„Ава-ломань, кемть Монень!“ Лия валсо меремс: „Кемть Монень!“ Ансяк эйкакшчинь ванькс кемемасо Пазонть суюконямось вети идеманть.

Аванть пря потсо сыргойсь истямо, мезесь моли Пазонь Закондонть лецтнема енов. Те Закононть сон, бульчом, зярд-бути тонавтнесь. „Содан, сы Мессия, лиякс, Христос; зярд Сон сы, евтнесы тенек весементь“ (Иоан. 4,25). Ансяк те кемемась гайги, кода тоначистэ вайгель. Паряк, зярдояк, икелепелень васоло шкасто, те топавтови. Иисус Христос теи кенкш стенанть. Сонсь Эстензэ кемевтезь корты: „Те Мон, Кона корты мартот“ (Иоан. 4,26).

Те кортамостонть миненек а вельть стака неемс эсь прянок, зярд невтнетяно каштанчинек, пазонь оймень панжоманть каршо молеманок. Содавикст-арась тенек истят нурькине шкатне, зярд домкасто оймень таргазь кортылинек: „Осподи, макст монень истямо ведь...“

Совестенек сыргозема шкатнестэ минек эйтэ лиясь арсесь, вешнесь, косто муемс оймамо. Нать, ломантне а снартнить эсест совестест оймавтомо церькованть покш ули=паронь максозь? Ялатеке Пазонть марто вейкетьксчисэ эрямо карматано ансяк сестэ, зярд лотката-но эстенек кенгелямодо ды минсь сатано эриця вельмезь Иисус Христоснень. Зярд те топавтови, минь, кода се самарянка авась, кона эсь велентень кармась уleme евангелисткакс, маштовтано Христоснень свидетелекс.

ИДЕАЛИСТ

Ней сайсынек кедезэнек Марконь пельде Евангелиянт. 10-це пельксстэнт ловнотано од цера марто Иисус

Христосонь вастовомадо. Икеленек од ломань, конань умок талновты религиозной кевкстема. Од ломанень эрязачисэ сон ертови пуль потс, Иисусонь пильгензэ алов. Ды пшкади тензэ чуросто вастневиця энялдома марто: „Паро Тонавтыця!“ Сон сеск евтызэ Иисус Христоснэнь кевкстеманть, кона ризнэвти эйсэнзэ: „Мезе тень теемс певтеме эрямонтъ кисэ?“ (Мар. 10,17). Те кевкстемасонть – куломадо мейлень, тоначисэ эрямонь уцясканок, теке марто – се эрямонтъ покш вечкемась, конанень ломанесь чачозь, алтазь.

Мельс кадови вана мезесь: тесэ евтневи сypав ломанеде, конань ули мода лангонь бажамотнень топавтомс весемесь. Вана истят ломантнень майсевти чаво эрямость. Сынъ пелезь кевкстнить эсь пряст: мезекс мон эрян?

Маряви, а чарькодевиксстэ вети эсь прынзо Иисус Христос те од ломанень марто. Маряви, Христосонь ульнесь мелезэ покордамс сонзэ. „Мекс тон Монь лемдят важовкс? Паздонть башка, кияк а важов“ (Мар. 10,18).

Се, кие Иисус Христоссто неи ансяк тонавтыця, сень Сон истямо шнамо валсо Эстедензэ кортамодо а мери.

Кода васоло ашти Иисус Христос ломанень шнамонь вешнематнень эйстэ!

Теде мейле Иисус мартонзо кортницянтъ вети вельть чарькодевикс видечинтень: „Тон содат заповедть?“ Кие бажи Иисус Христосонь пельде содамо Пазонтъ марто кортнемань салавачи, се домкасто ильведевкшны. Ежо-марямонь кодамояк тамаша, кодаткак чаво содамочить Христос а максы. Пазонтень малавиксэкс теевемань салавачись – Пазонь Валонтень кемемасонть, Сонзэ мелензэ=бажамонзо топавтомасо. Те весе, Пазонтъ марто живой сyлмавомадне теевить пежетте витъкстамонть

вельде, зярдэ Иисус Христосонь ловат кода эсеть Идицянь.

„Весеметь тень мон ванстыя эсень откскистэнтъ“, – корты од церась, мельсэнзэ заповедтнень, законень топавтоманть кирдезь. Пазнэнь кемицяненъ неть валтнэ вельть видеть. Ды Иисус Христос кармась церанть вечкеме. Сон ламо арсесь свалшкасо эрямодонть. Заповедтнень топавтомась эзь макстне тензэ кемема: идеви-арась.

Мезе эно кортась Иисус Христос? „Азе, весементь, мезеть ули, микшник ды явшик пурныцяненъ; сак, сайтъ кедезэть крест, мольть Монь мельга“ (Мар. 10,21). Те парсте невти: од церанть эрямосо мезе-бути эзь сатно. Тесэ кортамось моли аволь оймень сюпавчиде, – певтеме эрямосовамо. Лисни, Христос марто вейсэндявомадо.

Тень эйстэ сатано вейке мельс. Весемесь эли мезеяк – истят Иисус Христосонь вешеманзо сетнень пельде, кить бажить Мельганзо молеме. Кинь мельс те а тукшны, сенень сави теемс истя, кода сюпав од церанть: „Сон, сонзэ валтнэдэ талакадозь, нусманясто тусь ве енов. Истя лиссь вана мекс: сонзэ ульнесь покш имениязо“ (Мар. 10,22). Теньстэ минь нетяно: Иисус Христос киньгак ваксо а моли кода сэтьме важодиця. Ансяк кие а пели эрямонь стакачитнеде ды Христос маласо улеманть кисэ анок кирдемс уцяскань эрьва кодат емавкст, мусы сень, мезес бажась сюпав од церась – пингедэ пингень эрямонть.

ОДОНЬ ТЕИЦЯ

Иоаннонь пельде Евангелиянь 3-це пелькссэнтъ ёвтневи Христосонь ды Никодимень ютксо кортнемадонть. Мель явтано вана мезнень: кодамо домка превень вийсэ

ютавтозель Иисус Христос марто ламонь содыця учо-
енть вастовомазо. Никодимгак те вастовоманть ушоды
важов сюконямосо: „Равви! минь содатано: Тон – Пазонь
кучовт Тонавтыця; истят тамашат, кодат теят Тон, кинень-
гак а теевить, бути мартонзо а ули Пазось“ (Иоан. 3,2).

Тешкстасынек: „минь содатано“ валтнэ аштить корта-
монтъ ушоткссо. Никодим ульнесь сеть ломантнестэ, кие
покш мель яви содамочинтень. Лиятнень марто кортнем-
стэ истят ломантне бажить келейавтомс эсь содамочист.
Сон бажась содамо седе ламо.

Христосонь пингстэ истят ломантне эсест мелест,
кода свал, полавтнестъ. Мекс? Тевесь допрок аволь сода-
мочисэнтъ. Иисус Христос корты Никодимнень: „Кие а
чачи верде, – а несы Пазонь инязорксчинть“.

Истя Христос бажась евтомо: Никодим, тевесь аволь
од содамочисэнтъ, аволь вейсэндязь содамочитнесэ. Те-
весь од эрямосонтъ. Ялатеке Никодим а курок поты. Ка-
дык сон соды одонтъ чачоманзо юрдонтъ, ялатеке ашти
„эволюциянь теориянтъ“ кис. Секс лиссь лангс: Никодим
мезеяк а соды ломанень эрямосонтъ од ушоткстонтъ.

Кода ашти тевесь минек марто? Паряк, минь теезтя-
но-пурназтяно наследственностентъ ды тонавтнеманть
вельде? Коесть – минек акушерканок. Паряк, эсенек ды
религиозной чарькодеманок пурнынзе ды теинзе се
перть пелькэсь, конасонтъ эрятано? Кода чачи ломанесь,
бути сон сыре уш?

Иисус а поты вейкеяк эскелькс. Сон невти Никодим-
нень эрямонь максыця Святой Духонтъ, Кона важоди
Пазонь творческой вийтнесэ ломанень лескстэме.

Никодимнень весемесь те превс а саеви. Сонензэ ме-
зеяк лия а каднови, кода вийтеме эйкакшокс кевкстемс:
„Кода те тееви?“ (Иоан.3,9).

Бути эсь содамочитненень кемицясь ушодсь дивсеме ды Пазонтъ икелев кадовсь кевкстницякс, сестэ мезе мери ловныцясь? Пилетне теевить пштистэ марицякс. Те лезды чарькодемс кемевтеманть. Сельмтне келейстэ панжовить од енксов ваномсто. Пижень гуйдентъ ташто евтнемасонтъ панжови од мир: „Мирэнтъ истя вечкизе Пазось, тензэ максызе мик вейкине Эсензэ Церанзо: Сонензэ эрва кемицясь илязо ема, улезэ пингеде пингень эрямозо“ (Иоан. 3,16).

Евангелиясь а корты седе, кодамо лезэсь Никодим марто те кортнеманть эйстэ. Иоаннонь пельде Евангелиянь 7-це пельксстэнтъ ловнотано: Никодим, кадык пелезь, евтась вал авидечинть каршо, конань теизе синедрионось Иисус Христосонь каршо молезь. Иисусонь нарьгамодо мейле Никодим лиятнень марто вейсэ якась Сонзэ калмамо.

Евангелиянь тонавтнициятне-ванныциятне састь мельс: Никодим тусь Вельмезентъ киява. Христиантнэнь церкованть эрямонзо перть Никодимень киява тусть вельть ламот. Сынь, кода Иисус марто кортнемстэ Никодим, кавтолдозевсть эсь содамочист коряс ды эрямосост мусть од ушоткс.

ЭРЯМОСОНТЬ СИЗЕВТЕЗЬ

Иоаннонь пельде Евангелиянь 5-це пельксстэнтъ ловнотано а лецявикс сэредицядо, кона 38 иень перть аштесь Силоам экшелямо тарканть вакссо. Чуросто вельмсиль лисьмапрясь. Ламот учость се нулька шканть, зярдо сы ведесь, ды совить эйзэнзэ ормань менстямо.

Таркасонзо допрок ськамонзо аштиця вельть сэре-

дицясь 38 иень перть вестьяк ведентень эзь совсе васен-
цекс. Эзь савкшно тензэ эсензэ рунгосо варчамс веденть
лезэвчинзэ. Сэредицятне икельдясть вейкест-вейкест,
арсесть ансяк эстедест. Те калавтынзе пайстомонть весе
кемеманзо. Зяро апаро печтясь, зяро рискс ютась седеен-
зэ пачк 38 иень перть! Зяро энялдомат сон евтась! Весе
тень кувалма а кувать ульнесь теевемс ломанень а вечки-
цякс как.

Ды сти истямо кевкстема: мекс се пайстомось лоткась
истямо таркас, конасонть ламо майсемат-пиштивтемат?

„Монь арась ломанем“ (Иоан. 5,7), – вана Иисус Хри-
стоснэнь сонзэ васенце валонзо. Сынъ панжить сэре-
дицянть весе рисксэнзэ. Теньсэ эрва пиштивтеманть
берянь енксозо: ломанесь ушоды эсь прянзо жалямо.
Истямо шкасто сон эсензэ арсематнень куншкас аравты
эсь прянзо. Неть ломантнень а эряви вельть сялдомс.
Тосо, косо эрямось тееви чавокс, ломанесь эри эсь прянь
жалямосо. Минек психиатратне научнойстэ евтнесызь
истят ськамост кадозь эрицятнень оймень зэмест. Ансяк
ней эйсэнек талновты а те. Эряви содамс, кода Иисус
Христос вейке варштавкссо неинзе пайстомонть майсе-
манзо ды кевкстизе сонзэ: „Бажат улеме шумбракс?“
(Иоан. 5,6).

Вельть ламо ломантнень лавшочист тувталось вана
мейсэ: апак топавто бажамотне лепштить ойме вийт-
нень. Ды сыненст мезеяк а эряви. Ломанесь эсензэ икеле
чави прят-пилыгть, пеняци лиятненень. Ялатеке оймес-
энзэ пели вадрылгадоманонть. Сестэ тензэ сави явомс
кекшезь идемевсенть эйстэ – эсензэ рисксэнтэ эйстэ,
конаньс тонадовсь.

Эсензэ кевкестемасонзо Иисус Христос лездась лома-
нентень аволь ансяк седе парсте тонавтнемс эсь прянзо.

Сон кирвасть эйзэнзэ кемемань сятко. Истя Иисус Христос терди эйсэнек Сонензэ мелявксонок панжомо. Тен-теме Пазонть пельде максозь Сонзэ виензэ а редявить.

Миненек маряви, идезесь прок эзь кеця тамашантьень, кона лиссь мартонзо. Пельдензэ а марятано вейкеяк лембе вал. Корты машнетезь=музгордезь. Иисус Христоснэнь эрявсь кортамс тензэ: „Вана, тон шумбралгадыть; иля тейне пежетть, илязо лисе мартот мезеяк седеяк берянь“ (Иоан. 5,14).

Иисус Христосонь казнензэ ды баславамонзо кадсамизь, бути пингеде пингень эрямонтень модемстэ а карматано Сонзэ бажамонзо топавтомо.

АПЕЛИЦЯ ОЗНЫЦЯ

Допрок лия картина панжови икеленек Вартимей сокоронть марто Иисус Христосонь кортамонть эйстэ. Марконь пельде Евангелиянь 10-це пелькссэнтэ евтнезь вийтеме сокор ломанде, кона аштесь ки чиресэ. Вешсь лескс. Вана мари, кода сеетьстэ те эрси сокортнэнь марто, енонзо сыця ламо ломанень шалнома. Ансяк маризе Назаретстэ сыця Иисусонь лемензэ, кода седейстэнзэ менсь сергедема: „Иисус, Давидэнь Цера, жалямак!“

Те ульнесь прок сезезь селтсто мениця ведень увт. Паряк, сокор ломанесь умок анокстась истямо нурька шкантьень ды сась мельс: монень лезды ансяк Иисус, Конанень мерить Христос.

Лесксэнь вешемадо сокоронть вайгелезэ эзь вечкевть шалныця ломантненень. Веенст вешнесть Иисусонь религиозной темас кортамонь тувталонь коряс. Омбонстнэнь арасель мелест коламс лембе сатьмечинть. Еванге-

листэсь евтни: „Ламот сонзэ кармавтсть чатьмонеме“. Сокоронтень прась истямо шка, зярдэ эряви сонензэ, вийтементень, эли пелемс ломантнеде, эли, Иисуснэнь бажазь, а явомс мель ломантнень сялгавтнематненень. Ды сон кармась седеяк пек сеереме: „Давидэнь Цера! Жалямак!“

Иисусонь маласо улемась ломантнень тандавтнемаст коряс виевель. Те лецтни псалмань морыщятнень пророкось валост: „Мон эзия лоткавто кортамом: Тон, Осподи, содат“ (Пс. 39,10). Неяви, Иисус Христос икелев арсизе: кадык сокорошь печтясы стакачинть.

Иисус Христос лоткась ды мерсь тердемс сокоронть. Сетнень ютксто, кить кармавтсть сокоронть чатьмонеме, муевсть истяткак, конат мерсть тензэ: „Иля пельть, стяк, терди эйсэть“. Ды тесэ пайстомось Иисусонь васенце валстонзо маризе сень, мезе эзь учне: „Мезе теть эряви Монь пельде?“

Ансяк тесэ сти кевкстема: нать, а чарькодеви, мезе мелявтовты сокоронть? Эряви=арась теде кевкстнемс? Ды таго неяви Менельстэ Тонавтыцянтъ превень домкачизэ. Се, кинень мезе-бути эряви, кадык сонсь евты теде.

Эсензэ содавикс сермасонзо Отто фон Бисмарк нинзэ тетянстэнь сермады эсензэ касомадо. Теке шкастонть тешксты, мекс кувать эзь озно. Сонзэ марто ульнесь истя, кода эрси лия ламо од ломантнень марто, конат понгонестъ рационализмань виенть эйс. Сынь кортыть: „Пазось минек энялдомавтомом соды, мезе тенек эряви“.

Нама, Бисмаркось валонзо каршо кияк а моли: Пазось валтомом соды мелявкстонок. Ялатеке Бисмарк теевсь истямо озныцякс, кодат ульнестъ аламо. Седе мейле, кода сон пшкадсь Пазонтень, каладсть философской сьулмавкстнэ. Косо арась вейке-вейкень вечкема,

ули ансяк законь топавтома, тосо арась христианства. Пазось соды, мезе тенек эряви. Ялатеке Сон учи ломанть пельде витькстамо.

Седе мейле, кода сокорось евтась: „Бажан нееме...“, сон неявсь эйдекс, кона ансяк ушли кортнеме.

Кемеме ды озномо кияк а тонады эйкакшонь корта-мосто тень апак ушодо.

АКЕМИЦЯ

Седе, кодамокс эряви улемс тонавтницятненень, – те евтнемасонть панжови Иисус Христосонь сюпавчизэ ды превень домкачизэ. Те неяви башка ломань марто Сонзэ кортнемасто. Сайсынек акемиця Нафанаилэнь. Филипп оязо пачтясь кенярков куля: „Минь муинек Сень, Конадо законсо сермадсь Моисей ды пророктне, Иисусонь, Назаретстэ Иосифень церанть.“ Сон ансяк лавтовонзо лепштинзе: „Назаретсэ, нать, ули мезеяк паро?“ – ертсь Нафанаил. Иисус Христос сонзэ эзизе покорда те а кемеманть кисэ. Мекевланк, Иисус Христос вастызе истямо валсо: „Вана алкуксонь израильтянин, конасонть арась кенгелема“. Теде ловнотано Иоаннонь пельде Евангелиянь 1-це пельксстэнтъ, косо сермадозь: „Вана Пазонь алкуксонь воин, а кенгелиця“. А кемиця-стонть, Нафанаилстэ, Иисус Христос несъ виде=паронь вешнемань домкачи. Христос лови питнейкс эйсэнек весементь, мезенек ули ванькс, бути минь натой нолт-нетяно ильветькст.

Иисус Христос тешкстынзе Нафанаилэнь обуцясо неть паро енкстнэнь. Саизе сонзэ кедте ды вети седе тов: „Седе икеле уш, кода тердинзеть Филипп, зярдо аштить

смоковница ало, Мон неитинь тонь“. Неть валтнэстэ Нафанаил чарькодсь: Иисус пачк неи сонзэ салавань эрямонзо. Секс сон анок евтамс шнамонь валт Иисуснэнь, кода Христоснэнь. Акемиця обуцянь ломанесь, Нафанаил, кармась ламо содамо: Пазось неи ды соды эрва ломаненть, кода тона илязо кекшне эсь чувтонзо алов.

ВАЛНЭНЬ КЕМИЦЯ

Допрок лиякс ульнесь тевесь Симон калонь кунцицянть марто. Теде евтни Лука 5-це пелькссэнть. Сон уш марсесь Иисус Христосто ды кой-мезе содыль Эйтэнзэ. Иисус Христос марто вастовкшнось Иордан леенть лангсо Иоанн Крестителень пингстэ.

Иисус Христос пшкадсь Симоннэнь а покш леск мельга: меремс Тензэ венчстэ кортамс народонть марто. Симон топавты те меленть, лоткавты тевензэ. Истя теевель калонь а эрва кундыцясь. Тесэ лиссь апак учонь, а вастневиця тев. Иисус Христос евтась мель уемс домка таркас ды тозонь нолдамс калонь кундамотнень. Симоннэнь тень топавтомс вельть стакаль. Колави-арась калонь паро кундыцянь лемезэ, бути сон Галилейстэ плотникенть мереманзо коряс тейсы сень, мезесь моли калонь кундыцянь умонь эрямонть каршо? Перьканзо аштеть лездыцянзо. Секень вант, ракасызь сонзэ.

Симононь валсонзо маряви потмовиень кавтолдома. Симон корты: „Тонавтыця! минь важдинек вензэ перть, мезеяк эзинек кунда“ (Лук. 5,5). Пелечинь псистэнть, нать, калтнэ седе кармить понгомо? Ялатеке Тонь валот коряс каяса сетенть“.

Паряк, теньсэ кекшезь тувталось, мекс ламо ломанть

кулозь религианть эйстэ а ютавить Пазнэнь кемеман-
тень? Пелемась, эрямосонть таштазь эсь содамочинтень
покш питнень максомась ломантненень мешить кемемс
Христоснэнь, панжомс Тензэ оймест. Ламот кортыть:
„Максынк монень васня варчамс Пазонть виензэ эсень
эрямосон, печтямс тамаша. Эли неемс озноманть лескс-
энзэ. Мейле кемезеван Сонзэ валтнэненъ“.

Каршо истят молематнесэ минь кенгелетяно эстенек.
Виде, ульнестъ тамашат, зярдо од ломантне кенярсто-
зельть куломанть эйстэ идемасо. Седеяк – войнань
шкасто. Ансяк кода куруксто ломанесь стувтни теде!
Эрямось пештязь эрва кодамо рисксэв теде ды майсе-
мадо. Чокшнень мазый, гувныця зорясь ематы вень
чоподас. Пазонть марто истят теветне свал прядновить
стувтомасо.

Бути кемемантень алкукс эряви улемс вечкеманть
ушотксокс, сестэ те ули ансяк валонтень кемема. Истямо
кемеманть илядо лемдя сокоркс. Минь а кемдяно чаво
васолксонтень. Пазонь валось ды Сонсь Христос – кода
живой Пазонь Вал – Сонензэ апак кавтолдо кемемань
кеме юр.

Петр кундась ламо калт. Мекс? Христосонь валонзо
коряс. Истя лиси лия тувталонь кувалмаяк. Ялатеке зяр-
дож кияк эзь кирде зыян тосо, косо кортась истя, кода
Петр Симон: „Тонь валот коряс каяса калонь кундам-
канть...“.

А чарькодевиксэкс маряви вана мезесь: баславамонтъ
кисэ Петр а евты лембе валт. Тень таркас сон пульзи
Иисус Христос икелев ды корты: „Азе монь эйстэ, Оспо-
ди! мон ломанесь пежетеван“ (Лук.5:8). Ялатеке тесэж
минь а нетяно урень ойме. Петрань седеезэ тесэж
панжозь. Сон чарькоди эсь вишкачинзэ, ды тень шны

Пазось. Оймень те панжомась – христианонь сэтьмечинь корен.

Иисус Христос эзизе шашто Эсензэ эйтэ Симононь. Сон корты тензэ: „Иля пеле; те чистэнтъ саезь кармат кунцема ломанть“. Ды Иисус Христосонь те виде валось топавтовсь педе=пев.

ПАЗНЭНЬ КЕМИЦЯ

Седе тов Лука евтни амазысэ (проказасо) токазы ломанень идемадо. Теде лецтнить колмонест евангелистнэ. Евтнемасонтъ весемезэ 3 стихть.

Сэредицясь пшкадсь: „Осподи! бути ули мелеть, ванськавтсамак“. Те пшкадемасонтъ кекшезь ломанентъ анокчизэ Иисус Христосонь ловомс Пазокс (Лук. 5,12). Васняк тестэ минь нетяно кеме кемема: „Тон маштат“. Те содамочись сэредицянтень сась аволь эсензэ арсеманзо вельде. Косто эно? Тень стака чарькодемс. Бути бу минек, христиантнэнь, кевкстевлимизь: мекс истя кемтяно Иисус Христоснэнь? – тень каршо евтавлинек: секс, мекс Сон – Иисус Христос. Кемемань коренось – сонзэ личностьсэнтъ. Ломанесь тееви кемицякс ансяк сестэ, зярдо Сонензэ Иисус Христосонь эйтэ моли идиця вий. Секс ломанентень а кода а кемемс. Ломанесь теевсь тензэ малавиксэкс. Те аволь вийсэ кармавтомань ки. Сонзэ эйтэ туеват. Тесэ – вечкемань а чарькодевикс вий.

Се шкастонть, зярдо сэредицясь мерсь „бути ули мелеть...“ сон стясь кемемань ки лангс, идиця кемемань ки лангс. Те кемеманть мезеяк а сюлми озномань энялдоматнень марто. Минь сюконятано Иисус Христоснэнь. Сонензэ максозь менельсэ ды моданть лангсо азоркочи.

Минек ули тувталонок кемемс Сонзэ виентень ды Сонзэ инязорксчинть.

Иисус Христосонь валонзо ульнесть истят чарькодевикст, кодамо чарькодевикс ульнесь энялдомась: „Ули, теевть ваньксэкс!“ Неть валтнэ кортыть вана мезде: энялдыңянтъ бажамозо ладясь Христосонь бажамонтень. Сокорстонть Сон несь кемема ды кунсолома.

Христосонь ойме тевсэнзэ свал вастневи истямо енкс: идезетненень Сон а максни превс конкретной путомат, а евтни, кода ветямс прянтъ седе тов. Минек шкасто церьковасо Пазнэнь важдициятне сеетьстэ тонавтыть, кода ветямс эсь прянтъ. Ды те сеетьстэ тейневи каштангалезь.

„Ансяк кемть“, – мерсь Иисус Иаирнэнь. „Израильстэяк Мон эзинь некшне истямо кемема“, – мерсь Иисус Капернаумсо сотниктенть (Матф. 8,10). „Вай, ава! ине тонь кемемат; кадык весемесь ули бажамот коряс“, – мерсь Иисус хананеянкантень (Матф. 15:28).

Иисус Христос васоло ашти сеть ломантнень эйстэ, конат эрва тевенть топавтомсто вешнить инструкцият.

УСКУРЯВИЦЯ АВА

Иоаннонь пельде Евангелиясонтъ (8гл.) евтневи, кода Сонензэ весть ветясть ускурявиця ава. Ульнесь мелест: Христоснэнь эряви топавтомс Моисеень законтнэнь, конатнень коряс аванть кулома. Бути Сон ванстасы эрямонзо, сестэ Сон невиксстэ сти Пазонтъ бажамонзо каршо. Те бажамось панжозь Ветхой Заветэнтъ вельде.

Аванть пежетензэ нолдамодо кортазь, Христос мерсь

Пазонь валсо „арась“. Тень пингстэ евты бажамо: аванть маштсы ансяк се, кие сонсь пежеттеме: „Кие юткстонк пежеттеме, васенцекс ерт лангозонзо кев“.

Неть валтнэде мейле чумондыцятне мельга=мельцеке салава ладсо тукшность.

Эсензэ ванькс инечисэнзэ Иисус Христос эзизе иде чумо аванть куломань судто пелеманть эйстэ. Витьстэ кевкстизе: „Ава, косот тонь чумондыцятне?“ Тесэ эряви тешкстамс: фарисейтне ускорявиця аванть зярдояк авольть мере „ава“. Аванть эрявсь кемевтемс: Христосонь пингстэ кияк эзь смея ловомс пежетевекс ансяк сонзэ.

Тесэ пежеттемель ансяк Иисус Христос. Ансяк Сонзэ ульнесть праванзо саемс аванть эрямонзо. Вана Сон корты тензэ: „Ды Мон а сялдан эйсэть; азе ды зярдояк иля тейне пежетть“.

Кие неть валтнэнь эйстэ неи пежетенть лангс ланга-прявань ванома, се эзизе чарькоде, мезе тесэ лиссь. Ускорявиця аванть майсематне парсте невтить: Иисус Христос аволь ансяк нолды эсь пежеттест витькстыцятнень чумост, сон теке шкасто олякстомты эйсэст пежетенть виенть (властенть) эйстэ. Тесэ арась тарка пежетенть марто вейсэ аштеманть. Тесэ аволь ансяк простяви чумочись, моли идемевсень чопода вийтнень эйстэ олякстома.

ЛИЯКСТОМТОЗЬ

Лукань пельде Евангелиянь 19 пелькссэнтъ парсте невтезь мытаренть прявтонть Закхеень лиякстомазо. Сеть шкатнестэ мытарнтень а вечкилизь. Сынъ мамонанть кисэ кадызь народост, лоткасть эсь пряст вечкема-

до. Сынь – прок спекулянтт, кодат эрсить стака, вачо иет-
нестэ. Панезельть паро ломантнень ютксто. Бульчом,
весеметь тень кувалма Закхей сайсь мель неемс Сень,
Кона весемесэ явовиль лиятнень эйстэ.

Закхеень минь нетяно смоковница чувтонь пиже лопа
потсто. Истя кекшсь эйстэнзэ нулгодиця ломантнень
сельме икельде. Бажась варштамс Иисус Христос лангс.

Иисус Христос теи допрок лиякс. А истя, кода Сонзэ
пельде учость ломантне. Ки чиресэ весе аштицятнень
ютксто Сон кочкизе Закхеень. Евтызе мелензэ улемс
сонзэ инжекс. Ды, нама, ломантне кармасть шалномо:
„Сон совась пежетев ломаннень“ (Лук. 19,7).

Валтомо, ансяк сеньсэ, мезе тейсь, Иисус Христос нев-
тизе чумонь нолдамонть лезэнзэ. Ломаненть таргизе
отьмасто. Закхей тень чарькодизе ды сеск стясь Христо-
сонь пелев. Сон витъкстась эсь пежеттензэ. Те неявсь
сень эйстэ, кода полавтызе прянь ветямонзо. Сон ано-
коль аволь ансяк эсь парочинть пелензэ кадомс, сон анок
покордазтненень, манязтненень максомс нилексть седе
ламо. Идемевсень мамонанть виезэ изнязь. Тарказонзо
сась вечкемань виесь. Моданть лангсо эрямось полавто-
воль вадря енов, бути минек шкань христианствась кеме-
мань те онкстамонть теевлизе эсензэ юрокс. Иоанн апо-
столось сермады: „Минь содатано: куломастонть ютынек
эрямос; тувталось – вечксынек братонок; братонь а веч-
кицясь ашти куломасо“ (1 Иоан. 3,14).

Закхеень эрямонть од лувонзо Иисус Христос евтызе
истямо валсо: „Течи сась идема те кудонтень“ (Лук. 19,9).

ИНЕ ПЕЖЕТЕНЬ ТЕИЦЯ

Кодамояк лия евтнема енов а моли ине пежетень теиця авадо евтнемась. Те лиссь фарисеенть Симононь кудосо (Лук. гл.7). Средневековой евтамось Лукасто тейсь художник. Ды, видеяк, сонзэ евтнемань лувозо чуросто вастневиця, чевте, ёлганя.

Фарисеесь тердизе Иисус Христосонь. Сон ульнесь истямо ломанькс, кона эсь прянзо ловсь вельть религиознойкс. Истямо ломанесь, нама, а юты Иисус Христос вакска. Сонензэ эряви кемекстамс Сондензэ эсь мелензэ. Секскак терди Иисусонь инжекс: столь экшсэ кода эряви ванносы Назаретстэ чудань теицянть. Симононь домка, кельме ежовчизэ минек а дивавты. Симон бажи те ломанденть содамо. Ансяк вана ярсамо шкасто кортамось сезеви. Панжовсь кенкшесь ды совась весе опшонть содавикс, прянзо а мазыйстэ ветиця ава. Сон ютавтызе вановтонзо кудопотмованть. Вана те вановтось лоткась Иисус Христосс. Авась рангозь прась Сонзэ пильгезэнзэ, мик сельведьсэ валнынзе. Авась нартнинзе сынст эсь прячерьсэнзэ. Мейле Сонзэ пильгензэ лангс валы тантейстэ качадыця мирна.

Сень кис, мекс Симон-фарисеесь ацирьгадсь тень кувалма, сонзэ сяддомс а сави. Косо кудоютконь важось? Кода сон нолдызе аванть тезэнь? Кода беряньстэ вети прянзо авась! Ды мезе мери Иисус Христос аванть истя прянзо ветямодо? Бути Сон улевель прококс, Сон содаволь: эйзэнзэ истямо авань токамось пацькасы...

Тесэ минь нетяно Иисусонь содыщякс, кода лездамс эрва кодамо чарькодема марто ломантненень. Неяви, Сон а яви мель авантень – ды теньсэ седеймарямозо.

Авась эсь рунгсонзо мари енонзо кучовт ламо сельмень пшти вановтт. Весе эйсэнзэ сяддыть.

Иисус Христос ливти аванть а ен тевстэнтъ. Сялды-цятнень мелест явовты Эстензэ ды корты: „Симон! Мон мезе-бути бажан евтамо теть“. – „Евтак, Тонавтыця“, – мерсь Симон (Лук. 7,40).

Ды тесэ Иисус Христос пачти сехте нурька евтамонзо: „Вейке ломань макссь долкс кавто ломаннень: вейкенень ветесядт динарийть, омбоцентень – ведьгемень. Пандомс тонатненень ульнесь а мейсэ. Сон простинзе кавонест. Евтак, сынст эйстэ кона седе пек карми вечкемензэ?“

Симон арси: эйкакшонь кевкстема! Покш казнесь сыргоди седе покш лембе вал, седе покш вечкема. Иисус Христос бажась текень марямскак. Симон, содат киде кортан? Мон кортан те авадонтъ ды тондетъ. Тон сяддат аванть прянь ветямонзо, теньсэ сяддат эсь прят. Кода Мон совинь кудозот сизезь, псидентъ чулксетиця пильгень марто, тон Монень эзить макст шлямопель, кона бу эряскавтовлимим. Те авась эсензэ койсэ топавтызе сень, мезентъ эзик тее тон. Монь эзимик вастт инжень вастомань паламосо. Лисни, Монень эрявсь мирямс сень марто, мекс авась палсесь пильгем. Тон эзик вадне ойсэ Монь прям; сон мирнасо ваднинзэ Монь пильгень. Монь пильгтненень авась эзизе жаля сень, мезентъ тон жалик Монь прянтень. Зярдэ совинь кудозот, седеезэть ульнесь ялатеке. Те авась вана невтизе, мезень тееме машты вечкемась. Сонзэ седеезэ пештызь шнамонь лембе валсо. Кадык авась тейсь аволь эрязасто, а видестэ. Мон ялатеке неян: сон соды Пазонтъ простиця вечкемадонзо. Сон те вечкеманть кисэ панды вечкемасо. Кинень ламо простязь, се ламо вечки. Кинень аламо простязь, кодамат тон, сень вечкемазо лавшо, се кельме-ежов...

Истя икеленек панжови тувтал чарькодемс, мезес тонавтсь Иисус. Тенень юрокс сайсынек сень, мезде сермадсть евангелистнэ.

Эсензэ паро койсэнзэ Иисус Христос эзь евта авантень вейкеяк вал. Ды макссь тензэ шка оймаомс. Иисус оймавтызе аванть. Кадык тона а машты валсо эсь ежомарямонзо евтамо, Сон аванть чарькодизе. Ды ансяк кортамонтъ прядовома малав Иисус Христос нурькине-стэ пшкадсь: „Нолдавить тонь пежететь“ (Лук.7,48).

Кода виень максыця, эряскавтыця роса, неть валтнэ прасть пайстомо аванть оймамонь а содыця седейс. Аванть седейс, кона талнозь аштесь пульзядо Сонзэ пильгензэ вакссо. Седе тов Сон поладсь: „Кемемат идинзеть; азе мир марто!“

Истя лембестэ, кода Иисус Христос ветясь прянзо ускуравица аванть марто, Сон корты Симон мартояк. Фарисеенть прянь кельмстэ ветямонтъ каршо Христос корты аволь ойме лембевтеме: Симон! Монь ули мезе теть евтамс, кунсолок покш мельсэ! Долкс совицятнеде таго кортамсто Христос мерсь: „Мекс сыненст а мейсэль пандомс, Сон простинзе сынст кавонест“. Марят-арась тень тон, Симон? Аволь ансяк вельть пежетев авантень, то-нетькак простявить седеень кежейчить, казямочить, сядомо бажамот. Мон тонеть тень а лецтяса!

Истя ломантнень марто вети прянзо Иисус Христос. Сон соды, кода кортамс лызыця аванть мартояк, эстензэ кемиця, эсь прянзо вечкиця фарисеенть мартояк, Сонзэ кедезэ эзь нурькалгадт сень эйстэ, мекс лездась тенень ды тонанень. Сон чарькоди аванть ды сонзэ сыргозтезь, сэретьксэв ежомарямонзо. Чарькоди кельме Симононь-гак.

Минь нетяно: Иисус Христос, ломантнень марязь-

чарькодезь, тевенть ветясь аволь вейке лувсо. Ойме ормасо весе сэрэдицятненень, конатнень марто Сон вастневсь, видестэ евтылизе ормаменьксэнть. Сон содыль: лавшомозенть ацирьгавтыль допрок а се, мезде арсесть тонань ялганзо. Никодимень Эстензэ Сон нолдызе веть. Сон лезды самарянка авантень лескс мельга тонанень пшкадезь. Сон эзинзе пане тетятнень – аватнень, конат кандызь Тензэ эсь эйкакшост. Сон муи шка лездамс ки чиресэ сокоронтень. Яви чевте лембе томбазь ойментень, кона бажась службамо кода Пазонтень, истя мамонанень. Синагогань прывтонть Иаирэнь кудос кинть лангсо Сонзэ ваксс эцевсь верь ормасо майсиця ава. Истя тееме седе пек кармавтызе сувов кемемась, аволь алкуксонь, кеме кемемась. Сон арсесь, ансяк токадьсы Сонзэ оршамкань пенть, сеск мени орманть эйстэ. Иисус эзизе илявто кемеманзо. Аванть эзизе кадо эйкакшонь кемемас, вети эйсензэ седе тов: „Бажак, ава! Кемемат идинзеть“. (Аволь святой оршамопель, аволь кодамо-бути кой, – кемемась.) „Азе мир марто!“ (Матф. 9,22).

ЛОМАНЕНЬ КУНЦИЦЯ

Иисус Христос свал вешнесь ды вешни ломань. Ансяк Сон зярдо як эзь бажа улеме вийсэ вечкевиксэкс. Сон види шумбра видьметь ды, кода сокиця, учи нуемань чинть (Мар. 4,3-20). Кода кувать савсь Сонензэ учомс, зярдо Никодим марто кортнемась макссь изнявкс! Сяупав од ломанентень Сон невтсь ки туемс. Тувталось – од церась эзь бажа пшкадеме ды оймензэ панжомо. Кие покш мельсэ ловносынзе вере лецтязь кортамотнень ды Иисус Христосонь вастовоматнень, се теи питней пан-

жовкс: Иисус Христосонь седейлембесэ малав весе кор-
тамонзо прядновить истямо кевкстемасо: „Мезе тонеть
эряви Монь пельде?“ (Мар. 10,51). Эли: „Тон Израилень
тонавтыця, ды теде, нать, а содат?“ (Иоан. 3,10). Эли:
„Ули-арась мелеть улемс шумбракс?“ (Иоан. 5,6). Сама-
рянка аванть евтазь валтнэяк молить кевкстема енов:
„Азе, тердик мирдеть!“ (Иоан. 4,16). Ды тосо, косо кевк-
стемазонзо явозель мель, тосо Сон евтыль Пазонь валт:
„Те Мон, Кона корты мартот“ (Иоан. 4:26). Никодим
марясь седе келей смустень вал, конадонть Мартин Лю-
тер мерсь истя: „Те Евангелиясо Евангелия“. Пазось
мирэнтъ истя вечки, натой Эсензэ Церанзо максызе.
Кадык Сонензэ эрва кемицясь а еми, кадык вечной ули
эрямозо“ (Иоан. 3,16).

Вифездань экшелямо таркасонть сэредицянтень Иисус
Христос казсь од эрямо. Тень пингстэ евтась истят валт:
„Вана тон шумбралгадыть; седе тов пежетьс иля совсе,
илязо лисе мартот мезе-бути седеяк берянь“ (Иоан. 5,14).

Вартимейнень Паро Кулясь гайгсь истя: „Кармат нее-
ме!“ Сюпав од ломанентень алтазель ине казне, кона-
стонть марявсь тердема: „Сак ды мольть Монь мельга!“
(Матф. 19,21). Тестэ минь нетяно казне ды тердема –
модемс Сонзэ мельга. Сонзэ казнесэнтъ кекшезь мерема:
теемс те казненъ эсетъ сюпавчикс.

Иисус Христос икеленек сти, кода оймень алкуксонь
ванстыця, превс путыця. Ломантнень марто весе сонзэ
кортнематне мольсть вейкине бажамодо: ломанентъ тер-
демс Пазонь Инязорксчис. Вана мекс Сонзэ мельга, весе-
ментъ стувтозь, мольсть ламот. Нама, ютксост ульнестъ
чуросто вастневиця кулянь вечкицяткак. Ансяк се, кие сы
Сонзэ тердеманзо лангс, се кемезэ: сон ули менстызь пе-
жетензэ эйтэ, свалшкас ули простязь, лисни, идезьяк.

Вельть мельстуицят Иисус Христосонь протнемань кортамонзо, конатнень пачтинзе Сонзэ тонавтницязо Иоанн. Неть кортамотнесэ Иисус Христос эсь прянзо аравты виноградонь чувто ваксс, конань лангсо Сонензэ кемицятне касыть, прок тарадт. Истямо ломанентень эрямость тееви „шождынекс“. Те лисни вана мекс: ломаненть весе салавань бажамонзо алтазь вейке тевс – эрямс Иисус марто кортнезь. „Монстемень мезеньгак тееме а машты“, – те корты а минек лавшочиденек. Мекевланк, минек вийденек. Пекстань таркасо евтазь Павел апостолонть валонзо те меленть пачтить седеяк домкасто: „Монь кемекстыця Иисус Христоссо монень тееви весемесь“ (Филип. 4,13). Те чарькодеманть смустезэ седеяк домкалгады, зярдю минь Ветхой Заветстэ ловнотано: „Бути мон натой туян куломань сулеень паксява, а пелян зыяндонть, тувталось – мартон Тон; Тонь жезлат ды Тонь мондат – сынь оймавтыть эйсэнь“ (Пс.22,4). Эли вана те евтавксось: „Иля пеле, Мон нолдынь чумот, меринь теть лемсэть, тон – Монь“ (Ис. 43,1).

Истя весе Библиясонть минь мукшнотано Иисус Христосонь. Вельмезесь сонсь панжинзе тонавтницянзо сельмест. Евтась тенст валт: „Весеметь, мезесь Мондень сермадозь Моисеень законсонть, пророктнесэ ды псалматнесэ, эряви топавтомс“. Мейле Лука полады: „Сестэ панжинзе превест Писаниянть чарькодемс“ (Лк. 24,44-45).

Вельмезенть марто эрямсто минек кемеманок лотки улемадо книгань религиакс. Кода беряньстэ содасамизь минек сеть, кить арсить: кундынек „букванть“ эйс. Иисус Христоснэнь кемтяно аволь ансяк секс, мекс Сон макссь тенек Святой Книга. Минь кемтяно Тензэ секс, мекс те книгасонть ды те книганть вельде мартонок вастневи

Иисус Христос. Мартонзо эрва вастовомась максы минек баславамо.

Евангелиясь тонавты эйсэнек Сонзэ марто кортнеме. Ды минь кортнетяно Сонзэ марто. Сонензэ, Пазонтъ тиринь Церанстэнь, максозь весемесь азоркстнемс лангсонок истя, кода Тензэ эряви. Ды те минек, Пазнэнь кемицятнень, теи уцяскав ломанькс.

Котоце главась

МЕЛЬС САМО

Евангелиянь ловныцянтень васняк эряви содамс: Иисус Христосонь виензэ эйсэть марямось – те аволь оймамонь юр. Виде, Сон алтни максомс ойменек туртов сэтьмечи (Матф. 11,28-29). Ансяк теде икеле терди: „Садо Монень ды ...тонавтнеде Монь пельде“.

Сонзэ валозо минек ойметнень сыргозти удомастонть, конантень ломанесь понгсь Пазонтъ эйстэ васоло улеманзо кувалма. Сонзэ валозо бажи сорновтомонок, эряскавтомонок. Секс минь марятано Сонзэ эрва кодат тердеманзо ды мереманзо: „Мольть Монь мельга!“ – „Саик эсетъ крестот!“ – „Витькстадо ды кемедэ Пазнэнь!“ ды ламо лият.

ПУПОРДЯВОМАНЬ КЕВ

Неть валтнэ кортыть седе, кодамо покш ильветькс нолтнить сеть, кить арсить: Иисус Христоссто мутано васняк чевте седей оймавтыця. Истямокс сонзэ невтсть барокконь шкань художниктне.

Иисус Христос миненек, кода Пазонь Вал, сы эрвачинь кевкстеманок лангс видечинь евтамо. Ансяк миненек Пазонь виде валонь кандозь, Сон теке шкастонтъ икеленек аравты од кевкстемат. Ды неть кевкстематнень лангс тенек эряви евтамс вал. Те тувталонтъ кувалма Петр апостолось Христоснэнь мери „пупордявомань кев“, конань вакска минь а ютавтано. Иисус Христос тееви эрямонок эли акалавтовикс юрокс, эли пупордявомань кевекс. Те кевенть эйс пупордявано ды томбавтано верьс (1Петр. 2,7-8).

Кода Христос карми эйзэнек совамо, миненек эряви содамс, кода Сонзэ марто ветямс прянок. Тесэ кортамось моли – кода Пазонь Церадонтъ. Сонзэ инечидензэ. Сень эйтэ, кода ломанесь арси Сондензэ, аштитъ прамкатне ды верев кузематне. Иуда пупордясь истя, лемезэ натой сюдомакс теевсь.

„Фарисей“ лемесь васня ульнесь шнамонь валокс. Иисус Христос марто вастовомадонтъ вельде сон теевсь сюдомакс. Ней эрвась лови эсь прянзо покордазекс, бути кияк лемдясы фарисейкс.

Зярдо-бути еврейтнень ютксто кой-кить верьга вайгельть пижнеть: „Сонзэ верезэ минек ды эйкакшонок лангсо“ (Матф. 27,25). Вейке поколениянь ютазь, те народонтень сась се, мезе сон вешсь. Иерусалиментъ каладомадо мейле Иудеянь сэрей таркатнева стявтнезельть кементь тыщат крестт. Валозель сетнень эйкакшост вер-

есткак, кие весень сельме икеле згилязь, пансь Иисус Христосонь.

Ялатеке Иисус Христоссо топавтовить ломанень сехте покш бажамотне. А лововияк, зяро сетнеде, кить кемить Иисус Христоснэнь. Сынст кармасть улеме эрямонь од ушоткост. Тенст максозь идемантень кемема, мезевтеме а эрси алкуксонь христианствась.

Языческой миссиянь эрямось меельцепелев кармасть ламо содамо седе, кода емиця народтнэ идезельть куломанть эйтэ. Те лиссь сеск, зярдэ ломантне теевсть содавиксэкс Евангелиянтъ марто ды саизь Иисус Христосонь.

Кить вастневсть Иисус Христос марто, сетненень максневи ташто кевкстема: „Вана мон течи тетъ максан эрямо ды парочи, кулома ды кеж“ (Втор.30,15). Ломанентень сави мезе-бути кочкамс. Ломанесь, паряк, сайсы Христосонь. Паряк, а сайсы Сонзэ. Колмоце мезеяк арась. Те вешемась а полавтневиця. Лисни, ломанесь Христосонь тонавтницякс карми улеме ансяк сестэ, зярдэ Иисусонь кочкасы эсь мельсэнзэ ды а кодаяк лиякс.

Кода свал, Христосонь саеме бажамось а эрси тюремавтомо. Христосонь Валозо токши эрямонок сехте эрявикс енкстнэнь: ойменек каладомась, пежетенек, религиянтъ а весе седейсэ вечкеманок. Секс Иисус Христос мельганзо молемантень мери „теине ки“, кона вети теине ортава. Те кись вети ламо стакачинь пачк. Прянь шныцясь зярдояк а ютасы сонзэ. Христосонь кись ломантненень а вельть вечкеви. Минек мельс тукшныть эсь прянок идемань эрва кодат лия китне. Секс те мирсэнть Евангелиясь зярдояк а ули вельть вечкевиксэкс. Теде тенек эряви содамс. Кие эскели мирэнтъ марто ды ансяк прянь невтемань кисэ яволявтни прянзо христанокс, се кенгелица. Те канды Пазнэнь а кемемадонтькак покш зыян.

ВАСЕНЦЕ ХРИСТИАНТНЭНЬ КЕМЕВТЕМАСТ

Од Заветэсь, кода неяви васенце христиантнэнь эрямостост, соды ансяк вейке ки: Христос марто эли Сонзэ каршо. А пежетевекс прянок ловомась а лезды тенек, кода теньс аволинек бажа. Тень ливтизе лангс Мартин Лютер Римлянтнэнень Кучоманть ды Галататнэнень Кучоманть ловномсто. Эсь прянтъ вадрякс тееме эрва снартомась – чаво валт. Теньсэ ульнесь фарисейтнень зыяност. Те канды зыян весенень, кие эсензэ паро тевсэ бажи Пазонтъ икеле прянзо ды шнамонь марямо. Иисус Христос корты: „Мон – ки, видечи, эрямо; Тетянень эрвась сы ансяк Монь вельде“ (Иоан. 14,6). Ды седе тов: „Мон – кенкш; кие сови Монь эзга, се идеви, сови, лиси ды парочи муи“ (Иоан. 10,9).

Вийсэ кияк а кармавтови Пазнэнь кемицякс улеме. Евангелиянь соборонтень совамо тарканть велькссэ сермадозь: „Сла фиде“. Тень чарькодемс эряви истя: „ансяк кеман“, ансяк аволь закононь ды лия тевсэ.

Кие мезеяк лангс апак вано велявтсь Иисус Христоснэнь, се а машты берянь тевень тееме. Тевтне сакшныть кемеманть мельга. Лиякс меремс, „тевтеме кемемась кулозь“.

Минек церькованть нужазо а сеньсэ, мекс эйсэнзэ аламо религиозной ломанть. А сеньсэ, мекс ламот велявтсть церьковантень копоре ендю, Сон вана мейсэ: седе ламо благочестивойтнень ютксто мукшнотано пек аламо верде чачозь христиант. Те валось кой-кинъ вельть ацирьгавты, кода якстере нула. Истямо тувталонтъ кувалма сынъ а марить видечинть, конань Иисус панжизе Никодимнень. Библиянь ине кельвалось, конасонтъ евтневи эрямонь весе енкстнэдэ, а кельгствяви кодамояк формулатнес-штамптнес.

Библиясонть сехте покш тарка свал явови зэментень, смустентень, аволь сенень, кодамо валсо сынъ евтазь. Истя, минь ловнотано: „Мурдасть течи тынк ойменк Ветицянтень ды Ванстыцянтень“ (1 Пет. 2,25). Те весе-месь се, мезе сермады Павел апостолось: „Ды Инязорксчис минек совавтыця Эсензэ Вечкевикс Церанзо“ (Кол.1,13). „Сетненень, конат Сонзэ саизь, Сонзэ лементень кемицятненень макссь азорксчи улемс Пазонь эйкакшокс“ (Иоан. 1,12). Галатнэненень Кучомастоонтъ минь ловнотано: „Эсензэ ине вечкемасонзо кулозьстэ Иисус Христосонь вельмемазо макссь тенек эрямонтень кемема“ (Пет. 1,3). Павел апостолось сермады: „Вечкевикссэнзэ сюпалгавтымизь минек“ (Еф.1,6).

Библиянь эрва ловныцянтень сонстензэ ловновить сеть валтнэ, конатнесэ евтазь Пазнэнь алкуксонь кемицянтъ тарказо. Нама, тесэ тевесь а евтамотнесэ – мельтнесэ. Сон вана истямо смустьсэ: Менелень Инязорксчис ломанесь а сови оймеежонзо аламонь-аламонь лиякстомтоманзо вельде. Лиякс аламонь-аламонь вадрялгадозь. Ломанентень эряви ютамс весе эрямонзо лиякстоматнень пачк, одов чачоманть пачк. Зярдояк ды ушодови витькстамось. Тагояк мерян: те эряви весе церковантень. Минек ютксо ламо религиознойть, ансяк аламо истят кемицят, кода веши Новой Заветэсь.

АСОДАМОСЬ – ПИРЯВКС

Минь таго кевкстнетяно: мекс Од Заветэнтъ тонавтомань покш смустесь чарькодевкшни аламонень? Вана мекс: ламо церковатне кода эряви яла а содыть Пазонтъ идемань мельтнеде. Церковав ламо якицят христианокс

эсь пряст ловить ансяк секс, мекс тетяст-аваст ульнесть христианокс. Сынь кемить: ули Паз. Зярдэ эрямозост каяви зыян, озныть. Сынь кемить тоначис. Ялатеке Пазонь эйкакшокс улеманть туртов те аламо.

Евтат истямо паро ойме христианонтень верде чачомадонть, идемантень кемемадонть, ды сон истя тандадозь варшты лангозонк, прок кежей сектант лангс. Теке шкастонть минек богословтнень книгасост натой глават алтазь верде пшкадемантень ды чачомантень. Лисни, тонавтомасонть, проповедьсэнтъ церьковась тейсь покш ильветькст. Минь, проповедниктне, тонадынек церьковав якицятненень пшкадеме истя: „Вечкевикс братт ды сазорт! „Теньсэ тешкстатано сынст кемемаст. Тень таркас эряви весеме ендэ чарькодевиксстэ невтемс идемань кинть. Невтемс, кода сынть теевить христианокс.

Нама, кемеманть теи ансяк Пазось – Эсензэ важовчисэнзэ. Ялатеке теньсэ Сон эйстэнек а теи вийтеме муркорть эли манекент. Пазось иди истя: ломанесь тееви Тензэ вельть кемицякс. Магометанинэнтъ кемемазо христианонь эйкакшонь кемеманть енов моли истя, кода чинть валгомазо чинть лисеманзо енов.

Мелявтовты вана мезесь: тосо, косо ломанентень панжови юр парсте топавтомс тешкстазэнтъ, – стякшны пирявкс. Оймень ятось сеетьстэ тошкси: бути минь пшкадтяно Христоснэнь, емавтсынек эрямосонок сеяк чуросто вастневица кенярксонок, кона ульнесь. Те моли студентэнь ташто моронь валтнэнь енов: „Сыречистэ минек карми улеме озноматненень ды постонтень ламо шканок“. Те – покш авидечи.

Ялатеке минь, христиантнэ, а пеняцицятано. Минек ули Библиянок, конань пельде тенек эряви тонавтнемс. Иисус Христос мерсь: „Монь кенярксом ули тынк эйсэ

ды тынк кенярксонк ули алкуксонь“ (Иоан.15,11). „Вешедэ ды тенк ули максозь, кадык кенярксонк ули алкуксонь“ (Иоан. 16,24). Павел апостолось куломань учозь сермадсь: „Кенярдодо свал Пазонтень; ды таго кортан: кенярдодо!“ (Фил. 4,4). Косо эрямонь авечкемась? Бути косяк кортави алкуксонь кенярксто, ансяк Библиясонть. Ломанесь теи ильветькс, бути арси: Христос мельга модемстэ емавтсы эрямонь кенярксонть. Мекевланк, сон муи кецямо. Кие бажи Христоссто тееме сумбура аскет, се допрок а содасы Сонзэ. Сон мерсь: „Мон сынъ вана мекс: улезэ эрямо, улезе склень“ (Иоан. 10,10). Кие домкасто тонавтни Христосонь, конань тенек невтизь евангелистнэ, се соды: Иисус Христоснэнь кемемась – те вейкине ки, конаванть молезь ломанесь мени сувов арсе-матнестэ, топавтсынзе бажамонзо.

ЗЫЯНОВ ПЕЛЕМА

Тесэ ломантнень икеле ашти кекшезь пирявкс. Тувталось аволь педэ=пев оймень панжомасо, вейкетьксчинть асатномасо. Бути лангозонок нежедить пелема эли виськс, минь бажатано сынст лепштямо. Тень таркас эряволь оймамс ды весементь кандомс Иисусонь пильгалов, мезеяк а сепомс. Бути совестенек ванькс ды верьга кандтанэ эсь прянок, сестэ эряви витькстамс: миненек эрявить Пазось ды Сонзэ простямозо.

Те се, мезесь миненек, ломантнень, маряви сехте стакакс.

Ломантне пелить улемс покордазекс. Секс кекшнить видечинть эйстэ. Каштанкчись, прянь верьга кандомась вельть сеетьстэ лепштить эрямосонок сехте паро ушотк-

стнэнь. Минь невтяно прянок апелицякс, виевекс. Бути тень лангс ваномс седе домкасто, лиси лангс: весемесь, мезе тейтяно, моли пелеманть эйстэ. Седе сеетьстэ те тейневи ойменек лавшочинть кувалма.

Мекс ломанесь пели куломадо? Седе сеетьстэ истямо тувталонь кувалма: сон сайсы шаршавонть кенгелеманок икельде. Минь пельтяно эрва кодамо покордамонть эйстэ вана мекс: тень вельде емавттано ойме нарденек, конань пельде ламо учотано ды кецятано корязонзо. Минь пельтяно ломантнень эйстэ секс, мекс сынь арсить минденек. Сеетьстэ пельтяно аволь ансяк ламо ломанде, натой сехте малавикс раськенек эйстэяк.

Эрва чинь эрямосонть лангозонок лепштить койтнень вийтне. Кудуютоксо ды важодема таркасо эрва кодат ламо сьулмавомадне кирдить минек. Лисни, эйстэнек олячисэ кияк а эри.

Кода тенек менемс весе неть тертнестэ? Тень пингстэ а мелявтомс седе, мезе мерить паро оянок? Кода теемс од ушоткс? Ламо ават мирдест вакссо марить эсь пряст ськамоэ эрицякс. Ламо церат марить: нист сынст а чарькодить. Мекс? Вана мекс: а сеть, а тонат а мукшныть аляксчи апак сепе кортнемс теде. Кодамо сьупав ды кенярксов улевель семиянь эрямось, бути эйсэнзэ вастневельть аволь ансяк эрвачинь мелявкст ды кецямот! Истя лисевель, бути мирдесь ды нись вейсэ вешневельть ды лововольть питнейкс Иисус Христоссо кекшезь оймеожонь питнейчинть. Лиякс меремс, весень минек некеть оймеожонь кевкстеманок ды апак топавто тевенек. Мекс оймень панжозь а кандомс сынст Иисус Христосонь пильгалов?

ПЕЖЕТЕНЬ ВЕЧКЕМА

Витькстамонтень ды Пазонтень знялдомантень кинть лангсо ашти лияяк умонь пирявкс. Кода мон ульнинь гимназистэкс, Пазонь законс тонавтыцясь весть максызе тень Блаженной Августинэнь „Исповеди“ киртязь изданиянтъ. Нолдазель немецень кельсэ. Сестэ покш мель явнынь историянтень. Книганть ловнынь домкасто арсець. Мон талнынь, зярдю книгастонтъ карминь содамо, кода Августин, эйкакшчистэ саезь, Пазонтъ икеле панжсь эсь эрямонзо. Сон сермады, кода карадо-каршо аштитъ оймеежонь марямось ды пежетнень нолдамонтъ коряс кемемантень бажамось. Августин энялдсь Пазонтень: „Нолдамак монь, Нишке Паз, пежетнень эйстэ, – ды сэтьме вайгельсэ поладыль, – ансяк а течи, Нишке Паз, – ванды“.

1500 иеде теде икеле, келейстэ седеень панжозь, ломанесь сермадсь эсь ежодонзо. Мерят, тень теизе исяк минек эйстэ вейкесь.

Берянесь вана мейсэ: эрва ломаньсэнтъ кекшезь пежетентень вечкема. Те вечкемадонть минь натой минстек витькстамодо пельтяно. Лиянень евтамодо кортамскак а мезть. Христос мерсь: „Пежетень эрва теицясь – пежетень уре“ (Иоан.8,34).

Витькстамосонзо Павел апостолось корты: „Содан, а эри эйсэнь, рунгсон, паро; монь эйсэ паронь арсема, ансяк бажамо сонзэ теемс а марян. Паронтъ, конансь бажан, а теян, берянентъ, кона монень а эряви, теян“ (Рим. 7,18-19).

Пежетьсэнтъ ули мезе-бути идемевсень. Сон минек эйс педи, кода пуль, кона яходеви. Те а весе. Пежетесь, кода чемень, пачкоди ломанентъ оймеежонзо сехте салавань таркатнес. Пежетесь эйсэнек колы, кода сехте стака

орма, кона мейсэяк а изняви. Пежетесь апак жаля манчи эйсэнек сестэяк, зярдо аштетьяно ознома кудосо ды озно-тано. Тесэ кияк мейсэяк а лезды тенек. Иисусто башка.

Христос кевкстни: „Бажат-арась улеме шумбракс?“ Минек каршо эрьва молемаь – те Сонзэ каршо молема. Секс Сонензэ пшкадеманок улезэ аволь эстенек паронь теемань тувталкс. Сон улезэ апак кекше бажамокс – пшамс Пазонть ды Сонзэ вийсэ изнямс пежетенть.

Кие моли Пазонть каршо, се сти Сонзэ мелензэ каршо. Пазонть седейс кинть тенек панжизе Иисус Христос. Секс бути ломанесь Сонзэ мезекскак а лови, сон эсь прынзо вети Пазонь судс. Кезэрень гимнатнестэ вейке-сэнтъ морави:

„Максык Сонензэ эсеть седееть

Секс, мекс Сонзэ тенень улить праванзо,

Сон Эсензэ эйстэ а пани пежетевтнень“.

Пазонть тердеманзо акунсолыцясь покорды Сонзэ. Ды а мезть дивсемс, бути ломанесь, кона а сы Пазонть марто вемельс, аволь ансяк колы оймеежонзо. Сон, теньс апак фатя, сеетьстэ стакалгавтни перьканзо эрицятнень уцяст-касткак. Пророконтъ кезэрень валозо виде течияк: „Нечестивойтненень арась мир, корты Пазось“ (Ис. 48,22).

ХРИСТИАНСТВАНТЬ ОПЫТЭЗЭ

Кодат пирявкст авольть уле, виев талноматне – Иисус Христоснэнь пшкадемаь ды эрямосонтъ од ушодксось – ялатеке топавтовикст, седеяк – вельть эрявикст.

Церькованть эрямонзо перть Пазось шкань-шкань кучныль сыргоземат, конат ульнестъ ломантненень проповедекс. Ансяк сайтяно кедезэнек духовной моронь

сборник, карматано содамо, зярд, кодамо шкасто ютавтозельть баславазь лиякстоматне ды сыргозематне. А пек умок жойнесь васенце морось: „Пазось – монь оргодема таркам, вельтямом, эрямом ды славам“. 100 иеде теде икеле нуцькатнень кемемаст печтясь ине цидярдома Колоньгемень иень войнасонть. Сехте вадря гимнатне, конатнесэ гайгевтсть куломсто вердень вийсэ оймень оймавтоманть, чачсть самай се шкастонть. Неть гимнатне евтнить кемемадонть, кона цидярды эрва кодат покш стакачить. 100 иеде теде икеле немецтнень модаст ланга ютась баславазь пиэтизма. Сонзэ виензэ натой нейгак мари Вюртенберг. Теде мейле кемень иень ютазь, зярдю прядовсь олякстомтыця войнась, Германиянь церькованть сась „кемемань тундо“. Вельть ламо ломанть, седеяк северной Германиясо, печтясть духовной од сыргозема. Те тагояк кемекстызе ды кемексты истямо меленть: эрва народонтень Пазонтъ улить башка баславамонзо. Сынъ саевить ансяк сестэ, зярдю минь Иисус Христосонь важовчинзэ вельде пшкадтяно Пазонтень.

Духовной сыргоземат эрсестъ аволь ансяк Германиясо. Сынъ ульнестъ лия мастортнэсэяк. Те свал ветясь улик койтнестэ Пазонтень пшкадеманть. Сеетъстэ эрси истя, кода Израилсэ судямонь читнестэ: „Ды зярдю весе те народось тусь эсь тетятненень (Иисус Навинэнь куломадо мейле), ды кепететсь сындест мейле лия народ, кона а содыль Паз ды сонзэ теვენзэ, конатнень Сон тейсь Израильнень“ (Суд. 2,10), сестэ сась кемеманть кельмемазо. Мезес вети кемемань кельмемась, Судиятнень Книгастонтъ минь мутано аволь аламо талновтыця примерт.

Иисус Христосонь Церьковась соды: сыргоземавтомантькак а сезеви идезень, верде чачозь Пазонь эйкакшонь поколениятнень рисьмесь. Арасель истямо шка,

зярдо Вельмезесь аволь иде ды идэзтнень аволинзе ветя Эсензэ Церьковас. Зярдо пежетьсэ кулозтне авольть велявто од эрямос.

Ней, зярдо сермадан неть строчкатнень, мелем-арсемам велявтсть колоньгемень иеде теде икеле ютазь шкантень. Студентэнь иеть, велень кудот, ломанде пештязь камерат ютыть духовной вановтонть икельга. Церат ды ават Пазнэнь акемемань пустынява сыльть Пазнэнь кемемань садонтень. Христос марто сынъ мусть мир. Ды мирэсь, кона ульнесь седейсэст, неявсь эрямостост, чачостост. Мон неинь, кода Христоснэнь пшкалестъ пупиця уське экшс пекстазтне. Вастнинь сыре ломанть, конат Христосонь муизь эрямост прядовомсто.

А ломанень маштыцятнень стака чумочист, а студентнэнь а оймиця обуцяст – мезеяк эзь стя Менельсэ Тетянтень ветиця кинть лангс. Менельсэ Тетясь Иисус Христосонь вайгельсэ мерсь: „Монень сыцянтъ а паньса“ (Иоан. 6,37).

Одов чачомань те тамашась каднови апак панжо. Тувталось вана мейсэ: киньгак арасть виензэ панжомс вере чачомань салавачинть.

Бути ули Христосонь Паро Кулянтъ видечиде кемевтема, сестэ те валсонть евтазь народонть талноманзо. Те народось лови Христосонь эсензэ Идицякс. Истят майсемат печтить аволь ансяк ломантне, конат кассть религиянь лувсо. Истя майсить сетькак, кить васолольть Пазонть эйстэ. Идемань кеняркось, конань печтить сынъ, весень мелест касты вейкетъстэ. Кие Евангелиянтъ пачти лиятненень, сенень неть талноматне седеяк вечкевить. Сынъ кармавтыть чарькодевиксстэ евтнеме Евангелиясонть сермадозденть. Сынъ тердитъ Христоснэнь ломантнень, кадык те натой грози минек олячинтень.

ВАЖОВЧИНТЬ КАЗНЕЗЭ

Пазонтень пшкадемасть а топавтови ломань вийсэ. А ломанень превень домкачись, а тонавтнемась, а озноматне. Кода Иисус Христос аволь нолда тевс церькованть, кода Эсензэ кедьенксонть, сон ялатеке каднови ансяк кедьенксокс. Писаниясь корты: „Тонавтнинк вана мезенть: „Господесь – те Паз. Сон теимизь минек. Минь – Сонзэтяно. Сонзэ народозо ды Сонзэ ревензэ“ (Пс.99,3).

Эрва пшкадемстэ марятано Сонзэ Валонть, Сонзэ виенть, кона токши ломанень седеенть. Секс верде чачозентень лия ки арась. Тенень кись ансяк Пазонь Валось ды эсенек седейс Сонзэ саемась, мезесь ломаненть кармавты пежеттензэ витъкстамо.

Иисус Христосонь эйстэ идемань ды лангс берянь тевтнень ливтиця виесь лиси Святой Духонь вельде. Те аволь ансяк поэтэнь евтамо. Гимнань авторось корты: „Монень мизолдыця чись – те Иисус Азором“. Ды седе тов: „Се, мезесь седеем пешти шнамосо, – валги менельстэ“.

Бути церьковась кемевти: крестс чавозь Иисус Христосонь виезэ идиця, сестэ сон виде ки лангсо. Крест лангсо минек идеманок ды нолдазь чумонок. Зярдэ Иисус Христос мерсь: „Топавтовсь!“ – алкукс топавтовсь пежетнеде Пазнэнь кемицянтъ пингеде-пингес оймень олякстомтомазо. Кемицянтъ те олякстомты аэрявикстэнтъ: „Бути бу...“ эли „вана ансяк“, те шкастонть совавты эйсэнзэ инязоронь эрямос. Вети од эрямос, конань тензэ теи Иисус Христос.

Весемесь те Пазонь важовчинть казнезэ. Лиякс меремс, миненек Сонзэ стяко максозь казнезэ.

КЕМЕМА

Кияк илязо арсе: Иисус Христоссо прянь идеманть туртов ломанентень эряви улемс религианть чарькодеме чачозекс. Тесэ кортамось моли аволь ломанень ерокчиденть. Кемемань эскелькстнэ теевить минек содамо-чивтемяк. Христос корты: „Бути кемеманк ули зерна-шка, весемесь тенк карми изнявомо“ (Матф. 17,20). Кемемась – те весеметь эстеть теемань бажамонть каршо молема. Ансяк сестэ, зярдэ ломанесь несы: сонзэ арасть виензэ идемс эсь прянзо, сестэ сон анок максомс тарка Пазонь важдемантень. Кемемась-те аволь эсь виеть эли вийтемечить онкстнема. Те – эстеть сень саема, мезе корты ды теи Пазось. Мартин Лютер мерсь: „Зяро минь кемтяно, зняро ули-паронокак“. Кемемс – те, лисни, кундама Пазонь алтамонть эйс. Те, лисни, саемс, амолямс, ярсамс седе, мезе максы Пазось. „Пазось бажи: весе ломантне идевлизь пряст ды содавлизь видечинть“ (1 Тим.2,4).

Тень а полавтсы икелепелев содамодо учениясь. Тосо, косо Библиясь корты икелепелев содамодо ды немадо, сон пексты ломанень каштанчинть, кона эсь идеманть толковамо бажи эсензэ паро мельтнесэ ды вадрясто тевтнень топавтомасо. Библиясь косяк а стявты пирявкст лытыця церантень, кона тошнакадсь чачома энксонзо кисэ. Христосонь церькованть ули тувталозо гайтевстэ евтнемс чачома кудос лытыця церанть велявтомань кидензэ. Пазонть эндо Иисус Христоссо ломанентень анок-стазь весемесь пингде-пингес сонзэ ванстоманть туртов.

Нама, ве ено а ашти искусителеськак, кона, чамасонзо паронь арсемань невтезь, корты: „Нама, тонеть эряви пашкадемс Пазонтень. Теевлить вельть а енсто, бути истя

рудаскавтозь оршамосо савлить Святой Пазонть икелев. Секс бажак витнемс-петнемс оршамопелеть!“ Те гайги пейдемакс. Ялатеке истямо мель ули нейгак. Теньстэ нетяно ансяк эсь прянь вечкема. Эйсэнзэ арась мель теевемс пейдема таркакс, арась мель витькстамс Пазонть икеле: „Вечкевикс Иисус, монь седеем а ванькс. Вансь-кавтомак монь...“

Ломанентень мезеяк а кадови, кода самс Иисуснэнь истямокс, кодамо сон ули. Шканть тарксемась ансяк стакалгавты теветень. Эряви кемемс Пазонтень, Кона машты поркснезь пельксстэ од кедьгень тееме.

Весть мон тюрьмасо содавтынь маштыця. Сон ульнесь католикекс. Кортнемстэнек сельведьсэ авардезь мерсь: „Мон теинь покштояк покш зыян. Ды весе эрямом перть карман витемензэ“. Сестэ тензэ лецтия Иисус Христосонь ды ловнынь пророконтъ вельть паро валонзо: „Сон весе керсезель минек пежетенек кисэ ды майсесь законь колсеманок кисэ; Сонзэ лангсо ульнесь минек сялдозь мирэсь ды сонзэ томбавкстнэсэ минь вельминек“ (Ис. 53,5). Пекстазесь эзимим чарькоде, хоть ломанесь сон ульнесь а берянь ды ломанентъ чавизе а кирдевикс ацирьгадомань пачк. Протестантнэнь марто кортнемстэ истямо тев марто сеетьстэ савкшны вастневемс.

Эсь чачоманок-касоманок коряс минь весе „католиктъ“. Бажатано паро тевсэ Пазонь важовчинть саеме. Ансяк вана те чарькодемась чачсь каштанкчисэнтъ, кона а саи казненць ды кады эстензэ тувтал меремс: „Тесэ ули моньгак таликам!“

МЕЗЕСТЭ УШОДОМС?

Бути кияк кевкстевель: „Мезе монень эряви теемс алкуксонь кемеманть улеманзо кисэ?“ Те ломанентень эряволь меремс: „Максык тень теемс Иисус Христоснэнь“.

Те допрок а моли верде евтазенть каршо, конасонть бажинь невтемс ды сыргозтемс идемань саеманть эли а саеманть кисэ валонь кирдема. Панжить Менель Врачонтень тонь салавань мелявкот ды иля туге Сонзэ лездыця кеденть эйстэ.

Авам вельть вечкиль цецят. Минь эринек ошсо. Эсенек пиренек арасель. Ялатеке минек кудопотмонь цецятне кассть мазыйстэ. Мекс? Вана мекс. Авам тевс лезэвстэ нолдылизе вальмазонок прыця чинь эрва чевенть. Ваннось цецятнень мельга.

Бути минь истя ванновлинек эсенек потмоенксонь ломаненть мельга, сестэ эйсэнек духовной од эрямось касоволь ды цветяволь. Иля кекшне чинть эйстэ, кодамокс ули Иисус Христос. Панжик седееть Сонзэ лембентень ды саик Сонзэ Валонть. Кадык Сонзэ Валось эйсэть теи сень, мезень тееме Сон кучозь.

Нама, Пазонь Валось миненек а свал сакшны, кода тундонь сэтьме пиземе. Сеетьстэ сон пачти минек берянь обуцянтъ лангсо Судто куля. Ков седе ванькс седейсэ сюконятано ды теевтяно сэтьмекс сонзэ меельце валонзо икеле, тов седеяк чарькодтяно: Сон простясамизь. Тесэ тевесь аволь оймеежотнесэ. Тесэ тевесь минек ежонок алкуксонь лиякстоматнесэ. Бути кортамс грамматикань кельсэ, несынек: Пазонь Валось пшкади тенек „перфектум“ формасонть. Сон канды тенек ансяк теезенть. Пазось вана мезе корты: „Иля пеле. Мон идитинь тонь, лемдитинь; тон – Монь“ (Ис. 43,1). Те – аволь умок ютазdentь

история. Те – Сонсь Пазось корты Эсензэ тевтнеде, конат пачкодсть минек читнес. Прядозесь – те неень шкансесь секс, мекс эсенек ендо сонзэ эйс мезеяк а путтано.

Дора Рапартонь гимнастонть валтнэ те видечинть пачтить истя: „Тон мезеньгак тееме а маштат. Сон теизе весементь, зярдо яволявтьсь: „Топавтовсь!“

Эно ульть Пазонь важов кунсолыцякс. Саик Сонзэ казненъ ды тонавтнек лембе валонь евтамо. Кадык Сонзэ валонзо „тон – Монь“ улевельть алтазь тонетькак.

МЕЗЕ МАКСЫ КЕМЕМАСЬ

Мезе максы истямо кемемась? Мон а кемевтян вана теньс: теде мейле моданть лангсо эйсэнек учи ине кеняркс. Те улевель эвдемонизмакс. (Эвдемонизмась – паро оймамосо эрямодо философской учения). Содазь, Иисус Христоснэнь кемицятнень учить ламо ильветькст ды тюрема, конадонть акемиця мирэсь мезеяк а соды.

Конрад Фердинанд Майер корты Мартин Лютердэ: „Сонзэ оймезэ ульнесь кавто пингень тюреманы паксякс. Ды мон а дивсян, мекс сон некшнесь идемевсть“. Седе виде улевель меремс: „Сонзэ оймезэ ульнесь кавто мирэнь тюреманы паксякс.“ Демонтнэнь каршо тюремадо содыть ансяк сеть, кить менсть сынст кедьстэ. Аволь сеть, кинь зярс сын кирдить. Иисус Христос эсензэ сехте меельце кортамотнесэ мерсь: „Бути тынь улевлиде те мирстэнтъ, сестэ мирэсь вечкевель эсензэнтъ. Ансяк мекс тынь а мирстэнтъ, Мон кочкидизь мирстэнтъ, секс тынк а вечки мирэсь (Иоан. 15,19).

Кие вийтеме поты пежетентъ икеле, се мезеяк а соды ойментъ ды рунгонть ютксо карадо-каршо аштемадонть.

Павел апостолось сермады: „Миненек покш седейрис-кссэ сави совамс Пазонтъ Инязоркчис“. Сон чарькоди аволь ансяк лепштямотнень ды панематнень, конат сетьстэ кайсевить Христосонь Церкованть лангс. Сон кирди мельсэ сеть ризнэматненьгак, конат кемицянтень сакшныть кежсэ аштиця те мирсэнтъ.

Кинь седейсэ Христос, се мари малавиксэнек рискс-энзэ. Христианонтень сави кирдемс сталмо ды вал, конат икеле сонзэ эзть талновто. Ней сон чарькоди Христосто евтазь валтнэнь: „Ламо ломанень неезь, Сон жалинзе сынст, мекс сынъ вийтемельть ды сравтнезельть прок реветь, конатнень арась ваньцяст“ (Матф.9,36).

Виде, кода священникесь ды левитэсь, ламот ютыть майсицянтъ, салазентъ, томбазентъ вакска. Ансяк христианось а истямо. Сон карми тееме истя, кода Тонавты-цязо, ломанень Вечкиця Самарянинэсь.

Христосто асодыця мирэсь истят тевть а соды. Ломантне ней, кода свал, кортыть истя: лескстэ пишти-цятнеде мелявтыть учрежденият. Ансяк кие карми сынст кирдеме?

Ды весементъ тень пингстэ кемицянтъ улить кенярдо-мань ламо тувталонзо. „Свал кенярдодо!“ – сермадсь Павел апостолось тюрьмасто. Кемиця ломанентъ улить ламо тувталонзо евтнемс лембе валт ды кецямс натой мелявксов шкастояк. Лембе валонь евтамось ломанентъ теи кенярдыцякс.

Минь вельть питнейкс ловтано Псалматнень ды, вас-няк, 102-центъ. Сон ушодови истя: „Баславик, ойдем монь, Пазонтъ, ды иля стувтне Сонзэ весе паро тевензэ. Сон прости закононь весе колсематнень, панси эйстэть весе орматнень; куломанть эйстэ вансты тонь эрямот, кази эйсэть седей лембесэнзэ ды сюпавчисэ; паросо

пешти тонь бажамот, кода орел, виевгавты тонь отксчить“.

Иисус Христоссто моли одолгадама, конанень минь мертяно „верде чачома“. Сон пачти эрямозонок смуть, конань икелепелев арсизе Пазось. Минек эрямонок таргавсь Пазонтъ пелев. Те миненек маряви вадрякс. Павел апостолось сермадсь: „Бути эрятано – Пазонтень эрятано, бути кулотано – Пазонтень кулотано. Ды секс, эрятано, эли кулотано, – минь свал Пазонь“ (Рим. 14,8). Минь – ансяк Сонзэ, теевинек Сонзэ рунгокс ды оймекс. Ды кециця седейсэ кортатано: „Тейть мартон – мезе мелеть“. Те тувталонтъ кувалма седейстэнек марятано оймамо.

Вана мекс, кода стака ормасто меницясь шны эсь лецицянзо, истя кемицяськак бажи Иисус Христосонь енов лиятненень невтеме. Ды корты гимнань валсо: „Тесэ се Церась, Кона машты лездамо ды Кона киненьгак мейсэяк эзь отказа“. Ули вельть вадря картина, конасонтъ рисовазь Иоанн Креститель: сон сурсо невтни крестс Чавозентъ лангс. Крестителентъ турванзо ваксс художникесь сермадынзе сонзэ валонзо: „Сонензэ эряви касомс, менень вишкалгадомс“ (Иоан. 3,30). Нетъ валтнэсэ евтазь Христосонь Церькованть смустезэ. Кодат стакачить аволь вастне Церьковась эсензэ кинть лангсто, сон эри Пазонтъ мелензэ коряс: „Мирсэнтъ васттадо седей-рискст; ялатеке уледе кемекс: Мон изния мирэнтъ“ (Иоан. 16,33).

Миненек максозь сэтьмечи, кадык натой мольтяно тюремань киява. Сэтьмечисэ эрятано Пазонтъ марто. Тюрема ветятано идемевсь марто.

Те главанть прядомсто ули мелем евтнемс мировой васенце войнань шкатнестэ вейке рискстэ-талномадо.

Эйтэнзэ монень евтнесь ве ялгам. Сон ульнесь а покш крейсэрсэ матросокс. Войнань васенце недлятнестэ крейсэрэнтъ ваявтызь. Весе кирнявтнестъ ведьс. Сонгак, зярдо мерезель, ертовсь бортонть велькса. Кирнявтсь, кадык ранязель копорьс. Салов иневедесь лоткавтызе верень молеманть. Церась кундась уйниця лазс ды эсь прынзо максызе морянтень. Вакссонзо, теке лазонтень кундазь, уйсь офицер. Кавонест ванность, бажастъ немецень торпедной венчень нееме, конатне идесызь зыянонь печтицятнень. Ансяк истя эзь лисе. Сынст неизъ аволь немецень, – англиянь крейсерстэ ды ертсть тенст идемань пикс.

Седе тов ялгам евтнесь вана мезде. Офицерэнтъ арасель мелезэ понгомс полонс ды нолдызе пиксэнтъ. Англичантнэ арсестъ: пиксэнтъ пезэ эзь пачкодть минек ваксс ды таго каизь сонзэ. Ялгам таго вакска нолдыксэлизе пикс пентъ. Ансяк зярдо пиксэсь ульнесь допрок маласонок, офицерэсь сеск пижакадсь: „Иван, кундык пиксэнтъ!“ Сон кундась пиксэнтень ды кенерепакардензэ верев тейсь килькш. Ноцковтызь... ды сельмензэ чополгадсть. Ежос сась английской хирургонь столь лангсо. Идезель.

Ялгат, те рисксэв талномась монень теевсь кемеманть вельде идемадо евтамокс. Миненек, пежетевтненень, эряви теемс ансяк вейке: кундамс!

ЛИЯКСТОМТОЗЬ ЛОМАНЬ

„Истя, кие Христоссо, се од эриця; кезэренсесь ютась, ней весемесь од“ (2 Кор. 5,17). Тесэ Павел апостолось корты сетнеде, кить кармасть Иисус Христоснэнь кемеме, сынъ „Христоссот“.

Ули меленек кевкстемс: „Павел, паряк, покшолгавтат? Паряк, миненек, христиантнэнэнь, а эряви капшамс ды а истя верьга вайгельть яволявтомс теде? Натъ, эрямонок седе мейле, кода карминек кемеме, неявиक्सстэ полавтовсь? Паряк, минь ансяк истя кецятано, кастнетяно меленек? Паряк, минь ансяк кеняркшнотано Пазонтень ды эсь оймавтозь совестентень?“

„Тынь кадновтадо истямокс, кодамокс ульниде“, – истя кортыть тенек те мирэнь ломантне. „Тынк идеманк – а мезеяк лия, кода тантей он“, – кортыть лиятне.

Паряк, кемицятнень эйстэ киньгак талновтыть истят кевкстематне. Седеяк пек сетнень, кинь идеманть кувалма кенярксось максызе тарканзо, кода мерить, „валдо арсемантень“.

КОДА МОНЕНЬ ТЕЕВЕМС СЕДЕ ПАРОКС?

Таго кевкстяно: мезе теевсь мартонок седе мейле, кода эрямонок эсь мельсэ максынек Иисус Христосонь Инязорксчинтень? Лоткась-арась лангозонок лепштямодо пежетенть идемевсень виесь? Те кевкстемась а шождыне. Кой-кить эйстэнек Иисус Христоснэнь пшкадсть

оймест ванськавтомантень бажазь. Минек свал эзь кадно кевкстема: „Кода монень теевемс седе вадрякс?“

Таго тешкстаса: вадря бажамотнесэ ацазь адс ветиця кись. Минекс – сюнокс менчевиця киськак монень а вечкеви. А мазый тев-одс ды одс секеть пежетнень марто сакшномс Иисус Христоснэнь. Монень, кода долкс свал совсиця церанень, пшкалемс тетянень: тетяй, пандыть апак арсе теезь долктнень!

Ней, нать, те улиак се кись, конаванть молема христиантнэнь? Ламот христиантнэ, кода а жаль, те кинть ловить вадрякс ды натой вейкинекс. Видеть-арась неть арсематне?

Се, мезе етяви ды эряви евтамс теде, чарькодеви ансяк сетненень, кие весе мелензэ яви Иисус Христоснэнь. Павел апостолось, зярдо сермадсь Коринфянтнэнь, мельсэнзэ кирдсь вана неть валтнэнь: „Сонзэ эйстэ тыньгак Иисус Христосотадо, Кона тенек кармась улеме Пазонтъ пельде ине превекс, видечикс, оймень ванськавтомакс“ (1 Кор.1:30). Весе меленек эряви явомс Иисус Христоснэнь. Кинень те маряви сокор кемемакс, се Христосонь зярс а содасы.

Ламо иеде теде икеле мон Рига чачома ошсон аштинь покойной пасторонтъ Оскар Шабертэнь кафедранзо экшсэ. Лангстонзо, сулика алдо, муинь Шабертэнь кедьсэ теезь сермадовкс. Вана сон: „Мон арсинь тынк кедьсэ улеме, Иисус Христосто башка, мездеак а содыцякс, тень пингстэ ансяк крестс чавозекс“ (1 Кор. 2,2). Валтнэ „Иисус Христосто башка“, лангс ваномс, невтить ансяк вейке енкс. Те вейке енкссонтъ – христианонтъ виезэ. Лиякс Павел апостолось куломадонзо икеле аволь мере: „Монень эрямось-Христос ды куломась – ули-паро“ (Фил. 1,21).

Иисус Христос – проповедень а амолявица лисьмапря. Сондензэ евтнить ламо тыщат кафедрасто. Минь апак сизе сонзэ гайгевтяно эсенек моротнесэ. Кие теде а соды, се мезеяк а саи Пазнэнь кемемастонть.

Парт валтнэ: „Иисус Христос лангс ванозь“ (Евр. 12,2). Ютавтозь сынъ гайгить истя: „Весеметь лиянтъ эйстэ сельменк саезь, ванодо Сонзэ лангс“. Лисни, а кодаткак мелявкст, а майсемат, а кецямот а васькавтыть седеенек ды меленек, кода Сон.

Весеметь тень миненек савсь таго тешкстамс вана мекс: эйсэнек лепштиця чопода вийтнестэ менеманть мари ансяк се, кие содасы Пазонть. Соды, мезе истямось: „Ды Мон свал тынк марто весе читнестэ – пингентъ прядовомс“ (Матф. 28,20). Тень смустезэ потмакстомо, зярдояк а прядови.

Школасо тонавтницякс календарьстэ ловнынъ истямо стихотворения: „Састо шашты минек енов сы шкась, налтто куроцксто ливтясь неень шкась ды пингедэ-пингес, апак сырксэ ашти ютазесь“. Те стихесь вельть талновтсь эйсэнь. Чарькодинь: сыця шкась сы састо. Минек вакска сельгень прамс юты неень шкась – теяк чарькодемезон пачкодиль. Ансяк вана пингедэ-пингес ве таркасо аштиця ютазесь натой сестэ тандавтнесь эйсэнь. Ульнесь тувталозо чумондомс монъ эсь мелем а полавтнеманть кисэ.

Седе мейле чарькодия Сень вечкеманзо, Конадонть Писаниясь корты: Сон „исякак, течияк ды пингедэ-пингес – Секе“ (Евр. 13,8). Сонзэ ды ансяк Сонзэ улить азорксчизэ ды виезэ полавтомс свалшкань аполавтневица ютазентъ менстямс минек ютазь шкань чумочистэнтъ ды нолдамс умонъ пежетенек.

Сонзэ кедьсэ вандынъ салавачись, минек эйстэ кек-

шезь шканть салавачись. Ансяк сави-арась Сон монь неень шканть Пазокс? Те улияк се кевкстемась, конань икеле аштетьяно. Те, меремс, секундань ансяк пелькске, кона превскак а саеви, кода куроксто сы шканть теи ютазь шкакс. Те „ней“ чарькодемасонть эрятанояк. Эйс-энзэ весе минек кецямонок ды рисксэнек-мелявксонок. Те „нейсэнтъ“ теевить эрямонок ине тевтне. Минек ней ули Иисус Христосонок – кода Идицянок. Минь эрятано Сонзэ марто ды кенярдозь кортатано: „Тон – мартон“. Весемесь те – минек баславамонь юр.

ХРИСТОС – ВАНЬКСЧИС СОВАВТЫЦЯНОК

Минек ули тувталонек апак пеле витькстамс: Иисус Христос – ваньксчис совавтыцянок. Те валось Писаниясо тевс нолдави кавто чарькодемасо. Эйсэнзэ евтави ланг-стонок чумочинь саемась. Лиякс, косо нолдазь пежетесь, тосо ломанентень Пазонть вечкемазояк. Павел апостолось вана кода сермады: „...шлинек, ойменек ванськав-тынек, менинек чумочистэнтъ минек Инязоронть Иисус Христосонь лемензэ вельде ды минек Пазонть Оймензэ вийсэ“ (1Кор. 6,11).

Улемс святойкс – те улемс Пазонькс, савомс ансяк Сонензэ.

Ялатеке освящениясь – те аволь ансяк казне, теке шкастонть те – Пазонь мерема. Павел апостолось сермады: „Пазонь бажамось-те тынк освящения“ (1 Фес. 4,3). Седеяк чарькодевиксстэ теде сермадозь Еврейтненень Кучомасонть: „Бажадо весемень марто улезэ ансяк ял-гаксчинк ды святостенк, конавтомо кияк а несы Иня-зоронть“ (Евр. 12,14).

Тесэ освящениясь чарькодеви кода оймень ваньксчисэ кунсолома, апак сепо витькстамо, пежетень изнямо.

Допрок а виде вана истямо чарькодемась: келя, нолдавить минек ташто чумочинек. Ванькс оймесэ кунсолома нь топавтомс эряви эстенек, эсенек вийсэ. Истят ильветькст нолдтнить сеть ломантне, конатнеде лецтнинек седе икеле: сынст эрямост полавтневи кенярксонь ды мелявтомань рисьмесэ. Бути видестэ кортамс, христианонтъ мезеяк а кирди апак кавтолдо евтнемс Павел апостолонтъ валонзо: Христос течи миненек освящения (1 Кор. 1,30).

Вана самай тесэ нолтнить ильветькст Пазнэнь ламо кемицятне, сень лангс апак вано, мекс сынь оймень панжозь, кувать ды ламо озныть: „Макст монень, Паз, вийть, кемекстык бажамом, баславамак монь...“ Минь венстятано кеденек, бажатано кемеманок вельде Сонзэ казнензэ саеме. Ансяк мейле ломанесь бажи ванстомс те казненць, Баславицянть эйстэ явозь. Меленек – улезэ, ансяк казненек а Казицянть. Минь копордатано эряскавтыця ведте ды учотано, зярдю таго коськи кургонок. Те – лисьмапранть вакссо свал улемань таркас.

Ламо христиант теить вана истят валтнэнь коряс: „Монь тердемак рисксэнть чистэ!“ (Пс. 49,15). Ансяк зярдю те рисксэсь сы, Иисус марто сынст сюлмавоматне лавшомить. Пазонь лесксэнтъ марязь, ломанесь сеетьстэ бажи улемс олячисэ, киньгак эйстэ а аштицякс. Ансяк те олячись канды веенст мелявкст. Минь бажатано Пазонтъ кедьстэ сюпавчинь саеме. Тень вельде ушодомо эсенек тев, конань лангс Пазонтъ арась кодамояк правазо. Истямо кись, кода свал, ковгак а вети.

Эсензэ тонавтницянзо марто ютавтозь меельце чокшнестэнтъ Иисус Христос пачтясь тенст виноградонь та-

радто евтамо: „Мон виде-паро виноградонь Тарад. Тетям – виноградонь кастыця. Лезэнь а кандыця Монь эрва тарадонть Сон кери. Эрва лезэв тарадонть Сон ванскавты: кадык канды седе покш лезэ“. Ды седе тов: „Тынь ванскавтозтядо се валонть вельде, конань тенк евтыя Мон. Уледе Монь эйсэ, Монгак улян тынк эйсэ. Кода тарадось сонсь а максы лезэ, бути сон явозь виноградонь чувтонть эйстэ, истя тыньгак а макстадо лезэ, бути в карматадо улеме Монь эйсэ. Мон – виноградонь чувто, тынь-тарадт. Кие эри Монь эйсэ, Мон – сонзэ эйсэ, се максы ламо виноградт. Лиякс, Монстемень тензэ а тееви мезе-як. Кие а эри Монь эйсэ, се пры, кода тарад, каить толс истят тарадтнэнь, ды сынь палыть“ (Иоан. 151-6).

Седе чарькодевиксстэ, кода неть валтнэсэ, а евтави видечись, конадонть мольсь кортамось те главанть ушотксонзо. Весе минь аштетяно Иисус Христосонь эйстэ. Кортамось моли аволь ломантнень юткс Сонзэ якамотнеде, аволь миненек Сонзэ лезэденть. Кортамось моли эрямонь сюлмавоматнеде. Сеть сюлмавоматнеде, конат свал Иисус Христосонь ды Сонзэ тонавтницянзо ютксо. Сынь пингде-пингес алтазь вейкест-вейкест туртов. Тонавтницятнень эрямост сюпалгады Сонзэ эрямосто. Ды мезе сынь иляст тее, те топавтови аволь эрязачист кувалма. Сынь – ансяк се, мезесь кассь виноград чувтонть лангсо. Сынь – ансяк тарадт. Теньсэ минек эрявиксчинеке ды виенек. Сонзэ эйсэ ули весемесь, мезе тенек эряви. Ансяк весемесь ашти сень эйстэ, кодамо кемемань вийсэ вейсэндязтяно Сонзэ марто.

Баславамось веши секень, мезенть витъкстамоськак: ансяк Пазнэнь кемема! Кие арси эсь оймензэ, перть пельксэнтэ ды Пазонть одолгавтомо ансяк эсь вийсэнзэ, се теи покш ильветькс. Ансяк потмоежонь сэретьксэнтэ трокс ломанесь пачкодеви те содамочинтень.

ОДОЛГАВТОЗЬ ЭРЯМО

Христианонть улить тувталонзо кортамс: Иисус Христоссо ванстовить пежетень сьолмавомаатнень изнямось виень весе лисьмапратне. Ломантнень ютксо кемекстави вана истямо мель: паро ломань марто сьолмавомаатне вад-рялгавтыть лиятнень. Христос марто сьолмавомаатне ломаненьт вадрялгавтыть седеяк ламоксть.

Зяро апаро кирдить ломантне эсест мельсэ ламо те-вень кирдеманть кувалма! А стувтнить ютазенть, конань бажить стувтомонзо. Тень кувалма, минек, христиант-нэнь, ули тувталонок шнамс эсь прынок. Христосто арсе-мась, Сонзэ эйсэ улемась ванськаваты минек седейежо-нок, вансты эйсэнзэ. Минь содатано: Сонзэ ваньксчинзэ каршо а молеви мезеяк а ванькс.

Целлерэнь духовной гимнасонть улить истят валт: „Тонь валонть сэтьме виезэ, кона полавты ломаненьт, кемексты седеенть ды обуцянть“.

Тосо, косо Иисус Христоснэнь мерезь ветямс ломанень эрямонть, тосо Сон сыргозти од мельть-бажамот, од койть, од арсемат.

Лиясто ломанесь корты: „Мекс монень эряви сеетьстэ якамс церьковав? Теде башка якамс Валонть тонавтне-ме? Монь арасть ютко чокшнень, шкам арась...“ Ды истямо ломаненьт эрямос сови Иисус Христос – кода Инязор. Сеск муеви шка Валонть тонавтнемскак, промксов якам-скак.

Тосо, косо чачи эриця кемема, идиця кемема, тосо полавтовить мирэнт лангс вановтнэ, весе перть пельк-сэнт лангс вановтнэ.

Видестэ касыця-эриця христианонть арась шказо веч-кезь ванномс эсь прынзо лангс. Сялдомс лиятнень ды

шнамс эсь прянтъ – тевесь а минек. Бути минь содавли-
нек, кодамо майсема марто савкшны вастневемс винадо
икелень симницянтень натой Идицянтъ кедте кирдем-
стэяк, сестэ сонзэ сядловлинек седе а пек. Кода сеетьстэ
минь а кемтяно ютазь шкань зыянонь теицянтъ валозон-
зо. Тувталось – сон таго тейсь ильветькс ды совась ташто
пежетезэнзэ. Илядо капша сяддомонзо! Кадык Пазось
топавтсы тевензэ пестэ пев.

Вестъ Пазнэнь кемицянь промкссо минь кортнинек
вана мезде: машты-арась христианось эсь нравственной
касоманзо нееме? Пазонь шержей прячерь цера мерсь:
„Ниленьгемень иень перть важдян Идициям туртов.
Эрян оскстнэнь лувсо ды Сонзэ марто кортамотненъ вий-
сэ. Весе неть ниленьгемень иетне ютасть а стяко. Ялате-
ке витъкстан: аздан, теевинь – арась седе вадрякс? Вей-
кентень кеман: ним редизе тень“.

Христианонь эрямосонтъ Пазось Сонсь аноксты лома-
нентъ, кона важди вечкемантень ды вечкезь, мари мала-
виксэнзэ икеле долконзо. Апостолтнэ тень марильть
истя, – Павел апостолонтень натой савсь сермадомс:
„Мон должонан еллингтнэненъ ды варвартнэнэнь, домка
прев ломантненень ды вельть аламо содыцятненень“
(Рим. 1,14).

Тесэ кортамось моли вана мезде: христианось машты
эрямо натой эсь прянзо стувтозь. Тень пингстэ сеетьстэ
арсетяно: те вечкеманть икеле сэрэй пирявксокс аштить
нузякчись, эсь прянь шнамось. Писаниясь корты: „Вей-
кенк-вейкенк вечкемадо башка, долкс киненьгак илядо
кадновт; эдь лиянь вечкицясь топавтызе закононтъ“
(Рим. 13,8). Теде корты Иисус Христос Пандо лангонь
Эсензэ ине тонавтомасонзо. Павел апостолось евтни теде
эсензэ „Вечкемань моросонзо“, кода лемдить 1 Кор. 13-це

главанть. Теде минь ловнотано Павел апостолонть малав весе кучоматнестэ, Петрань ды Иоаннонь сермадовкстнэстэ. Бажамозо истямо: паронь теезь минь пекставлинек превтеме ломантнень кургост (1 Пет. 2,15). Иоанн сермады „Карматано вечкеме Сонзэ секс, мекс Сон васенцекс кармась минек вечкеме“ (1 Ин. 4,19).

Ды ули меленек таго меремс: „Тон мекс кочкимик монь?“ Тень каршо ептави ансяк вейке: вечкема. Вана мекс христианонть эрямонь од лувозояк моли Святой Духонь умарень кастома енов: вечкема, кеняркс, мир, кувать стакачинь кирдема, седеймарямо, кемема, сэть мечи, эсь прянь кирдеме маштома.

ИКЕЛЕВ ВАНОЗЬ ЭРЯМОНЬ ТОНАВТНЕМАСЬ

Иисус Христос мельга молицятне апак учо кармить содамо: ков седе неявить Святой Духонь умартне эрямосот, тов седе парсте сынь чарькодить эсь асатыксэст. Мезе-бути истямо мари эйкакшось. Тиринь авань паламонтъ кувалма вишкине „пежетевесь“ витъксты седеяк домкасто. Истя а эрси сонзэ мурнемстэ. Косо ломанесь, эсь седеензэ панжозь, суюкони Пазонть икеле ды витъксты тензэ а видестэ максозь парочидентъ – тосо икелензэ седеяк келейстэ панжовить ламолгадыця парочинтень кенкштне. Теньстэ неяви одс чачозь христианось.

Кие маризе Пазонь лезэнтъ, изнинзе апаро койтнень ды карми покшкавтнеме, се а видестэ нолдынзе „эсь часонзо налнэтнень“. Кие емавтсы кемемань эсь аляксчинзэ, каяви нусмалгадоматнес, се зярс беряньстэ содасы Идицянтъ. Эсь пежетнеде содамочинть ламолгадомась вети Пазонть пародонзо содамочинь ламолгадомантень.

Те моли вейке кедьгестэ омбоце кедьгес веденть пачтяво-мадо физикань законотъ енов. Бути вейке кедьгесэнтъ ведесь кепети, сестэ лия кедьгесэнтъкак кепедеви истямонь сэръ. Истя лисни вана мекс: кедьгетне педявтозь вейкест-вейкест эйс.

Тесэ вельть эряви аволь ансяк церькованть содамочи-зэ, эряви Библиянтъ кемевтемазояк. Павел апостолось сермады: „Монень, апостолтнэнь эйстэ сехте вишкинентень, эсь прям а кода лемдямс апостолокс. Тувталось – панинь Пазонь церькованть. Ялатеке Пазонтъ Парокс ули се, мезесь ули. Ды Сонзэ парозо эйсэнь эзь ульне стяконь тевекс; сынст эйстэ весеметнестэ пек важдодинь. Бульчом, а мон, – Пазонтъ парозо, кона мартон“ (1 Кор. 15,9-10).

Колмо иень ютазь Павел апостолось Римсэ тюрьмасто пачти кучома малоазиятонь церьковатненень, Кучома Ефесянтнэненень. Те пачтямосонтъ сон сермады: „...Конанень служицякс теевинь мон Пазонтъ паро бажамонзо коряс, Сонзэ виензэ вельде, конань максызе монень. Монень, святойтнэнь эйстэ сехте вишкинентень, максозь те парось – пачтямс сонзэ язычниктнэненень. Те виесь а ютавикс, а чалксевикс, те сюпавчись Христосонь“ (Еф. 3,7-8). Кода икеле Павел апостолось эсь прянзо ловсь апостолтнэстэ сехте вишкинекс, истя зярыя иень ютазь прянзо ловсь весе святойтнэнь ютксто сехте вишкинекс. Лиякс – Пазнэнь кемицятнэнь эйстэ сехте вишкинекс.

Теевсь-арась те шкастонть Павел апостолонтъ оймес-энзэ беряньгадама? Арась, эзь теевть! Ансяк вана неть колмо иетне пештязельть аволь мода лангонь вийде, – весемеде верев кепедезь Инязоронтъ пародояк паро тевсэнзэ.

Пазонтъ инечинзэ чарькодемась лездась Павел апостолонтень эсь прянзо марямс вельть вишкинекс. Сонзэ

меельце кучоматнестэ вейкесэнтъ – Тимофейнень Кучо-масонтъ – те мелезэ седеяк домкалгады. Апостолось сермады: „Виде ды эрва ендо шनावикс вана теде валось: Иисус Христос мирэнтень сась пежетевтнень идеме, конатнестэ мон васенцесь. Мон простязян вана мекс: Иисус Христос невтизе эйсэнь эсензэ весе кувака цидяр-доманзо. Сон тонавтсь сетнень, кить Тензэ кармить кеме-ме пингде-пингес“ (1 Тим. 1,15-16).

Истят изнявкстнэде ды баславамотнеде мейле, конатнень виест сравтовь сядот иетнева ды пачкодсть минек шкас, Иисус Христосонь те миссионерэсь панжи оймензэ: пежетев ломантнестэ мон – васенцесь. Тесэ лия ломанесь прязояк лыкавтсы. Пазнэнь христианской кеме-мань ятнэ истямо шкасто прят невтить паронь арсиця „актерокс“. Ялатеке стяконь тев: Павел апостолонтъ кучоматнесэ максозь вельть виде питне эсь прянь ветя-монтень. Каршонзо молицятнень икеле сон невти прязо эстензэ питнень содазь. Кортамонзо васолот верьга вайгельть евтазь валсюлмавкстнэстэ, кода чилисемась васоло чивалгоманть эйтэ. Апостолось ашти рунгонь истямо невтевкссэ, конадонтъ Ернст Мориц Арндт мерсь: „Ломантнень икеле – орел, Пазонтъ икеле-сукс. Истя кеме-стэ аштят тон эрямонь даволсонть“.

Кие а машты ве енов аксунксчинзэ ертомо, сенень а кода топавтомс Пазнэнь важдематнень. Кинь лангсо ашти авидечинь тешкс, сенень эряви самс видечинь судс.

Братской вейсэндявксонь гимнатнестэ вейкесэнтъ улить истят валт:

„Видечинть икеле мон вишкинедеяк вишкинян,
Конань Тон кочкик Эстетъ, вечкевикс Идиця.
Ды се, мезе Тон теят –
Те седейлембесэ ломанень вечкема“.

Кода неяви, Пазнэнь кемиця ломаненть оймевиезэ истямо, акемицянтъ – допрок лия. Эсензэ лавшочидензэ течи сон соды икелень коряс седе ламо, седе домкасто. Сон а сы ве мельс шождасто кемиця идеалистнэнь марто. Ансяк сон соды Иисус Христосонь изнявкстонзо. Сон соды Святой Духтонтькак, кона казезь кемицянтень, кода Ветницядо ды Превс путыцядо. Сон соды: Святой Духось ломаненть покш. Теде корты Римлянтнэнь Кучомань весе 8-це главась. „Тынь эрятадо аволь рунгоежосо, – оймеежосо, бути ансяк Пазонь Оймеежось эри эйсэнк. Кинь эйсэ арась Христосонь оймеежозо, се а Сонзэ“ (Рим.8,9). Миненек а кода идемс эсь прянок истямо валсо: „Ну, мезе? Мон – ансяк ломанян...“

Пежетьс ды кежс совавтозь ломаненть а эряви сялдомс певтеме. Истямо жалямось а лади идезь ломанентень, Пазонь ломанентень (1 Тим. 6,11).

Нама, минь, христиантнэ, вийтеме ломанть. Минь чувтонть лангсо ансяк тарадт, ансяк сюпав Тетянь церат, эсенек ули-паровтомо. Кода курооксто минь нолдасынек Сень кедензэ, Кие ули эрямонок кемечикс (Пс. 26,1), минь лия ломаненть эйстэ мейсэяк а седе вадрытано.

Ильведевкшнить сеть христиантнэ, кить Иисус Христос марто сюлмавомаатнень арсить полавтомоост христианской моральсэ ды обуцятнесэ. Те тувталось невти: сынст эрямонь улавост моли рельса ланга. Истямо шкасто христиантнэнь эрямосост эрсить вельть зыянов карадо-каршо молемаат. Ды сестэ мик мирской ломантне тандадозь кевкстнить: кода те лиссь?

Ломаненть эрямосо лисни эрва мезе. Истя эрси Пазнэнь кемицянтъ мартояк, бути сонзэ кедезэ а ашти Инязоронть кедьсэ. Секс Иисус Христос тонавты: „Эряскаледи!“ (Мар. 13,37). Павел апостолось корты: „Ды секс, кие

арси: сон ашти стядо, вант, кода аволить пра“ (1 Кор. 10,12).

КЕМЕМАНТЬ ВАЖОДЕМАЗО

Иисус Христоснэнь кемицянть арась этической тюрема. Ули ансяк Пазнэнь кемемань тюрема. Сонзэ эрямосо весе тюремась сави вейке лувс. Ды теи эрямонзо чарькодевиксэкс. Весемесь алтазь вейкине бажамос: „Вейкеде энялдан Пазонтъ икеле, ансяк сень вешнян, штобу эрямс тень Инязоронь кудосо весе эрямом чинзэ перть, неемс Пазонь теевть мазычинть ды якамс Сонзэ храмс“ (Пс. 26,4). Те а корты эрямонь весе кеняркстнэнь эйстэ туемадо. Ялатеке невти: Пазонь ломанентень арась мезеяк седе эрявикс, кода Пазонтъ марто кортамось. Мартин Лютер эсензэ комментариятнесэ вейс савты кемень заповедть. Васенце заповедентъ евтни истямо валсо: „Сехте пек пелемс тенек эряви Пазонтъ эйстэ, вечкемс Сонзэ ды кемемс Тензэ“. Сонензэ весе заповедтне совавтовить вейкес: „Пелемс Паздонть ды вечкемс“. Ансяк те пелемась – аволь урень пелема. Те – вечкемасто лисиця пелема: кода бу а покордамс сень, кинь вечкат?

Блаженной Августин корты: „Вечк Пазонтъ ды тейть, мезе мелеть!“ Тень эряви чарькодемс Христосонь сехте покш заповедензэ валтнэнь смустьсэ: „Вечкик эсеть Инязор Пазот весе седейсэть, весе оймесэть ды весе превсэть“. Ды седе тов: „Те – васенце ды сехте покш заповедь; омбоцесь сонзэ кондямо: „Вечкик эсеть малавиксэть, эсь прят; неть кавто заповедтнень лангс нежеди весе законсь ды пророктне“ (Матф. 22,37-40).

Кие истя карми Иисус Христосонь вечкеме, сенень

оймензэ ваньксчинть покшолгавтомась стакакс маря-
вомо а карми. Сыргози вейке бажамо: улемс Пазонть
марто.

Минь сеетьстэ шождасто евтнетяно вейке каравто-
ма: ульть эсь прят лангсо азоркс! Эряви мекевланк, вана
мезе: кадык Пазось сайсамизь Эсензэ кедьс.

Иоанн Рамбах эсензэ гимнатнестэ вейкесэнтъ тень
евтызе истя: „Ульть азоркс монь седейсэм, пелемасом,
вечкемасом, майсемасом. Мерть монень марямс Тонь ван-
стомат танстензэ седейсэнь Тонеть кемемань кирдезь“.

Пазнэнь эрва кемицянтень акунсолломась лиси аке-
мемастонть. Секс акунсолломась простяви ансяк Пазнэнь
кемеманть вельде. Пазнэнь кемицясь арси: эсь вийсэнзэ
а изнявить эсензэ эйсэ уликс кежесь ды пежетесь. Теке
шкастонть сон вельть кеми: Иисус Христоссо сонзэ ал-
куксонь изнявксозо. Вана мекс христианонтень свал эря-
ви ванномс сень мельга, кодамо ваньксчис пачкодинек
минь. Тесэ виде валось: „Ванномс покшпрявтонть ды
Пазнэнь кемемань топавтыцянтъ, Иисусонь лангс...“
(Евр. 12,2). Сон сайсь мель топавтомс сетнень бажамо-
ст, кие кеми Тензэ. Те кемемасонть ятось минек а кавтол-
довтсамизь. Кадык сеетьстэ тошки пилезэнек: „Тон ме-
зекскак а маштоват... Тон ульнить, улят ды кадоват пеже-
тевекс...“ Минь кемезь кортатано каршо: „Виде, те истя.
Ялатеке мон – Инязоронь эйде. Кадык Пазось лиясто
кадносамизь нурька шкас. Сельмезэ ялатеке неи эйсэ-
нек. Эсензэ ине превень валдосонзо Сон парсте неи, косо
тенек канды зыян каштанксчинек ды эсь прянок шна-
мось. Сон соды, кода тенек невтемс ильветьксэнек, кода
велявтомтано Эсензэ пильге икелев. Пазось соды, кода
Эсь эйкакшонзо пульзявтомс кумажа лангс“.

Эсь лавшочинть кувалма од мелявксстонть чачи

Сонзэ вийтнес од кемема. Пазсонть кенярксось – минек виенек. Те минек изнямось знамянок, конань христиант-нэнень эряви кирдемс вере. Мелявтыця кемицянтъ ятон-тень седе шожда ветямс оймень прамос. Кие ваны эсензэ пежетензэ эйс, се сонсь пири Иисус Христосонь вийтнес кемемантень кинть. Эсь прянтъ кувалма лайшематне ды эсь лавшочинть кувалма вайкстнематне ансяк мешить евтамс лембе вал Пазонтень. Вал, конань Сонензэ эряви евтамс.

Лембе валонь евтамось – идезтнень неявикс оймеенк-сост. Сонстемезэ явовтано христианстванть эйстэ. Павел апостолось лембе валонь а евтамостонтъ неи эрва пежетентъ коренонзо. Римлянтнэнень сон сермады: „Ко-да сынъ, Пазонтъ содазь, эзизь шна Сонзэ, кода Пазонтъ, ды эзь евта лембе валт, ансяк невтнестъ эсь превейчист, ды чополгадсь смустеме сынст седеест...“ (Рим. 1,21). Апак иде ломанентень лембе валонь евтамось – те чумочи, идезь христианонтень – седеяк покш чумочи.

Кода Иисус Христос вестъ идесь стака ормасо сэре-диця 10 ломанть, ансяк вейкесь эйстэст велявтсь лембе валонь евтамо. Зярдю кемезевсь: менсь орманть эйстэ, сон верьга вайгельть шнась Пазонтъ. Пульзядо прась Иисус Христосонь пильгс ды евтась Тензэ ойме валт. Иисус Христос кевкстизе дивазь: „Нать, а камень вансь-кадсть? ...“ Кода сынъ эзь са Пазонтень лембе валонь евтамо, те лия раськенседентъ башка? Ды мерсь тензэ: стьяк, азе, кемемась идинзеть (Лук.17,17-19).

Тень эйстэ чарькодеви, лия вейксэтненень баславамо а ули. Тувталось – лембе валонь а евтамось. Бути христи-анось бажи Пазнэнь кемезь эрямосонтъ теемс изнявкст, тензэ эряви улемс седеймарицякс, лембе валонь евты-цякс. „Кие максы каявксокс шнамо, се вечки Эйсэнь, ды

кие ваны эсь кинзэ мельга, сенень максан Мон Пазонь идема“ (Пс. 49,23).

Кие христианской кемеманть ванны, кода эсь прынзо вадрылгавтомантень кинть, сень натой ушотксозояк а виде. Тувталось – сон эсь прынзо аравты сехте куншка таркас се шкастонть, зярдэ эзь мене каштанксчинть эйстэ. Паро ломанень оршамопельсэ кекшни прынзо вадрякс тейнеманзо.

Минек „мон“ каштанксчинь валонтень эряви валгомс сэрэй, азорксчинь таркастонть, конасонть сон истя кувать азоркстнесь лангсонок. Минь баслававтано вана мекс: маштовлинек Сонензэ важдеме. Тень туртов миненек казезь Святой Духось, кона чачозь верде ды теи эйсэнек Пазонь эйдекс. Ансяк те а весе. Сон максы тенек идеманть кемема, аноксты эйсэнек Пазонтень важдеме.

Кемицянть эряви кунсоломс Святой Духонь кемев-теманть, а модемс Сонзэ терявтнеманзо каршо, кирдемс мельсэ святойкс улеманзо. Од Заветсэнтэ а эряви явомс праздникенъ читнень важдема читнень эйстэ, Пазнэнь святой озноманть – важдема чинь озноманть эйстэ. А эряви явомс святой ды а святой шкатнень, таркатнень, оршамопельтнень. „Истя, ярстадо, симтядо, эли лия мезеяк тейтядо, весементь тееде Пазонтэ шнамга“ (1 Кор. 10,31). „Ды весементь, мезе тынь топавтадо валсо эли тевсэ, тееде Иисус Христос Инязоронтэ лемс. Сонзэ вельде шнадо Пазонтэ ды Тетянтэ“ (Кол. 3,17). Святой Духось чачты од ломань сонзэ од эрямосонзо. Христос мерсь: „Святой Духось тынк аравтадызь эрва кодамо видечис“ (Иоан.16,13). Святой Духонтэ вельде Христос вети эйсэнек идемас.

Кавксоце главась

ЛОМАНТНЕ ПАРО КЕКШЕМА ТАРКАСО

Кие свал эри важодиця ломань ютксо, яки васолонь ки ланга, се парсте соды, зяро улить ломанть, конат а содыть, мезе истямось эсь вийтнес кемемась ды кемечись. Истят ломантне эсь эрямость теить юртомо. Арсить: весе тевтне топавтовить сынсь. Эрямосонтъ сыненст лездыть обуцяст, седе сеетьстэ – эрямонь танстентъ ма-рязь оймамось. Лиятне лоткить весементень мелест яво-мо. Истямо эрямонтъ вельксс, okayники, эряви серма-домс: „Эрямосонтъ ульнесь сонзэ часиязо, ансяк часи-явкс сон эзь ульне зярдояк“.

Бути нежедить эрямонь стакачит, истят ломантне емавтнить пряст. Ламо истятнэде, кить лоткасть весе-ментень кемемадо, маштызь эсь пряст. Истят ломантне яла ламолгадыть.

ХРИСТИАНТНЭНЬ ВЕЙКЕТЬКСЧИСТ

Минь, христиантнэ, лиятнестэ мейсэяк а явовтано. Миненек, кода лиятнененьгак, содавикст эрямонь а шождыне кевкстематне, арасьчись, ильветькстнэнь зыя-ност. Весемесь, мезесь лади ломанентень, ули минек эйс-эяк. Ялатеке вейкесэ минь лиятано мирэнтъ икеле: минь маринек Пазонь максовт кенярксонтъ. Парсте содатано: минь зярдо – бути ульнинек, ультяно нейгак. Содатано седеяк, мезде сермады Петра апостолось Малой Азиянь

христиантнэнень: „Тынь ульниде прок енонь емавтозь якиця реветь (конатнень арась ваныцяст); ялатеке тынь течи велявтыде эсенк Ветицянк ды ойменк мельга Ван-ныцянк туртов“ (1 Пет. 2,25). Минь содатано седеяк, мезде сермады Павел апостолось: „Ды минек, зыянонь теемань кис кулозтнень, вельмевтинзе Христос марто – паро бажамосо тынь идезтядо“ (Еф. 2,5). Те минек эрямосонтъ теевсь неяви́ксэкс.

Христиантнэ вейкест-вейкест эйстэ явовить эрязачинь, содамочинь, ютазь шкань коряс. Ялатеке алкуксонь христиантнэ вейкесэ молить ялга-ялга енов. Христосонь Церковав эрва якицясь Павел апостолонтъ марто вейсэ мери: „Мон кеман: а кулома, а эрямо, а Ангелт, а Ушоткс, а Вийть, а неень шкась, а сы шкась, а сэрейчись, а домкачись, а мезеяк лиясь а явсамизь Пазонь вечкеманть эйстэ, кона Иисус Христоссо, минек Инязорсонок“ (Рим. 8,38-39).

Идемас кемема – тень чарькодъсынек аволь кода койкона церковань догматнень марто ве мельс самонтъ. Тень минь чарькодтяно, кода Пазонь вечкемантень кеме кемеманть, конань Иисус Христос вельмевтизе седейзэнек Пазонь Валонтъ вельде. Теньсэ минь чарькодтяно аволь ансяк кенярксов кемема: нолдазь пежетенек, чумочинек. Теньстэ чарькодтяно оймавтыця кемема: Сон педепев топавтсы минек идеманок коряс ине планонтъ ды домкалгавтсы минек эйсэ Эсензэ вечкеманть.

Виде, миненек содавикст пелемась ды тевтне. Эрямосонок ульнестъ аволь аламо истят шкат, конатнеде минсь как виздтяно. Ансяк весе сын изнявить минек вечкиця Пазонтъ вийсэ. Орматнестэ менстицятне тешкстыть: Пазнэнь акемицятне куломанть вастыть а истя, кода сеть, кить кекшезь Пазонтъ эйсэ; кие максызе Сонензэ эсь сы шанзо.

„Те Сонзэ Духось корты минек оймеви́денек: минь – Пазонь эйкакшт“ (Рим. 8,16). Те миненек, христиантнэ-нень, максы тувтал эрва косо кеняркшномс Инязорон-тень. Нама, те зярс а кемевти акемицянтъ. Сонензэ эря-вить лия тувталг. Ялатеке эрямосонтъ, конань миненек максызе Христос, ули се, мезесь а панжови, а тонавтневи ушо ендо. Панжови, тонавтневи ансяк се, мезесь сельме-нек икеле. Се, мезенек ули, минек, христиантнэнь, седей-ганок ютавтови ансяк Пазнэнь кемемантъ вельде, эсенек эрямосо.

МЕЗДЕ КОРТЫ ЭРЯМОСЬ

Сенень, кие покш мельсэ вешни видечи, тесэ макста-но сюпав материал. Сон лезды тензэ парсте кунсолорм Христосто Паро Кулянтъ. Христиантнэ зярдояк эзь чатьмоне. Весе шкатнестэ сынъ кемезь кортасть Иисус Христосто, кортыть нейгак. Валсо кортамотне, бути сынъ, кода шумбра видьметь, эзь пра паро модас, сравт-невсть-салсевсть варма мельга. Тень кисэ улить ламо сермадовксонок! Сынъ, кода вадря хор, евтнить Иисус Христосто, кода од эрямонь максыцядо.

АЛЬБРЕХТ ДЮРЕР

Вана мезть сермады Альбрехт Дюрер эсензэ „Ки лан-гонь голландской сермадовкстнэсэ“, зярдо сон марясь Вормсо „рейхстагто“ мейле Мартин Лютерэнь саламодо. Кода сонзэ шкань ламот ломантне, сон сермады сетне-нень, кинь каршо молицятне яволявтызь аволь законсо.

Тень пингстэ сынъ а содыть вана мезде: Мартин Лютер ашти кекшезь аволь зыянов таркасо, Вартбургсо. Сон сермады:

„...Вай, Иисус Христос Инязор! Ванстык эйсэнек христианонь алкуксонь кемеманть. Пурныть Эсеть вайгельсэть сравтнезь реветнень. Лездак миненек марямс Тонь вайгелеть ды а модемс лия вайгельтнень мельга, конат ветить ломанень ки лангс. Лездака тенок зярдоак а туемс Эйтэть. Миненек эряви улемс олячисэ эриця христианкс... Вай, Паз, натъ, Лютер кулось? Кие карми вельть чарькодевикстэ евтнеме Тонь Евангелият?“

Истя сермадсь 1521 иестэ немецень ине хужожникесь, кона арсесь Христосонь паро тевдензэ.

ЛЮДВИГ РИХТЕР

Кода полавтовить шкатне 300 иень ютазь! Евангелиядонтъ кортамонтень панжозь ки Мартин Лютерэнь ды Реформациянтъ вельде. Католиктнень церковасост ютась сыргоземань увт. Немецень художникесь Людвиг Рихтер лиссь вельть озныцянь семьясто. Секс эзь яво мель религиантень. Эсензэ „Немецень художникень лецтнематнесэ“ сон сермады, кода 1825 иестэ печтизе Христоснэнь пшкадемань шканть. Евтнемазо талновтыця. Сайтяно эйтэнзэ а покш пелькс.

„... Мон мельсэнъ ней а кирдян, мезде мольсь кортамось се чокшнестэнтъ. Ульнинь оям ютксо, конат Пазонтъ эйтэ муизь эрямонь смустест. Кемемань юрокс тенст ульнесь Пазонь Валось. Мон, конань эрьва мезде свал ульнесь эсензэ мелезэ, аштинь ачарькодевикс ежосо. Ульнинь эсень ежом, мелем налкшкекс. Састо, тал-

ныця седейсэ кунсолынь оятнень кортамост. Се чокшне-стэнтэ эсень эйстэ эзинь маря кодаткак полавтовомат. Ялатеке се чокшнесь макссь пургондавкс. Те пургондавксось кувать ульнесь удомасо, лепштызель стака модасо. Ялатеке сонзэ эйскак пачкодсь чинть лембезэ. Мон тень парсте мария ды чарькодия. „Зярдэ Пазось велявтсь Сиононь полононтэ, минь ульнинек прок ононь неицят“. Истя ульнесь монь марто... Эрьва ломанентэ эрямосо эрсить талномат. Эйстэст, кода чувто лангсо сюлмавкст-нэстэ, касыть од тарадкетэ. Чинь васенце чевесь токась вальмазом Од иень валске. Ды вальмава неявиця Санк-Иссидора апокшке церьковань гайтев баягась сыргостимим домка удомастонтэ. Апак учо сыргозинь седейсэнэ а евавикс кецямонь марязь. Сэтьмечисэ ды кеняркссо пештызь оймесэ, эсь прям маринь, кода ансяк чачозь эйде. Ульнесь бажамом весе мирэнтэ кутмордамс ды чевтэстэ пштидемс седеезэнь. Пряван, кода ендол, ютась арсема: „Мон муия Пазонтэ, муия Идицянть. Ней весемь ули паро“.

Ды седе тов Людвиг Рихтер сермады: „Икеле мон ансяк арсинь: тештев менелентэ велькссэ эри Теицясь. Ней вана лиссь истя: аволь ансяк тештнень велькссэ, сонзэ лембе парозо эри маласо, седейсэнэ. Сонзэ вайгелезэ пшкадсь тень: „Мон Паз – сехте виев; якак икельгам ды ульть а токшевиксэкс (Быт. 17,1). Мон мария Ломань Церанть вайгелензэ: „Монь неицям неIZE Тетянтэ“ (Иоан. 14,9). „Мольть Монь мельга“...

Тесэ, те кемевтеманть эйстэ, минь нетяно Пазонтэ улемадо аволь сувов ежомарямо. Нетяно идемантэнь кемема, кона прок пингде-пингень эрямосто свалшкань эрямос чудиця живой ведень лисьмапря, эрьва валскестэ одолгавты ломанентэ. Людвиг Рихтер ульнесь аволь

ансяк художникекс. Сон ульнесь валонь мастеркскак. Ды
тецияк, сядо иень ютазь сонзэ сермадозенть ловнозь,
парсте чарькодтяно, мезе печтясь Од иень вестэ те лома-
несь.

ГЕОРГ МИХАЙЛИС

Людвиг Рихтерэнь вакссо невтян ютазь шкань чинов-
никень сермадовкст. Георг Михайлис „Государстванть ды
народонтъ лезэс“ эсь автобиографиясонзо евтни вана
мезде: „Лигницсэ теевинь содавиксэкс тосонь озныцянь
кужо марто. Евангелиянтъ ловномсто, конань ютавтуть
те кужосонтъ, чарькодия Пазонь виенть. Сынъ вана истя-
мо кеме мельс: Пазось аволь ансяк вечки эйсэнь, сонзэ
ули монень алтазь кизэ“.

Людвиг Рихтер миненек евтнесь, кода романтик. Георг
Михайлис корты кода ломань, кона топавты казямо
тевтъ. Сон кастозь ды тонавтозъгак лиякс. Михайлис седе
тов сермады: „Пазнэнь кемемань салавачись панжови
свалшкань важомемасо, бути те важомемась моли виде-
стэ. Иисус Христос васенцекс изнясь. Сонзэ изнявксозо
тееви минек изнявксокс. Истямо кемемань кинть лангс
стиця ломантне а сэзныцят. Пазонтень алкуксонь пшка-
демась веши вельть покш аляксчи. Натой пистолетэнь
ствол икелев стяמודояк покш. Саезь изнявксось менсти
теине кужонь мельтнень эйстэ, а виде койтнень эйстэ.
Ды, okayники, сюпавчинь азорксчинть эйстэ. Ломантне,
конат печтясть истят талномат, теевить раськекс. Сынъ
эскельдясть весе пирявкстнэнь трокс. Сынъ маштыть вей-
кест-вейкест туртов лездамо. Сынъ маштыть Иисус Хри-
стоссо идемадонть Паро Кулянтъ седе тов кандомо“.

АВГУСТ ГЕРМАН ФРАНКЕ

Моданть лангсо эреть эрва кодамо обуцянь, тусонь, чачонь, виень, содамочинь ломанть. Ансяк вана Паздонть арсемстэ сынст талномаст, арсемаст вейкеть. Ловнотано ли минь минек эрань ветеце пингень Блаженной Августинэнь „Исповедень“, эли кунсолотано эсензэ пшкадемадонть Август Герман Франкенъ евтнеманть – весемесь те маряви тенек неень шкакс. Пазось нейгак иди эйсэнек истя, кода ламо пингеде теде икеле.

Август Герман Франкенень эрявсь топавтомс проповедть Люнебург ошсо. Ансяк сон вельть кавтолдсь. Содась: а кеми Иисус Христоснэнь истя, кода эряви кемемс. Вана мезе сон сермады:

„Вельть пелезь-сорнозь мон новолинь кумажа лангс ды карминь озномо Пазонтень, Конань мон а содылия истя, кода эрявсь содамс. Зярдэ аштинь пульзядо, энялдомам маризе Пазось. Сон менстимим кавтолдоматнень эйтэ, потмоежонь талноматнень эйтэ. Макссь тень кеме кемема: Пазось вечки эйсэнь ды пингеде-пингес карми эсь алтамонзо топавтомо. Сеск ематотсть кавтолдоман. Седейсэм маринь кемема вана теньс: Пазонтъ парозо Иисус Христосо, те парось топавтызе монь оймень идемань теventь. Ули тувтал монень ловомс Пазонтъ аволь ансяк Пазокс, ловомс эсень Тетякскан. Нусманячись ды мелявксось сеск кадымизь. Седеем пешкедсь кецямосо. Ушодынь верьга вайгельть Пазонтъ шнамо, тензэ лембе валонь евтнеме. Сон монень явсь истямо покш мель! Кумажа лангсто стинь лия ломанькс. Пульзякшнынь седейсэм ине рискс ды кавтолдома мартто. Стинь а евтавияк кодашка кецямосо ды идемантень апак кавтолдо кемезь.“

РУДОЛЬФ КОХ

Нама, неень шкань ломанесь мирэнтъ лангс ваны лиякс. Ансяк сяткось, кона минек эйсэ кирвасти духовной толонть, секе. Эйтэнзэ кирвазекшность ломанень седейтне ютазь пингтнестэяк. Те ульнесь Библиянь чарькодевица валось, кона евтнесь Христосто. Те валонть шнасть сетне, кить Сонзэ вечксть ды тонавтность. Минек шкань содавикс художникесь Рудольф Кох те Валдонть мерсь: „...Отксчистэ монень савсь ловномс ламо книгат. Весть кедезэнь понгсь истямо книга, конань а кода ульнесь ловномс капшазь, ланга-прява, кода минь ловнотано лия книгат. Сон истямо домка смустень, мик савсь явомс тензэ ламо шка ды парсте тонавтнемс сонзэ. Те книгась ульнесь Библия. Ушодынь сермадомонзо лия коневс. Сынть мельс: книгань валтнэстэ лиси лангс яла седеяк покш смуть, лезэв сталмо. Сестэ ушодынь кшнис те книгань валтнэнь сермадомо, чувтос ливтеме, бронзас валомо, стенасо покш кумбас викшнеме. Библиянь валтнэнь рисовинь фрескас, валынь бронзас. Те а весе. Сынть кадовсть седейзэм, пачкодсть ойдем потмаксс.

Те книгань валтнэ лиякстомтыть сеть ломантнень эрямост, кить тензэ кемить. Эрямось саи лия смуть. Куломась емавты тандавтнеманзо“.

ВИЛЬГЕЛЬМ ФОН КУГЕЛЬХЕН

Ульнестъ истят ломанть, конат кементъ иень перть мезеяк эзть марсе ды эзть сода Христосто. Ялатеке мейле сыненст панжовсь оймеежонь мирэсь.

Кода стакаль Вильгельм фон Кугельхеннэнь, „Откс-

чиде сыре ломанень лецтнемат“ книгань сермадыщян-
тень, теевемс эстензэ кемицякс, минь несынек книга-
стонзо. Теке шкастонть мельсэнек эряви кирдемс вана
мезе: тетянзо маштомадо мейле эйзэнзэ кадовсь седей-
рискс, кона, секень вант, аноколь ютамс ормас. „Христи-
анской влияния“ главасонть сон сермады:

„...Монь тетям-авам теевсть содавиксэкс ломань мар-
то, конат сяддсть мирэнтъ истямо валсюлмавкссо, кода:
каштан, религиянь уре ды лиякс. Авам вишка шкасто
бажась Пазонь Валонтень. Сон снартнесь молеме Иисус
Христос енов ды эрямо Сонзэ тонавтоманзо коряс. Ти-
рянъ ульнестъ валдо вановтозо ды пшти марямозо.
Шкань-шкань сон ловнось Библиянтъ ды бажась эрямо
сэтьме, баславазь эрямосо“.

Ялатеке истямо эйкакшчинтеньгак эряви сыргозема,
идемань казема, ознома вельде Иисус Христос марто
сюлмавома.

Содазь, церькованть эрямосо ламо ильветькст. Бути
меленек лоткавтомс ансяк церьковань конституциянтень
ды сонзэ политикантень, сестэ мутано тувтал а кемемс
Пазонь улемантень. Христосонь церькованть ули кек-
шезь эрямосо. Сондензэ кортыть ломантне, конат печ-
тизь верде чачоманть. Ловнодо, кода Евангелиясь пач-
кодсь язычниктнень седейтнес, кода Пазонь баславамонь
чадыведтне увность негратнень чопода эрямо таркасо-
ст. Иисус Христосонь валозо топавтовсь ды топавтови
течияк: „Толонь кирвастеме сынъ Мон моданть лангс ды
кода бажан: сон нейке кирвазевель!“ (Лук.12,49.)

Мон евтневлинъ тенк минек шкань ламо ломанде,
конатнень марто савсь вастневемс кементъ иень перть.
Ламоксть некшнинъ покш лиякстомат сеть ломантнень
эрямосо, конат тукшность Христос мельга. Ламот нейгак

яла молить кемемань кияванть. Секс сынст стака пот-
моеждост весенень а эряви евтнемс. Ансяк вейкенть
эряви тешкстамс: Иисус Христос нейгак иди истя, кода
Сон идесь ютазь пингтнестэ. Мон неинь, кода кемиця
крестьянтнэ, конат эсь седейзэст саизь Христосонь, печ-
тясть Сонзэ одолгавтыця виензэ. Неинь, кода од ломанть,
седейзэст Христосонь саезь, мазылгавтыть эсь эрямост.
Мон неинь, кодамо виекс тееви Евангелиясь, зярдо сон
пачкоди пекстазтнень таркас. Мон талнынь сень кувалма,
мезе теи Евангелиясь, зярдо пачкоди од ды сыре акаде-
миктнень седейтнес. Содан официантт, конат мукшныть
шка лецтямс Христосто сеть ломантненень, конатнень
сынъ симдить – андыть. Неинь, кода лагерьсэ полонс
саезь сядот солдатт пурнавкшновсть Евангелиянтъ перь-
ка ды паро мельсэ оймезэст сайсть Паро Кулянтъ.

Нетъ ломантнень вейсэнди вана мезе: сынъ теевить
озномань кандтницякс. Ков ломанесь седе духовной, тов
седе ламо тарка явови сюконямонтень – лембе валонь
евтамонтень – сонзэ озномасонзо. Ловнодо Псалтирь.
Эйсэнзэ озномань алкуксонь школа. Ков седе малав пач-
колетяно прядомазонзо, тов седе гайтевстэ кайсети Паз-
онь шнамось-славамось. 150-це псалмась прядови „алли-
луйя“ ине валсонть. Сехте меельце стихесь прядови истят
валтнэсэ: „Весе лексицясь шны Пазонтъ!“

Кемекстави вана мезде видечись: минек аволь ансяк
Пазось чачтымизь, минь чачинекак Пазонтень. Пазонтъ
марто сюлмавомадне – те рунгонтень ды ойментень
вельть эрявикс вийть. Те моли се енов, зярдо касовксонть
вейке таркасто озавтсызь лия, вельть эрявикс таркас.

Кинень максозь перть пельксэсь Пазонтъ пельде, се-
нень максозь эриця ломань марто мир. Ламось ашти сень
эйтэ, кода ломанесь эсь прынзо вети те мирсэнтъ. Верде

кенярксось – те лезэв эрямонь тешкс. Те эрямось мине-
нек сы Иисус Христос марто сюлмавоматнень вельде.
Тень эйс валови изнявкстнэнь кувалма мельспарось.

Христиантнэнень те эрямосонт савкшны кирдемс
аволь аламо лепштямот, музгордема, лиясто натой мель-
гаст пансемат. Ялатеке весемень тень пингстэ сынст зяр-
дожк а кадны кемемась. Тенень лезды вельмемантень
сынст эриця кемемась. Иисус Христос изнясь.

Вейксэце главась

ИИСУС ХРИСТОСОНЬ ЦЕРЬКОВАЗО

Эрва недлячистэ евангельской ламо церьковава лов-
нови апостолонь кемемань ташто символось, кона пур-
назь апостолтнэнь валсюлмавксстост. Кемемань те сим-
волось невти христиантнэнь васень церьковаст марто
живой сюлмавоматнень лангс. Мезекс эряви те мирсэнтэ
Христосонь Церьковась? Бути те кевкстемась алтаволь
ансяк пежетевтнень идемантень, сестэ сатоволь вана
теяк: Пазось Тензэ кемицянтень максоволь „сэтьме ой-
меежо“. Христосонь тонавтницянзо содасть: сынть тер-
дезь важдодеме, моданть лангсо сынэнст эряви улемс
ушманокс.

БАЖИЦЯ ЦЕРЬКОВА

Нать, Христосонь Церьковазо а мирэнь кандыця-ванстыця? Нать, Христос эзь мертв: „Сэтьметь мирэнь теицятне?“ Кортамскак а мезть, Церьковась ятто пештязь мирсэнтъ – мирэнь тарка. Церьковась ашти видечинть кисэ. Секс сон видечинть лезэс а соды сэтьмечи. Сонензэ а вечкеви кенгелема марто мирэсь. Мирэсь, конань сон саизе ды конадонтъ яволявты: те – мир, конань саизе сонзэ Инязорозо, мир, кона рамазь верьсэ.

Церьковась ашти аволь азорксчинть кисэ. Сонензэ содавикс Инязоронтъ валозо: „Тынк ютксо кадык а ули истя: кие ютксонк бажи улеме покшокс, кадык ули тенк урекс“ (Матф. 20,26). Косо церьковась бажиль азорксчинть, тосо сон явовиль Инязоронзо эйстэ.

Церьковась а правты почетной лементеньгак. Косо сон бажась тенень, тосо стувтнесь эсензэ Инязоронтъ валонзо: „Кода тынь кемтядо, бути вейкенк-вейкенк пельде сайтядо шнамот, теке шкастонть вейкине Пазонтъ шнамонзо а вешнетядо?“ (Иоан. 5,44). Церьковась а бажи мода лангонь сюпавчитнень эйскак. Сон кирди мельсэ Христосонь валонзо: „Кияк а важоди кавто азорнэнь. Тувталось – эли вейкентъ вечкеме а карми, омбоцентъ вечксы; эли вейкентень карми парсте важодеме, лиянь кедьсэ – нузялгалеме. А кода тенк важодемс Пазонтень ды мамонанень“ (Матф. 6,24).

Христосонь Церькованть ули ансяк вейке бажамозо: Христоснэнь эсь служамосонтъ улемс ломантненень Сонзэ вечкемакс. Вельмезь Иисус Христос эри ды теи одтевт. Секс Церьковась служи ды карми служамо Сонзэ омбоце самозонзо.

Кой-кить церькованть мерить анеявикс. Те а виде.

Нама, сон а евтави ловомасо. Пазнэнь кемемась а онкстави церьковав якицятнень ламоксчисэст. Ломанесь зярдояк а карми улеме седеень ветицякс-кирдицякс. Кадык минь а маштано Церькованть границянзо муеме. Сон ялатеке эсензэ тевтнесэ панжови мирэнтень. Вихерн, немецень миссиянь проповедникесь, Церькованть лемдизе цитницякс. Тень пингстэ сон мельсэнзэ кирдсь валтнэнь, конатнень Иисус Христос евтынзе Пандо лангонь эсензэ тонавтомасонтъ: „Тынь – мирэнтъ валдозо. А кекшеви ошось, кона ашти пандо прясо“ (Матф. 5,14). Те церькованть эйстэ явомсто Иисус кармавтсь: „Моледе весе мирганть ды весе эрийтненень евтнеде Библиянтъ“ (Мар. 16,15).

Нама, Иисус Христос лияксккак муевель, кода пачтямс мирэнтъ идемадо кидентъ. Ансяк Сонзэ ульнесь мелезэ пурнамс а покш стада ды максомс тензэ те тевентъ. Весемесь, мезезэ ули Церькованть, тердезь вейкине бажамонь топавтомо: яволявтомс Иисусонь улемадо, Пазонь вечкемадонть. Христос мерсь: „Тынь – моданть салозо...“ – „Тынь – мирэнтъ валдозо“. – „Кадынк валдонк вандолды ломантнень икеле истя, штобу сынъ неевлизь паро тевенк ды шнавольть Менель Тетянк“ (Матф. 5,16). „Кода Монь кучимим Тетям, истя Монгак тынк кучан“ (Иоан. 20,21).

Кода Иисус Христос вейсэндязь Тетянзо марто, истя Сонзэ Церьковазояк вейсэндязь Мартонзо. Кода Сон эзь вешне эсь олячинзэ, Тетянзо бажамось ульнесь Тензэ виекс, истя Сонзэ Церьковантеньгак эряви нучк-пачк пешкедемс Сонзэ бажамотнесэ. Кода Сон эзь вешне эстензэ слава ды азорксчи, аноколь крестонтъ саеме, истя Сон а панжи лия кить Эсензэ Церькованть икелевгак. „Вана, Мон кучан тынк, кода верьгиз юткс реветнень“ (Матф. 10,16).

ПАЗОНЬ НЕВТЕВКС

Библиянь васенце пелькссэнтъ Пазонь бажамотне евтазь истямо валсо: „Тейсынек ломанентъ Минек чачосо, Минек енов молицякс“ (Быт. 1,26). Бути минь саевлинек мель те стихентъ ютавтомс валсто валс, сон гайгевель истя: „Тейсынек ломанентъ Минек енов молицякс, прок невтевкс, прок сулей“. Теньсэ чарькодевикссэтэ евтазь модантъ лангс ломанентъ нолдамсто Теициантъ бажамозо. „Отражение“ валсонть вейке шкасто кекшезь покордамо ды инечи. Теке шкастонть те валстонть маряви верьга прянь кандомань ежо.

Минь, ломантне, ансяк сулей. Лисни, Пазтомо чаво таркатано. Сонзэ вакссо минь аволь вишкине пазнэть. Минь эрва ендо сьулмавозь Сонзэ марто ды весемесэ аштетяно Сонзэ эйстэ.

Икеле, зярдэ арасель фотографиясь, ломантне вейкест-вейкест туртов казильть эсь силуэтэст, конатнестэ а содавильть а киськень тюсось, а сельмень тюсось. Ялатеке чачось содавиль. Истя ломантнеяк а Пазонь портретт. Ялатеке ломаньстэнтъ неявост Сонзэ вечкемась, коронь кирдемась, видечись, оймень ваньксчись. Весемесь те кадык неяви ломаньстэнтъ, кода творениянь текшстонть.

Библиянь 2-це пелькссэнтъ Едемской садтонть кортамсто евтазь: ломанентень сонзэ эряви ванстомс ды якамс мельганзо. Ломанентень а мезекс тиран ладсо азоркстнемс весе эрийтнень лангсо. Кода Пазонь полавтыця, сон тердезь лезэвстэ нолдамс тевс перть пелькссэнтъ казнензэ ды виензэ, одкстомтомс модантъ ды велявтомс сень, мезесь ютавтозь сонзэ лангсо. Тень коряс Пазонь ломанесь Христосонь полавтыця.

Пежетнень кувалма калавтозель ломанентъ виезэ

улемс Пазонь ликекс. Пазонь теевтесь, конанень эрjавсь невтемс моданть лангсо Сонзэ лементь, мейле яволявтсь: „Тейтяно эстенек ош ды менелень сэрjьсэ башня. Моданть келес сравтнемадонок икеле тейтяно эстенек лем“ (Быт. 11,4).

Ветхой Заветэнтъ прjадомсто, Пазось бажась: народозо маштоволь Сонензэ важдеме. Исаия пророконтъ книгань 46-це главасонтъ ули вейке тарка, конасонтъ чарькодевиксстэ кортави теде: „Кадык весе народтнэ пурнавить вейке кужос ды вейсэндjавить плематне. Кие эйтэст икелепелев содызе ды евтызе тень? Кадык яволявтыть, мезе ульнесь ушоткссонтъ. Кадык эсь юткстост явить кемевтиця ломанть, конатнень пельде марjавлинек витькстамот ды меревлинек: „Виде!“ Монь улемань кемевтицятне, корты Пазось, тынь ды Монь урем, конань кочкия вана мекс: содавлиде ды кемевлиде Монень, кирдевлиде превсэнк: те Мон. Мондень икеле арасель Паз, Мондень мейлеяк а ули“ (Ис. 43,9-10).

Тевесь мольсь малав вана истя: народтнэ пурнавсть вейс ды стясть Пазонтъ бажамонзо каршо, кона сайсь мель улемс вейкине Инязорокс. Сынь чумондыть эйсэнзэ а видечинть кисэ, кежейчинть кисэ. Сынь сjалдыть эйсэнзэ, мекс Сон сынст вети истямо кяява, аволь лиява. Эсензэ сэтjмечисэнзэ Пазось, меремс, озы судязень эземс ды анок кунсолломс Эсензэ ятнень сjагавтнемаст ды чумондомань валост. Сонзэ арась мелезэ идемс эсь прjанзо. „Тынь Монь свидетелень“, – корты Сон Эсь народонзо туртов. Сон кеми: эсь прjанть ветямосо ятнэненень невти: Сон ломанень вечкиця ды паронь казиця, кувать шкань перть коронь кирдиця, ламонь максыця ды алкуксонь Паз (Исх.34,6).

Пазонь ветхозаветэнь народось эзинзе топавто сонен-

зэ кемематнень. Кинь арась мелезэ улемс Пазонь лездыцякс, кие бажи Пазонть мезекскак а путомс ды теемс эсензэ лездыцякс, се тееви аволь баславазекс, се тееви народтнэнь эрдекстэмакс.

Секс Иисус Христос Святой Духонть вельде пурны Пазонь од народ. Те народось – Од Заветэнь Церьковась. Сонензэяк максови истямо тев, кона алтазь ломантненень весементь ушодовомсто. „Тынь сайсынк виенть, зярдо тенк сы Святой Духось. Ды карматадо Монень уleme свидетелекс Иерусалимсэ, весе Иудеясонть, Самариясо ды натой моданть песэяк“ (Деян. 1,8). Теньсэ Христосонь Церькованть смустезэ. Теньсэ сонзэ инечизэ ды покорксозо. Сонензэ эряви невтемс Иисус Христосонь эсензэ тевтнесэ ды кортамотнесэ, эсензэ эрямосо ды касомасо. Терстеген поэтэсь истя корты эсензэ вейке гимнасонть: „Валсо, тевсэ ды весе монь рунгосом неявозо Христос“.

Те святой енксось а сы сетненень, кие снартни эсензэ вийсэ сонзэ саеме. Пазось кеми сетнень вийтнес, кить а пансить шнамо мельга, кить седейзэст сайт „Отче наш“ озномань васенце колмо энялдоматнень. Вана сынъ: „Кадык святойкс тееви Тонь леметь; кадык сы Тонь Инязорксчить; кадык ули Тонь олят моданть лангсо, кода менельсэ“.

Бути церьковась а карми топавтомо сонензэ кармавтоманть, снарты эрямо ансяк эсензэ кисэ ды топавтомо кодамо – бути роль, церьковась сестэ тееви пейдеманы лавшо вейсэндявксокс. Те тувталонть кувалма официальной церькованть эрямос кадовсть аволь аламо раужо, а шлявиця-нардавиця страницат.

НЕИЦЯТНЕНЬ ЛЕЗЭСТ

Свидетелькс улеме ломанесь маштови сестэ, бути сон неIZE сень, мезе теевсь сельмензэ икеле. Чумондома шкасто вишка эйкакшонь эли сыре бабинень пачтямось эрси седеяк лезэвкс се виев покш церанть пачтямонзо коряс, кона арасель событиянть пингстэ. Неицянть улить тувталонзо кемевтемс вана мекс: теевезь неезесь кармась улеме эрямонзо пельксэкс.

Бути минек арасть оймень талноманок, Христос марто сюлмавоманок, христианской кой-кона койтнеде башка, сестэ миненек а кода топавтомс свидетелень тевень. Кие бажи Пазонтень кецямо лиянь тердеме, сенень сонстензэ эряви те кецямосонть пешкедемс. Ансяк идезтне видестэ евтнить идемадонть.

Нама, тень туртов эряви мезе-бути лияяк. Миссионер-энтень, кона сырги Африкав, эряви тонавтнемс тосонь ломантнень кельвалост, сынст коест, обуцяст. Те лезды тензэ седе парсте пачтямс тенст Паро Кулянь. Те виде-чись эряви сетнененьгак, кие бажи улеме свидетелькс эсензэ масторсо. Вана ули меленек перьканок мирэнтень кемевтезь евтнемс Христосонь улемадо. Ломантнень марто кортамс эряви аволь библийской кельвалсо, аволь богословонь валсюлмавкссо, – седейстэ. Ломантне содаст: минь марятано сынст эрва чинь тевест ды пеже-тест. Миньгак сынек се „масторстонть“, миньгак теездяно се материалстонть, конастонть сыньгак.

Мон тень парсте чарькодия ламо иень перть тюрьмасо пасторокс улемстэ. Бути пекстазентень корты пекста-зесь, валтнэнь лезэст седе покшт. Тесэ сонензэ пшкади ломань, кона сонськак кантни тюрьмань оршамка, ашти сонзэ кондямо сталмо ало.

Фарисейтненень ды Пазнэнь кемеманть лангсо пей-дицятненень, конат панезь эрямостонть, а кемить. Ды ули тувтал. Невтик монень: весе рунгонь коряс тон монь, ловажасто ловажас тон монь. Сестэ карми марявомо валом домка смустезэ. Кие сайсь мель кортамс витькстамодо пежетевтненень, сенень а эряви теемс истя, мерят, сонстензэ витькстамось а эряви. Кие седеензэ панжи витькстамосо, сень эрямосо теевить редявиксэкс Иисус Христосонь олякстомтыця ды сэтьмечис совавтыця виезэ.

ЦЕРЬКОВАСЬ – КОДА КЕМИЦЯТНЕНЬ ЮТКСО СЮЛМАВОМАНЬ ВИЙ

Нама, вере евтазесь витьстэ лади весе Церьковантень. Кода Церькованть пельксэнзэ, минь понгонетяно Сонзэ баславамонтень. Апостолтнэ а весть тешкстакшность: Христосонь Церьковасонть арась тарка эсь мелявкссо эрийтненень. „Ды тынсь, прок живой кевть, теде эсенк эйтэ духовной кудо“ (1 Пет. 2,5). „Тееви“ аволь башка саезь ойме. Башка пельксэсь – ансяк се, мезенть эйтэ тееви Христосонь Церьковась. Неть кевтне човсевить-валакавтовить, ладсевить вейкест-вейкест эйс. Истя те-весь моли се шкас, зярс кевтне а кармить маштовомо покш, гайгиця храмонь теемс. Те теventь топавты Святой Духось.

Церьковасо а эряви теемс механической вейкетъксчи, кода эрси мирэнтъ демократиясо. (Нама, ансяк валсо). Христосонь Церьковасо весемесь моли истя, кода перть пельксэнтъ. Кода эрва чувтось канды эсензэ чачонзо, кода вирьсэ арасть кавто допрок вейкетъ лопат, истя Христосонь Церьковазояк сюнав эрва кодамо енкссо.

Тень лангс апак вано, ламо пелькстнэ вейсэндязь вейке рунгс. Тувталось вана мейсэ: весе пелькстнэнь виесь сы Церьковань Прявтонть Христосонь пельде.

Павел апостолось сась домка мельс: „Бути пильгесь мери: „Мон а ладян рунгонтень секс, мекс мон а кедь“, сестэ, нать, ансяк секс сон а лади рунгонтень? Бути рунгось-сельме, сестэ косо марямось? Бути весемесь – марямо, сестэ косо чинень марямось? Пазось весе пелькстнэнь аравтнинзе рунгонтень истя, кода эрявьс Сонензэ“ (1 Кор. 12,15-18).

Иисус Христосонь Церьковасо киньгак арасть тувталонзо меремс: „Мон лишноян“. Тесэ кияк а ловови вишкинекс, чаво таркакс. Кие эри Христос марто, сень ули весемезэ, мезесь эряви эрямосонтъ ды Пазонтъ кудосо лезэвстэ улеманть туртов. Иляст сявадо сельметь сетнень лангс, кинень максозь седе ламо казнетъ. Сынъгак ансяк Пазонь кудонтъ ветиця ломанть. Илядо стувтне: „Кинень седе ламо максозь, сень пельде ламо вешевияк“. Сехте эрявиксэсь – улемс паро важдоцицякс тосо, козонь аравтымизь Пазось.

Павел апостолось моли седеяк васов. Сон сермады: „Сельментень а кода меремс кедентень: „тон монень а эриват“; прынтень – пильгтненень: „тынъ монень а эривтадо“. Мекевланк, рунгонь пелькстнэ, конат неявить сехте лавшокс, – седе эрявикст... Майси вейке пельксэсь, мартонзо майсить весе пелькстнэ; шнави вейке пельксэсь, мартонзо кеняркшныть лиятнеяк. Тынъ – Христосонь рунгозо, башка – пелькст“ (1 Кор.12). Истя вейкенъ омбоцедентъ верев кепедемс а эряви. Минь аштетяно вейкенек-вейкенек эйстэ.

Кие кодат казнетъ ды тевть аволь сае, Церьковань члентнэ эривить вейкест-вейкест туртов кода Христос-

нэньгак. Иисус Христосо минь эрятано ойместэ оймес сюлмавоманок кисэ. Кие эсь прянь вечкезь бажи туеме те сюлмавомастонть, се кирди зыян. Нама, христиант-нэнь ютксо вастневить пейдемань святойть. Сынъ касовольть парсте, бути авольть лисе братнэнь ды сазортнэнь марто вейкетьксчистэнтъ ды авольть тееве башка эрицякс.

Вестъ аволь од христианин монень мерсь: „Минь покордатано Святой Духонтъ, бути кадтано Пазонь эйкакштнень марто сюлмавоманть“.

ХРИСТОСОНЬ ЦЕРЬКОВАНТЕНЬ ВАЖОДЕМАСЬ

Вейкеяк христианнэнь а эряви эрямс ансяк эсензэ кисэ. Христианонтень эряма лиятнень кисэ. Истя Христосонь Церьковаськак аволь истяконь тев. Сон эри лиятненень.

Иисус Навинэнь книгань васенце главасонтъ евтневи покш событиядо. Израилень колмоце пель колонатне Иорданонтъ тона ендо сайсть мода. Стадаст якасть ванома таркатнева. Палсть толбандят. Сынъ муизь тиринь масторост, конань тенст явизе Пазось. Ды, марявсь, видекс – кувать якаmodo мейле оймамс вейке таркас. Ансяк арась. Сыненст лецтизь Моисеень валонзо, конатнень Сон евтынзе сынст тевтнеде: „Тынк Пазонк оймавтыдизь ды максызе тенк те моданть. Нинк, эйкакшонк, ракшанк кадовост се моданть, конань максызе тенк Моисей Иорданонтъ томбальде. Весе тынь, кить маштыть тюреме, саеде кедьенкст, моледе раськенк икеле, лездадо тенст се шкас, зярс Пазось а оймавтсынзе раськенк, кода тынкак“ (Иис. Н. 1,13-15). Ды неть колмоце пель коле-

натне анокольть теемс неть валтнэнь коряс. Те невти паро пример Од Заветэнь Церьковантень.

Церькованть ули эсензэ, лия енов а молиця тевезэ. Сон эри мирсэ, косо ламо покордазь, апак иде ломанть ды ломанть, конат а эрить Пазонтъ марто ве мельсэ. Ды тесэ виде валось: „Пазось оймавтыдизь, тенк эряви модемс раськенк икеле ды лездамс тенст, зярс Пазось а оймавтсынзе раськенк“. Истямо эскельксэсь тееви ансяк сенень, кинь саизе ды изнизе Христосонь вечкемазо. Сонзэ вечкевикс тонавтницязо тень евтызе истямо валсо:

„Вечкеманть маринек вана мейстэ: Сон минек кисэ максызе Эсь оймензэ. Миненекак братнэнь кисэ эряви максомс ойменек“ (1 Иоан. 3,16).

Кода ломанень рунгось теезь ойме виень кирдемакс, истя Церьковаськак, кода Христосонь рунгозо, ашти моданть лангсо Сонзэ идемань виекс.

Христосонь туртов эриця христианось те мирсэнтъ а кадсынзе эсь тевензэ. Сонензэ а кода явомс эсь раськет-нестэ. Кие пекстави эсензэ эйс, се а содасы Иисус Христосонь, сонзэ бажамонзо, сонзэ ежомарямонзо. Христос сась мирэнтень важодеме. Бути Сон корты эсензэ тонав-тницятненень: „Тынь моданть салозо“, Сон учи Эсензэт-нень пельде: сынъ те мирсэнтъ кармить эрямо Сонзэ бажамонзо коряс.

Ули вейке кезэрень кучома, кона а сави апостолонь шкатнес (сонзэ сермадызе апостолтнэнь тонавтница). Эйсэнзэ истя кортави государствадонть христианонтъ арсемадонзо: „Христиантнэ топавтыть уликс законтнэнь. Ансяк эсест эрямосост сынъ аштить неть законтнэде сэрейстэ“. Теньсэ евтазь, кода христианось ваны гражданинэнь эсь тевензэ лангс. Теке марто лангс ливтезь видечи, конань содамс эряви эрьва христианонтень: кие

тонадсь Христоснэнь кемеме, се ули эсензэ народонзо кеме вечкицякс, карми сонзэ икеле тевень парсте топав-томо.

Церьковась перть пельга сравтовозь мирэнтень свал карми улеме баславамокс. Минь содатано, кода потмо ендояк, ушо ендояк сюпалгадсь Голландия. Сон 16-це – 17-це пингтнестэ макссь кекшема тарка христиантнэ-нень, конатнень мельга пансесть ятнэ. Содазь, кода баславазельть панезь гугенотнэ, зярдэ сынь кадызь чачома масторост ды састь эрямо Берлинэв, Бранденбургов, Касселев, Франкфуртов. Зальцбуржецтнэ Восточной Пруссиянтъ теизь сюпав таркакс. Истят невтевкст улить Украинасо штундистэнь евангелиянь движениясонтькак. Христосонь Церьковазо мирэнтень свал ульнесь ды каднови баславамокс.

Христианонтъ лавтовонзо лангс путозь вельть покштев: свал топавтомс Инязоронтъ кармавтоманзо, улемс Сонзэ кисэ виде валонь евтыцякс.

ПЕШКЕДЕМАНЬ ЧУДА

Пурнавозь ломантнень пештямонь чуданть вельде Христос макссь тонавтницянтэнь лезэв урок. Те чудадонтъ евтнить весе ниленест евангелистнэ. Ниле ды вете тыщат ломанть андозельть Христосонь кедьсэ.

Неть евтнематне ульнесть ды кадновить ламо кортнемань тувталокс. Кавтолдыця оймесь бажи: неть евтнематне авольть уле Евангелиясонть. Стака панжомс смустест. Ансяк Пазось зярдояк эзь пшкале лескс мельга рационалистнэ-нень.

Васенце христианонь Церьковантень кшиде андомась

ульнесь сехте вечкевикс евтнематнестэ вейкекс. Лиякс тензэ истямо мель аволь уле явозь Од Заветсэнтъ. Кода тень чарькодемс?

Кшиде ломантнень андомась Христосонь тонавтниция-тненень ульнесь Сонзэ важовчинть кемекстамокс: „Истя илядо тално ды илядо корта: „мезде тенек ярсамс?...“ „мезе оршамс?...“ Менель Тетянк соды: весемесь те тенк эряви“ (Матф. 6,31-32).

Христианонь Церьковась, сонзэ ушодовомсто саезь минек читнень видьс стака шкатнестэ, мукшнось ды ней-гак мукшны шнамот Сеньстэ, Кие минек мелявкстонок покш.

Ансяк евтнемастонть, конасонть Иисус зяряя кшисэ андсь вете тыщат ломанть, минь мутано лияяк урок. Тесэ Христос Эсензэ тонавтнициятненень васенцеде мерсь лезде-дамс пиштициятненень, вачодо ломантненень. Ламо вачодо ломанень неезь, Иисус Христос мерсь тонавтнициятненень: „Тынь максодо тенст ярсамс!“ Минь марятано, мезе танда-дозь мерсть тонат: „Тесэ вейке церыненть улить шужонь вете кшинзэ ды кавто калнэнзэ. Ансяк мезе те ламо ломантненень?“ (Иоан. 6,9). Те ульнесь урококс весе тонавтнициятненень. Теке шкастонть – урок весе Церьковантень.

Ульнестъ шкат, зярдэ Лион ошсто пурныциятне, конат-нень мейле лемдизь вальденцэкс, эли нищейксчинь проповедникесь – Франциск Ассизский, моданть ланга якам-сто евтнестъ Евангелиядонть. Нищейкс эсь пряст марясть Павел апостолось ды мартонзо важодициятне. Павел апостолось сермадсь: „...ялатеке ламонь сюпалгавтано“ (2 Кор. 6,10). Бути минек эсенек мезенекак арась, сестэ тенек мерезь явшемс Сонзэ сюпавчинзэ. Нама, те миненек тееви знярос, зяро Сонзэ баславамонь сюпавчи максозь тенек.

Тонавтнициятне чавонь кедть аштитъ Христосонь ике-

ле. Сон сынст коморост пешти велькса. Сынъ саизъ каз-
нень седе апак пеле: явшек зяро мелеть – казень лись-
мась а коськи. Ды бути явшилизъ весе максозень, сынъ
таго сыльть Инязоронтень. Сон таго сьупалгавтсь эйсэст
эсь казнесэнзэ. Сон максыль тенст Эсь важовчисэнзэ
весеметь, мезе тенст эрявьсь. Те – христиантнэнь эрямо-
со салавачи. Чарькодевиксстэ те киненьгак а евтневи.
Кавто тыщат иень перть эри те а покш стадасть Сонзэ каз-
нетнень марто. Сынъ а виздять ды а пелить эсь нищей-
ксчиденть. Эрить эсест Инязорост сьупавчисэнтъ. Истя
ульнесь, истя ули, истя карми улеме Христосонь самс.

Зярдэ тонавтницятне неизъ тень ды чарькодизь васен-
цеде, паряк, сайнзе кенярксов сэтъмечи. Мерят, совасть
покш валдо храмс. Сынст ульнесь тувталост саемс Иня-
зорост кедьстэ казненьть ды явшемс седе тов.

Ансяк теньстэ лиси лия урок. Кода кувать макстано
лиянень, истя маштанэ таго Инязоронтъ кедьстэ эрямонь
кшинть саеме. Бути, мерьсынек, Иуда Искариотнэнь са-
воль истямо мель: ванстомс те тамашань кшинть, мейле
сонзэ миемс ламо ярмак лангс, сестэ сонензэ баслава-
мотне лоткавольть. „Седе паро максомс, аволь саемс“, –
мерсь Иисус Христос. Ансяк максыцясь саи.

Паряк, те эряви неень шкань церьковантеньгак? Па-
ро – эрьва недлячистэ церьковасо марятано Пазонтъ Ва-
лонзо. Кой-косо ванстовсь паро кой – кудосо ловныть
Библиянтъ. Казезекс минь эрсетяно ансяк сестэ, зярдэ
Пазонь казнесь терди эйсэнек лезэв тевс. Бути арась ис-
тямо мель, те – пешксечисэ эрямонь эрдекстэма. Саемс
саян, лиянень максома а арсян. Тосо, косо саезь казненьть
нолдатано тевс, тосо минь таго вельть ламо сайтяно.

Нама, пешксекс кедтнень теемадо икеле, сынест эря-
ви улемс чавокс. Чаво кедтне – те тувтал максомс од

баславамот. Теньсэ тувталось сенень, мекс минек эйстэ ламотненень аламо максови. Лиятнень марто эрси истя, кода сюпав од церанть марто. Сынъ а сакшныть Христос-нэнь чавонь кедть. Лиясто кемить эсест уличинть, вийтненень. Ды дивсемскак а мезть сенень, мекс Иисусонь кедьстэ ламот тукшныть а мельсэ.

Нищейксчинть минь а явовтано Христосонь эйстэ. Ули-парось, велькса оймеожонь пешкедемась ламот-нень калминзе, паряк, минек церковась ютазь шкатне-стэ ульнесь вельть сюпав ды те мешась тензэ озномс истямо озномасо: „Пазонк, простямизь минек!..“

Медицинань доктортнэ кемевтить: пекень эцемась нурька шкань вачочиденть зыянов. Ламо орматнень тув-талось – пек ярсамосонть, аволь нурька шкань вачочи-сэнтъ. Кадык те минек оймавты ули-паронок аразьчинть шкасто.

Кой-кить бажить Евангелиянтъ, Эрямонь Валонтъ кунсолOMO эсест лезэс. Тень лангс ваньить, кода ансяк эсест тевест лангс. Истятнэ куроку лоткить раськетнень мелявксост неемадо.

Ине вийть панжовить христианонь вишка вейсэндяв-кссонть, бути Пазонь казнетне нолдавить весень лезэс. Эрьва од казнестэнтъ чачи од кармавтома. Сестэ чачи Пазонь Валонтень бажамонок.

Иисус Христосонь тонавтницянзо истямо ежомарямо-со, паряк, ульнестъ сестэ, зярдо ломантнень андсть кши-де. Пятидесятницадонтъ мейле вейс пурнавкшность ты-щат ломанть. Бажастъ менелень кшинть, кона максы эрямо. Те шкастонть тонавтициятне эсь прят марясть истя, кода сестэ, зярдо Иисус Христос андсь вете тыщат ломанть. Ней сынъ кортасть аволь покш содамочидест, аволь эсь философиядост. Сынст арасель кодамояк лия

бажамост, кода улемс виде валонь евтыцякс, конатнесэ Иисус Христос кортась кунсолыцятнень марто.

Кадык минек шкань христиантнэ тонавтнить святой вейке енксонь теветь, конань зярдо – бути весть яволявтызе язычниктнень апостолось: „Ды зярдо, раськеть, сакшнынь тыненк, сакшнынь Пазонтъ кемевтеманзо пачтямо, аволь эсень валом эли содамочим шнамо. Мон арсинь ютксонк уleme, крестс чавозь Иисус Христосто башка, мезеньгак а содыцякс“ (1 Кор. 2,1-2).

Эрзянь кельс ютавтывзе Иван КАЛИНКИН

ОГЛАВЛЕНИЯСЬ

Зярья валт те книгадонть ды сонзэ сермадыщядонть	3
Васенце главась	5
Омбоце главась	20
Колмоце главась	31
Нилеце главась	56
Ветеце главась	73
Котоце главась	98
Сисемце главась	118
Кавксоце главась	134
Вейксэце главась	144

И. Р. БРАНДЕНБУРГ

ХРИСТОСНЭНЬ КИСЬ